

## Kásedáni Kár

### Kásedáni Káray pajjár

É ketábay nebisók hamá Luká ent ke Enjili nebeshtag o wat dáktaré at. Kásedáni Káray ketáb, Issáay zendag bayag o jáh janagay sargwastay bárawá áiyay moridáni chamdistén gwáhiá dant. Wahdé Issá Masih, salibay sará dranjang o koshag but, áiyay moridán torset o pa wati rakkénagá chér butant. Bale Issáay markay saymi róchá, áyán Issá wati nyámá zendaká dist. Haw! Issá Masih zendag butagat. Démterá, é ketáb péscha dárit ke Pákén Ruh che paymá gón áyán hór but o áyán Urshalimá beger tán Rumá Issáay wasshén mestág pa mardomán rasént.

Kásedáni káray tahá, Issáay godđhi hokm o parmán, áiyay ásmáná rawag, Urshalimá kelisáy bongéj, Yahudiah o Sámerahay damagán Hodáay kolaway sheng bayag, Issáay sará Pulosay báwarmand bayag o darkawmáni nyámá Issáay kolaway rasénagay hál nebisag butagant. Cha eshán o abéd, Pulosay kár o kerd, áiyay awali mestági sapar, Urshalimay diwán, Pulosay domi o saymi mestági sapar o áiyay bandijáhá gwázentagén wahdáni kessah ham mán ant. Luká wat ham baré baré é sát o saparán gón at. Pa mesálé, gappáni tahá chosha gwashit: “má pa Makduniahay rasagá eshtáp kort” (16:10).

Kásedáni Káray ketáb péscha dárit ke ketábay awali bahrá (1:8) átkagén é habar chón sarjam but ke gwashit: “...wahdé Pákén Ruh shomay delána nendit, shomárá was o wáka rasit o Urshalimay shahrá, Yahudiah o Sámerahay damagán, tán sarjamén donyáay godđhi marz o simsarán ham, pa man sháhedia dayét o mani wasshén mestágá rasénét.”

### Hodáay Pákén Ruhay ér kapagay kawl

**1** <sup>1</sup>Oo wájah Tiupilos! Wati awali ketábay tahá, Issáay káráni bongéjá beger <sup>2</sup>tán hamá róchá ke dém pa ásmáná barag but, har káré ke áiá kortagat o har sar o sójé ke áiá dáttagat, man tará sahig kort. Issáyá pa wati kásediá, lahtén mardom pésará gechén kortagat o cha Hodáay Pákén Ruhay némagá hokmi dáttagatant o gwashtagatanti ke áyáni kár chi ant. <sup>3</sup>Markay sakkay saggagá rand, wati kásedáni démá záhera but o gón bázén gwáhián paddaria<sup>a</sup> kort ke cha mordagáni nyámá<sup>b</sup> zendag butag o jáhi jatag. Áiá, tán chel róchá watá kásedáni démá záhera kort o gón áyán Hodáay bádsháhiay bárawá habaria kort. <sup>4</sup>Yak randé ke gón áyán hórigá neshtag o warák waragá at, hokmi dátant: “Cha Urshalimay shahrá dhann marawét, Petay<sup>c</sup> wádah dáttagén Pákén Ruhay wadár o entezárá bebét ke shomá áiyay bárawá pésará ham cha man eshkotag. <sup>5</sup>Yahyáyá mardom gón ápá pákshódi dáttagant, bale Petay wádah esh ent ke lahtén róchá o rand shomá cha Hodáay Pákén Ruhá pákshódi dayaga bét.”

### Issá ásmáná rawt

<sup>6</sup>Wahdé morid Issáay kerrá mocch butant, cha áiá jostesh kort: “Oo Hodáwand! Bárén á wahd hamesh ent ke taw bádsháhiá padá pa Esrailá pera tarrénay?” <sup>7</sup>Passawi<sup>d</sup> dát: “Á wahd o zamánag ke Petay dastá ant o áiá wat gisshéntagant, shomárá pa áyáni zánagá káré nést. <sup>8</sup>Bale wahdé Pákén Ruh shomay delána nendit, shomárá was o wáka rasit o Urshalimay shahrá, Yahudiah o Sámerahay damagán, tán sarjamén donyáay godđhi marz o simsarán ham, pa man sháhedia dayét o mani wasshén mestágá rasénét.” <sup>9</sup>Cha é habaráni gwashagá rand, áyán dist ke Issá ásmáná barag but o jambaré<sup>e</sup> á cha moridáni démá chér o andém kort. <sup>10</sup>Wahdé Issá dém pa ásmáná rawagá at, moridáni chamm ásmánay némagá sakk atant, anágat<sup>f</sup> distesh do espétpóshén mard áyáni kerrá óshtátag. <sup>11</sup>Áyán gwasht: “Oo Jalili wájahán! Shomá chiá edá óshtátag o ásmánay némagá chárágá

<sup>a</sup>1:3 Paddar, bezán záher, áshkár.

<sup>b</sup>1:3 Nyámá, bezán myáná, daryámá, tahá, tóká.

<sup>c</sup>1:4 Pet hamá labz ent ke Issá Masihá pa Hodáyá kár bastag, bale jesmáni dhawl o dróshomá na. Hodá may sajjahénáni ásmáni Pet ent.

<sup>d</sup>1:7 Passaw, bezán jwáb.

<sup>e</sup>1:9 Jambar, bezán abr.

<sup>f</sup>1:10 Anágat, bezán yak anágat, achának, nágahán.

ét? Issá cha shomay nyámá chest kanag o ásmáná barag butag, bale anchosh ke shomá rawagá distag, hamé dhawlá yak róché padá cha ásmáná pera tarrit o kayt.”

### **Yahudáy jágahay porr kanag**

<sup>12</sup>Gorhá Issáy morid, cha Zaytunay kóhá per tarret o Urshalimá átkant. É kóh, cha Urshalimá yak Shabbati róchéay duriág ent. <sup>13</sup>Wahdé shahrá rasetant, hamá borzádi báná<sup>h</sup> shotant ke pésará hamódá butagatant. É mocchiay mardománi nám esh atant: Petros, Yuhanná, Ákub, Andriás, Pilipos, Tumá, Bartulomá, Mattá, Halpiay chokk Ákub, sarmachárén Shamun<sup>i</sup> o Ákubay chokk Yahudá. <sup>14</sup>Gón áyán Issáy brát, áiay mát Maryam o dega lahten janén ham gón at. Á sajjahén hamdel o hamset o har wahlá gón zegr o dwáyá delgosh o dazgathat atant.

<sup>15</sup>Hamá róchán yak róché, Petros Issáy báwarmandáni nyámá,<sup>j</sup> ke kesás yaksad o bist mardom atant, pád átk o <sup>16</sup>gwashti: “Oo brátáni! Hodáy Pákén Ketábay tahá, harché ke Pákén Ruhá Issáy dazgir kanókáni rahshón, Yahudáy bárawá cha Dáuday zobáná péshgói kortagat, allamá purah o sarjam bayagi at. <sup>17</sup>Yahudá cha may romb o thóliá at o é hezmatkáriá sharikdá at.” <sup>18</sup>Áiá cha watí gandahén káray mozzay zarrán dhagáré pa bahá gept o hamódá dém pa chér kapt o lápi trakket o róti dar átkant. <sup>19</sup>Urshalimay sajjahén mardomán é hál eshkot o áyán, é dhagáray nám watí zobáná “Hakeldámá” bezán “Hónay dhagár” per bast.

<sup>20</sup>Petrosá habar kanáná gwasht: “Zaburay ketábá nebeshtah ent:

‘áiay lóg o jágah haráb o wayrán bát,  
ódá hechkas jahmenend<sup>k</sup> mabát.<sup>l</sup>

<sup>o</sup>

‘áiay ogdah o zemmahwári degaréá berasát.<sup>m</sup>

<sup>21–22</sup>Paméshká báyad ent anchén mardomé gechén kanag bebit ke Hodáwandén Issáy áyag o rawagay sajjahén wahdá gón má gón butag, bezán cha Yahyáay dastá Issáy pákshódiá beger, tán hamá róchá ke á cha may nyámá chest kanag but. Á báyad ent gón má hórigá, Issáy jáh janagay<sup>n</sup> gwáhiá bedant.”

<sup>23</sup>Gorhá do kasay námesh pésh kort, yakké Issop Barsábá at ke Yustus ham gwashtesh o á dega Mattiás at. <sup>24</sup>Randá, é dhawlá dwá kort o gwashtesh: “Oo Hodáwand! Taw harkasay delay hálá zánay, nun wat pa má paddar kan ke cha é doénán kojámiet gechén kortag <sup>25</sup>tán é hásén kásediay zemmahwáriá watí kópagán bezurit, hamá hezmat ke Yahudáyá yalah dát o hamódá shot ke áiay béhi jágah at.” <sup>26</sup>Gorhá, á doénáni sará pálo jatesh o Mattiásay nám dar átk. É dhawlá, á gón hamá rombay yázdahén hásén kásedán hór kanag but.

### **Hodáy Pákén Ruhay ér kapag**

**2** <sup>1</sup>Wahdé Pentikástay|Pentikástay aid<sup>p</sup> róch|Pentikástay aid átk, sajjahén yakjáh mocch atant. <sup>2</sup>Anágat cha ásmáná yak anchén tawáré átk ke gwashay trondén gwáté at o hamá lóg ke á ódá neshtagatant gwátá mán patát. <sup>3</sup>Áyán bázén áspaymén shahm o shamálah dist ke zobánok dayán har yakkéay sará ér neshtant. <sup>4</sup>Á sajjahén, cha Hodáy Ruhá porr butant o anchosh ke Pákén Ruh áyán wák o twán bakshagá at, dhanni zobánán habar kanagá laggetant.

<sup>5</sup>Á róchán, ásmánay chérá har molk o har kawmay Hodádóstén Yahudi, Urshalimá jahmenend atant. <sup>6</sup>Wahdé é tawár chest but, bázén mardomé yakjáh mocch but o hayrán o habakkah mant,

<sup>8:1:12</sup> Shabbati róch hamá Shambéhi róch ent. Shambéhay róchá, durén ráhéá rawag rawá naat, tahná kesás yak kilumitar rawá at.

<sup>h:1:13</sup> Bán, bezán kóthi, kamrá, otág.

<sup>i:1:13</sup> Bázéné gomána kanant ke sarmacháray máná esh ent: Shamun Yahudiáni yak dini syási párthiéay básk butag ke Rumiáni démá óshťatag.

<sup>j:1:15</sup> Asligén Yunáni nebeshtánka gwashit: “brátáni nyámá.” “Brátay” máná har báwarmand ent, mardén o janén.

<sup>k:1:20</sup> Jahmenend, bezán jágahéay neshtagén mardom, sáken, ábád.

<sup>l:1:20</sup> Zabur 69:25.

<sup>m:1:20</sup> Zabur 109:8.

<sup>n:1:21–22</sup> Jáh janag, bezán cha watí jáhá anágatén pád áyag, Arabi o Pársia “qiám, rastákhiz”.

<sup>o:1:26</sup> Pál, bezán láthari, bay o shartbandi.

<sup>P:2:1</sup> Pentikást, bezán rón o móshay aid.

chó mabit áyáni chamm begendant,  
áyáni gósh beshkonant,  
áyáni del bezántant o sarpad bebant o  
mani némagá per betarrant  
ke man áyán dráh bekanán.<sup>c</sup>

<sup>28</sup>Paméshká man shomárá sahig o sarpada kanán ke cha Hodáy némagá rakkénagay é jár darkawmáni kerrá baraga bit, á gósha dárant.” <sup>29</sup>Wahdé Pulosá é habar gwasht, Yahudi pád átk o shotant o watmánwatá pa trondi dapjákesh kort.<sup>d</sup>

<sup>30</sup>Pulos tán do sálá watí jenday keréh kortagén lógéá jahmenend but o harkas pa gendoká byátkén áiá wasshátka kort. <sup>31</sup>Pa natorsi Hodáy bádhsháhiay jária jat o Hodáwandén Issá Masihay bárawá mardomi sar o sója dátant o hechkaséá á, makan nakort.

sakk sárt at, áyán mazanén ásé rók kort o márá wasshátk kanáná gwasht: "Watá betápét o garm bekanét." <sup>3</sup> Pulosá lahtén lansh o dár chet o mocch kort o anchosh ke ásay tahá dawr dayagá at, cha ásay garmiá yak garrmáré dar átk o áiay dastá mangal but. <sup>4</sup> Mardomán wahdé Pulosay dastá patátágén már dist, watmánwatá gwashtesh: "Allamá é mard hónigé ke cha daryáyá rakketag bale nun ensápay hodá<sup>2</sup> áiá zendagá naylit." <sup>5</sup> Bale Pulosá wati dast chandhet, már ásá kapt o Pulosá hecch nabut. <sup>6</sup> Mardom chárágá atant ke allamá áiay jesm o jáñ gwáta gipt yá kapit o merit. Tán dérá wadáresh kort bale wahdé distesh áiá choshén hech chizé nabut, gorhá áyáni hayál badal but o gwashtesh: "É cha hodáyán yakké."

<sup>7</sup> Jazirahay sardár Públusay melkat o jáydád nazzik atant, sardár may kerrá átk o márá wati lógá borti o tán say róchá mehmáni kort. <sup>8</sup> Hamá róchán sardáray pet tapig at o láprechéá geptagat. Pulos áiay kerrá shot, dasti baddhá jat o góñ wati dwáyá dráhi kort. <sup>9</sup> Randá á jazirahay é dega nájórhen mardom Pulosay kerrá átkant o dráh butant. <sup>10</sup> Áyán har paymá márá báz sharap dát o randá, rawagay wahdá pa sát o sapará harché tóshag ke márá pakár at dátesh.

### Pulos, dém pa Rumá

<sup>11</sup> Máltháay jazirahá say máhá jallagá rand, cha Eskandariahay shahrá átkagén bójigéá swár butén. Bójigay démi némagá daryáy járhén botáni<sup>a</sup> neshán per at. <sup>12</sup> Wahdé bójig Sirákusay bandená raset, gorhá tán say róchá hamódá mahtal butén. <sup>13</sup> Má cha ódá ráh gept o Régiumay bandená átk o rasetén. Domi róchá zerbári gwáteá sar kort, saymi róchá Putiuliay bandená rasetén. <sup>14</sup> Ódá má wati lahtén báwarmandén brát dist o áyán lóthet tán haptagéá áyáni kerrá bedárén. Cha ódá Rumay shahrá rasetén. <sup>15</sup> Wahdé óday báwarmandén brátán eshkotagat ke má pédák én, gorhá tán "Ápiusay Bázárá" o "Say Mosáperjáh" námén métagéá may péschwází átkant. Pulosá ke distant, áiá delbaddhié raset o Hodáyay shogri gept. <sup>16</sup> Rumay shahray rasagá, Pulosá é mókal dayag but ke jetáén lóngéay tahá, tahná góñ yak negahpánén sepahigéá benendit.

### Pulos, Rumay shahrá

<sup>17</sup> Say róchá rand, Pulosá Rumay shahray Yahudiáni kamásh wati kerrá lóthetant. Wahdé átk o yajkáh butant, góñ áyán gwashti: "Oo mani brátán! Harchont man pa wati kawm o pet o piroki dód o rabédagán hech dhawlén radén káré nakortag, bale angat lahtén mardomá maná Urshalimá geréntag o Rumiáni dastá dáttag. <sup>18</sup> Rumián bázén path o pólá rand, pa man hech choshén mayáré nadist ke koshag bebán, paméshká lóthetesh maná yalah bedayant. <sup>19</sup> Bale Yahudiáni áyáni é shawr namannet, nun man náchár bután ke cha Kaysará pa wat ensáp belóthán, angat ham wati kawmay zangá najanán o maná cha áyán gelagé nést. <sup>20</sup> Paméshká shomárá wati kerrá lóthetag tán shomárá begendán o gapp o trán bekanén. Man pa 'Esráilay armáná'<sup>b</sup> góñ é zamzil o sánkálán bandig án." <sup>21</sup> Gwashtesh: "Tai bárawá cha Yahudiahá pa má hech kolaw o kágadé nayátkag o cha may brátán ke edá átkagant, na kaséá tai bárawá góñ má hál o hawál kortag, na kaséá bad o radén habaré gwashtag." <sup>22</sup> Bale má tai pegr o hayálán cha tai jenday dapá gósh dáraga lóthén. Parchá ke má zánén shomay Issái thóliay bárawá har jághá mardom bad gwashtag.

<sup>23</sup> Áyán góñ Pulosá pa gend o nendá yak róché gisshént o á róchá, cha pésará géshter mardom Pulosay lögá átk o mocch but. Gorhá Pulosá sabáhá beger tán bégahá góñ áyán Hodáyá bádsháhiay bárawá trán kort o gwáhi dát. Áiá cha Mussáay Sharyat o gwastagén Nabiáni Ketábáni gwáhi o dalilán é johd kort ke Issáy mannógería áyáni delán benádénit. <sup>24</sup> Áiay habaráni gósh dáragá rand lahtén báwarmand but bale dega lahténá báwar nakort. <sup>25</sup> Á watmánwat nátepák but o cha ódá shotant, bale áyáni rawagá pésar, Pulosá wati goddhí habar kort: "Pákén Ruhá cha Eshayá nabiyay zobáná góñ shomay pet o pirénán chón wassh o rást gwashtag:

<sup>26</sup> É kawmay gwará beraw o begwash:  
"góñ góshána eshkonét, bale sarkecha nawarét,  
góñ chammána chárét, bale nagendét,"

<sup>27</sup> chiá ke é kawm sengdel butag,  
góshesh grán ant,  
áyán wati chamm bastagant

<sup>a</sup>28:4 Máltháay mardom botparast butagant. Áyáni ensápay bánokén hodáy nám "Diki" at.

<sup>a</sup>28:11 É doén botáni nám Kástor o Puluks atant ke Jawzá ham zánaga bant.

<sup>b</sup>28:20 "Esráilay armán", bezán Masihay áyag.

chiá ke harkas cha moridáni dapá wati jenday zobáná eshkonagá at. <sup>7</sup> Gorhá, pa bah mánagi<sup>c</sup> o hayráni gwashtesh: "Bárén, é ke habar kanagá ant Jalili naant? <sup>8</sup> Gorhá che paymá má sajjahén, cha áyáni dapá wati máti zobáná eshkonagá én!?" <sup>9</sup> Má, cha Párs, Mád o Ilám, cha Baynolnahrayn, Yahudiah, Kápádukiyah, Pontus o Ásiáy,<sup>r</sup> <sup>10</sup> cha Prijah, Pampiliyah Mesrá én, cha Libiáay hamá hand o damagán ke Keriniay nazziká ant o anchosh cha Rumá átkagén mardom én, <sup>11</sup> Yahudi o darkawmén<sup>s</sup> Yahudi butagén mardom, Kriti o Arab ham. Má sajjahén eshkonagá én ke may zobáná, Hodáy mazanén kárán darshána kanant." <sup>12</sup> Gorhá pa hayráni cha yakdomiá jostesh kort: "É kár o habaráni máná chi ent?" <sup>13</sup> Bale lahtén pa malandh o maskará gwashagá at: "Sharábá mast o malár kortagant."

### Petros mocchiay démá trána kant

<sup>14</sup> Á wahdi, Petros góñ á dega yázdahénán pád átk o pa borztawári góñ áyán gwashti: "Oo Yahudián o Urshalimay jahmenendán! Sarpad bebét o mani habarán delgósh kanét. <sup>15</sup> É mardom, á dhawlá ke shomá hayála kanét, mast naant. Angat sáhat sabáhay noh<sup>t</sup> ent. <sup>16</sup> É hamá hál o habar ent ke Yuil nabiá é dhawlá péshgói kortag.

<sup>17</sup> Hodá gwasht: "Goddhi róchán sajjahén mardomán cha wati Ruhá sarrécha kanán. Shomay jenek o bachak paygambaria kanant, shomay warná elháma gerant o pirén, wába gendant.

<sup>18</sup> Á róchán, wati golám o móledán cha wati Ruhá sarrécha kanán o á ham paygambaria kanant.

<sup>19</sup> Borzád mán ásmáná mójezah o ajekkáti<sup>u</sup> o jahlád mán zeminá ajabbatén neshání pésha dárán, hón o ás o mojén dut.

<sup>20</sup> Cha Hodáwanday porshawkatén róchay rasagá pésar, róch tahárdém o máh hónchaka bit.

<sup>21</sup> Á róchá, harkas Hodáwanday námá begipt, rakkít."<sup>v</sup>

<sup>22</sup> "Oo Esráilián! Delgósh kanét. Anchosh ke shomá wata zánét, Hodáyá shomay nyámá mójezah o ajekkái o ajabbatén neshání cha Issá Náseriy némagá záher o paddar kort o é dhawlá pa áiá gwáhi dátí. <sup>23</sup> É mard góñ Hodáy pészhánti o gisshéntagén shawrá shomay distá dayag but o shomá góñ bédináni komaká salibay sará dratk o kosht. <sup>24</sup> Bale Hodáyá cha mordagán zendá kort o cha markay ranj o azábá rakként,<sup>w</sup> chiá ke nabuteni at mark áiá wati panjagáni tahá bedárit, <sup>25</sup> hamá dábá ke Dáudá áiay bárawá péshgói kortag o gwashtag:

'Man modám Hodáwand wati dém pa démá distag, á mani rástén pahnátá ent, cha hamé sawabá mana nalarzán o nathagalán.'

<sup>26</sup> Paméshká, delon wassh o zobán shádán ent. Jesm o jánon mán ométag kalátá áráma gipt,

<sup>27</sup> chiá ke taw maná mordagáni jaháná yalah nakanay o wati hamá Pákéná sarhag o pusságá naylay.

<sup>28</sup> Taw maná zenday ráh sój dátagant o wati pahnátá maná cha shádmániá sarrécha kanay."<sup>x</sup>

<sup>29</sup> "Oo brátán! Man pa deljami shomárá gwashán ke may bonpirok Dáud mort, kabr o kapon but o áiay kabr tán maróchi may gwará hastent. <sup>30</sup> Bale á paygambaré at o zántagati Hodáyá sawgand wártag o kawl kortag ke cha áiay naslá yakkéá, áiay bádsháhiay tahtay sará nádénit. <sup>31</sup> Dáudá cha péshá, áyókén róch distagatant o Masihay jáh janagay bárawá gwashtagati ke á na mordagáni jaháná yalah kanaga bit o na áiay jóna sarhit o pussit.<sup>y</sup> <sup>32</sup> Hodáyá Issái Masih zendag kort o má sajjahén é rástiy sháhed én. <sup>33</sup> A, Hodáy rástén némagá borzád barag but. Cha Petá, wádah dátagén Pákén Ruh áiá raset o hamá dhawlá ke shomá gendag o eshkonagá ét, nun Pákén Ruhí békésás<sup>z</sup> bakshetag. <sup>34</sup> Chiá ke Dáud wat ásmáná borzád nashot, bale gwashtagi: 'Hodáwandá góñ

<sup>q2:7</sup> Bah mánag, bezán sakk hayrán bayag, boh bayag.

<sup>r2:9</sup> Á wahdá, Ásiáy máná annugén Torkiahay rónendi némag at.

<sup>s2:11</sup> Darkawm, bezán á ke Yahudi naant.

<sup>t2:15</sup> Asligén Yunáni nebeshtánka gwasht: "Róchay saymi sáhat". Yahudiáni róchay hesáb, sáhat sohbay shashá bongéja but.

<sup>u2:19</sup> Ajekkái, bezán mójezah, hayrán kanókén kár.

<sup>v2:21</sup> Yuil Nabiay Ketáb, bahr 2, band 28–32.

<sup>w2:24</sup> Rakkéng, bezán neját dayag, bacchénag.

<sup>x2:28</sup> Zabur 16:8–11.

<sup>y2:31</sup> Zabur 16:10.

<sup>z2:33</sup> Békésás, bezán sakk báz, béandázah, béhesáb.

*mani Hodáwandá<sup>a</sup> gwasht, “mani rástén némagá benend<sup>35</sup> tán hamá wahdá ke tai dozhmenán tai pádáni chéray padag o chárchóbahé bekanán.”<sup>b</sup>*

<sup>36</sup>“Paméshká, Esráilay sajjahén kawm allam bezánt, hamá Issá ke shomá salib kasshet, Hodáyá Hodáwand o Masih kortag.” <sup>37</sup>Wahdé mardomán é habar eshkotant, báz del padard butant o góón Petros o á dega kásedán gwashtesh: “Oo brátán! Má chón bekanén?”

<sup>38</sup>Petrosá góón áyán gwasht: “Cha wati gonáhán pashómán bebé<sup>c</sup> o cha shomá harkas Issá Masihay námá pákshódi bekant, tán Hodá shomay gonáhán bebakshit. Á wahdá shomárá Hodáyá Pákshén Ruh, tohpah o thékia risit. <sup>39</sup>Hodáwanday é labz o kawl éwak o tahná pa shomá naent, pa shomay chokk o óbádag o á dega durén hand o damagáni hamá mardomán ent ham, ke may Hodáwandén Hodá áyán wati kerrá tawára kant.”<sup>d</sup>

<sup>40</sup>Petrosá, á, pant o sój dayáná kaddhan<sup>e</sup> kort o gwashtant: “Watá cha é gomráhén nasl o padréchá berakkénét.” <sup>41</sup>Gorhá, hamáyán ke áiay kolaw o paygám zort, pákshódi ham kort o á róchá, kesás say hazár mardom góón báwarmandán hór but. <sup>42</sup>Ayán, pa kásedáni dars o sabaká, pa sharikdárén zendá, pa nánay bahr kanag<sup>f</sup> o pa dwáyá, watá nadr kort. <sup>43</sup>Sajjahénáni delá bimm o torsé nesht o cha kásedán mójezah o ajabbatén nesháni záher o paddara but.

### Báwarmandáni sharikdárén zend

<sup>44</sup>Sajjahén báwarmand, góón yakdegará hór o sajjahén mál o hastiá sharikdár atant. <sup>45</sup>Áyán wati mál o melkät bahá o nadra kort o harkasay garaz o zaluratáni sará, sajjahénáni nyámá bahra kortant. <sup>46</sup>Á, har róch góón hamdeli, mazanén parasteshgáh moccha butant o wati lógán ham pa wasshi o delsetki nánesh bahra kort o hórigá warákesha wárt. <sup>47</sup>Hodáesh satá o saná kort o sajjahén mahluká á dóst atant. Hodáwand ham róch pa róch rakkéntagén mardomán géshá cha géshter kanán at.

### Petros drahbakshia<sup>g</sup> kant

**3** <sup>1</sup>Yak róché, nohomí sáhatay<sup>h</sup> zegr o dwáy wahdá, Petros o Yuhanná mazanén parasteshgáh rawagá atant. <sup>2</sup>Hamá wahdá, lahtén mardom yak pédaeshi langéái áragá at. Mardomán é lang har róch, mazanén parasteshgáh “Zébá” námén darwázagay dapá wápént tán cha parasteshgáh rawókén mardomán pendhágé begipt. <sup>3</sup>Wahdé áiá Petros o Yuhanná parasteshgáh rawagá distant, cha áyán pendhagi lóthet. <sup>4</sup>Petros o Yuhannáyá wati chamm áiárá sakk dátant. Petrosá gwasht: “May némagá bechár.” <sup>5</sup>Langén marday chamm pa é ométa sakk atant ke chizé dayanti. <sup>6</sup>Gorhá Petrosá gwasht: “Maná zarr o sohr nést bale harché ke maná hast, tará dayán. Issá Masih Náseriyá námá, pád á, ráh ger.” <sup>7</sup>Nun áiay rástén dasti gept o óshtárenti. Hamá damáná áiay pád o pádáni mocch, tayár o zórmánd butant. <sup>8</sup>Jáh serret o wati pádáni sará óshtát, ráh gept o traddán o kopp kanán o Hodáyá sepat o saná kanáná, góón áyán parasteshgáh shot. <sup>9</sup>Sajjahén mardomán á dist ke Hodáyá sepat o saná kanáná, wati pádáni sará rawagá ent. <sup>10</sup>Zántesh é hamá ent ke pésará, parasteshgáh “Zébá” námén darwázagay dapá pa pendhágá neshtagat. Nun cha é kárá ke góón áiá butagat mardom hayrán o habakkah mantant.

### Petrosay kolaw

<sup>11</sup>Á mard cha Petros o Yuhannáyá hecc jetá nabut. Nun sajjahén mardom Solaymánay pészjáhá, j góón hayráni tachán dém pa áyán átkant. <sup>12</sup>Petrosá ke chosh dist, góón áyán gwasht: “Oo Esráilián! Cha é kárá, pa ché inkadar hayrán o habakkah mantagét? Chiá chammó pa má sakk ant? Gwashay záná, má góón wati jenday twán o pahrézkáriá é mard dráh o tayár kortag. <sup>13</sup>Ebráhém, Eshák o

<sup>a</sup>:2:34 “Mani Hodáwand” bezán Issá Masih.

<sup>b</sup>:2:35 Zabur 110:1.

<sup>c</sup>:2:38 Pashómán bayag, bezán tawbah kanag.

<sup>d</sup>:2:39 Albat, báyad bezánén Hodá sajjahén mardomán wati kerrá lóthit.

<sup>e</sup>:2:40 Kaddhan, bezán mohréni tákid, hokm.

<sup>f</sup>:2:42 Pa Issáy goddhí shámay yátmáná, áiay báwarmand nán o sharáb bahra kanant.

<sup>g</sup>:3:0 Drahbakshi, bezán dráhi o salámatiy bakshag, Arabi o Pársiá “shafá”.

<sup>h</sup>:3:1 Bezán bégáhay sáhat sayá.

<sup>i</sup>:3:2 Pédaeshi lang, bezán mádarzádén lang.

<sup>j</sup>:3:11 Pészjáh, bezán pészgáh, lógay chárdiwál, sahn.

chosh mabit ke bójig, Sirtisay bazén rékáni tahá mén berawt, paméshká bójigay ácháresh<sup>t</sup> ér gétk o bótk, nun gwát bójigá démá baragá at. <sup>18</sup>Bójig cha gwátay trondi o daryáy chawl o mawjáni mastiá chest o ér bayagá at, paméshká domi róchá, bójigay bár o bonagáni chagal dayagá laggetant. <sup>19</sup>Saymi róchá, bójigay bázén kárgéj o sámáñesh ham daste wat daryáyá dawr dátant. <sup>20</sup>Wahdé tán bázén róchán na róch gendaga but o na estár o tuppánén gwát ham kasshagá at, gorhá má pa wati zenday rakkagá hech ométt nakasshet.

<sup>21</sup>Tán báz róchá waragesh ham nawártagat. Gorhá, Pulos áyáni démá óshtát o gwashti: “Oo mardán! Agan shomá mani habar bezortén o cha Kritá dar mayátkénét, may sará inchok sakki o sóri nakaptagat o inchok tawán ham narasetagat. <sup>22</sup>Bale nun góón shomá dazbandia kanán wati delá dhaddh kanét, bójiga boddhit bale shomay jendá heccha nabit. <sup>23</sup>É habará, man paméshká zánán ke dóshi cha hamá Hodáyá némagá ke man áiay hezmatkár án, préshtagé átk, mani kashá óshtát o <sup>24</sup>gwashti: ‘Oo Pulos! Mators, taw báyad Kaysaray darbárá pésch kanag bebyav, mán bójigá tai hamráh ham Hodáyá rakkéntagant.’ <sup>25</sup>Oo brátán! Delá dhaddh kanét chiá ke maná Hodáyá sará setk ent o deljam án, préshtagá harché maná gwashtag, allamá hamá dhawlá bit. <sup>26</sup>Bale may bójig yak jazirahéá ména rawt.”

### Bójigay proshag

<sup>27</sup>Chárdahomi shapá, may bójig angat Ádriátkay Zerá<sup>u</sup> jombán o chest o ér bayán at. Shapnémá, jánhshón gomán kort ke tayábgwar nazzik ent. <sup>28</sup>Gorhá ápay johliesh sódet o kesás kort ke bist gwáz<sup>v</sup> at, wahdé bójig kammé démterá shot padá ápesh sódet o zántesh ke zeray johli pánz dah gwáz<sup>w</sup> ent. <sup>29</sup>Torsetesh, chosh mabit ke bójig ápá góón kóhéá dhikk bwárt. Paméshká bójigay poshti némagá chár nangaresh daryáyá dawr dát o dwáesh kort ke zutter róch bebit. <sup>30</sup>Jánshó cha bójigá ér kapag o jehágá delmánag atant, paméshká áyán kathiay sád pach kortant o daryáyá ér gétk. Áyáni nimmón esh at ke cha démi némagá ham nangar ápá ér begéjant. <sup>31</sup>Pulosá góón pawji apsar o sepáhígán gwasht: “Agan jánhshón bójig yalah dát o jestant, gorhá shomá rakketa nakanét.” <sup>32</sup>Paméshká sepáhígán sád borrettant o kathi daryáyá yalah dát.

<sup>33</sup>Wahdé gwarbám nazzik but, Pulosá sajjahén delbaddhi dát o gwashtant: “Shomá tán chárdah róchá wadár kortag ke bárén ché bit o ward o warákó dast ham najatag. <sup>34</sup>Paméshká man góón shomá dazbandia kanán chizé bwarét tán zendag bemánét, cha shomá hechkasay saray mudáni thálé ham zyána nabit.” <sup>35</sup>Pulosá nán zortant, sajjahénáni démá Hodáyá shogr gept o padá nán tronset o warag bongéi kort. <sup>36</sup>Cha eshiá sajjahénáni del dhaddh but o á ham waragá laggetant. <sup>37</sup>Bójigay tahá má dosad o haptád o shash mardom atén. <sup>38</sup>Wahdé waragesh wárt o sér kort, gallahén dánesh daryáyá dawr dátant tán bójig sobakter bebit.

<sup>39</sup>Róch ke dar átk, tayábesh dist bale nazántesh kojám sardhagárá ant. Talagén hóré<sup>x</sup> distesh ke tayábi rék at, shawresh kort, agan bebit bójigá hamé hórá sara géjant. <sup>40</sup>Nangaresh bótk o daryáyá yalah kortant. Bójigay sokkánesh ke góón sádán bastagat pach kort o bójigay démi némagay áchár borz kort, tánke tayábá sar bebant, <sup>41</sup>bale áp é jághá talag at, paméshká bójigay démi némag rékáni tompéá mén shot o poshti némag cha mastén chawláni zórá proshagá lagget. <sup>42</sup>Sepáhígán kaydiáni koshagay shawr kort tán chó mabit ke cha áyán kasé ózhnág<sup>y</sup> bekant o betachit, <sup>43</sup>bale pawji apsará pa Pulosay zenday rakkénagá sepáhig cha é kárá makan kortant o parmán dát ke agan kasé ózhnág korta kant, daryáyá kopp bekant o tayábá berawt, <sup>44</sup>é dega mardom, lahtén tahtagén dáráni komaká o lahtén bójigay é dega thokkoráni sará watá hoshkiá berasént. É dhawlá sajjahén mardom pa wasshi o salámati tayábá ér kaptant.

### Máltháy jazirahá, Pulosay mójezah

**28** <sup>1</sup>Wahdé má sajjahén pa wasshi o salámati hoshkiá ér kaptén gorhá zántén ke á jazirahá nám Málthá ent. <sup>2</sup>Óday mardomán góón má bédarwarén mehrabánia kort, hawr gwáragá at o

<sup>t</sup>:27:17 Áchár, bezán bádpán.

<sup>u</sup>:27:27 Pulosay zamánagá, Ádriátkay Zer cha maróchigén Ádriátkay Zerá master butag o á wahdá Máltháy nazzikén zer ke maróchi “Yónyan Zer” gwashaga bit, ham Ádriátkay Zerá hawár butag.

<sup>v</sup>:27:28 Bezán chel mitar. Har doén dastáni drájá, ke do mitara bit, gwáza gwashant.

<sup>w</sup>:27:28 Bezán si mitar.

<sup>x</sup>:27:39 Hór, Arabi o Pársiá “khaliq”.

<sup>y</sup>:27:42 Ózhnág, bezán shená.

### Pa Agripásay báwarmand bayagá, Pulosay wáhag

<sup>24</sup>Hamedá, Pestusá pa borztawári Pulosay habaray tahá dawr kort o gwashti: “Oo Pulos! Taw bésár ay, tai géshén zánt o zánagá tará ganók kortag.” <sup>25</sup>Pulosá darráént: “Sharapdárén wáli Pestus! Man bésár naán, é chiz ke mana gwashán rást o hóshmandén<sup>n</sup> habar ant. <sup>26</sup>Bádhsháh Agripás wat é chizáni bárawá sharra zánt o man pa deléri é habarán kanagá án, chiá ke deljam án, á cha é sargwastán sahig ent, é sajjahén yak gwandhén kallag o kerréa wa nabutagant. <sup>27</sup>Marháhdárén bádhsháh Agripás! Tará nabiáni sará báwar ent? Haw! Mana zánán ke tará báwar ent.” <sup>28</sup>Gorhá Agripásá gón Pulosá gwashti: “Tai hayálá, maná góñ wati habarán chosh zut Masihiáni ráhá áworta kanay?” <sup>29</sup>Pulosá passaw dát: “Zut yá dér, bale man cha Hodáyá hameshiá lóthán ke éwaká taw na, harkas ke maróchi mani habarán góñ dáragá ent, mani dhawlá báwarmand bebit, bale pádi zamilán mabant.”

<sup>30</sup>Randá bádhsháh o góñ áiá wáli, Berniki o neshtagén mardom pád átkant. <sup>31</sup>Wahdé dar áyagá atant, watmánwat gwashagá atant ke: “É mardá choshén mazanén mayáré nakortag ke jél kanag yá koshag bebit.” <sup>32</sup>Bádhsháh Agripásá gón Pestusá gwashti: “Agan é mardá Kaysaray hakdiwáná péshi malóthetén, annun ázát kanag butagat.”

### Pulos o Rumay sapar

**27** <sup>1</sup>Wahdé karár but má góñ bójigá Itáliáyá berawén, gorhá Pulosesh góñ dega lahtén bandigá, Julyus námén apsaréay dastá dát, ke cha Kaysaray lashkará at. <sup>2</sup>Má bójigéá swár but o ráh kaptén ke á cha Adrámitinay bandená átkagat o Ásiáy damagay é dega bandenán rawagi at. Tesáluniikiay shahray Aristarkás námén Makdunié ham, é bójigá góñ at. <sup>3</sup>Domi róchá, may bójigá Saydunay bandená nangar dawr dát. Apsar Julyus góñ Pulosá mehribán at o eshti ke Pulos berawt góñ wati dóstán gendok bekant o áiay zaluratán purah bekanant. <sup>4</sup>Cha ódá padá ráh geptén bale gwát may démá at, paméshká má Kebresay jazirahay kash gept o érgwátáº démá rawán butén. <sup>5</sup>Cha Kilikiah o Pampiliahay zerkerrán gwazán, Likiahay damágá, Mirahay shahrá átkén. <sup>6</sup>Ódá may pawji apsará dega bójigé dar gétk ke cha Mesray shahr Eskandariahá átkagat o Itáliáyá rawagá at. Áiá mará hamé bójigá swár kort. <sup>7</sup>Má tán bázén róchán madán madánº démá shotén o pa hillaté Knidusay bandenay nazziká átk o rasetén. Nun gwát may démá at, paméshká cha Kritay érgwátén pahnátá Salmunahay kerrá gwazán, démá shotén o <sup>8</sup>pa sakki o sórié “Zébá” námén bandenéá sar butén ke Lásiahay shahray nazziká ent.

<sup>9</sup>Bázén wahdé zawál butagat, tantaná Róchagay Aidº ham gwastagat o daryáay sapar báz torsnák butagat, paméshká Pulosá á dháh dát o hozzárt kortant, <sup>10</sup>gwashti: “Oo wájahán! Man anchosha gendán ke sakkné bimnák o tawánbárén saparé may démá ent, na tahná pa bójig o bójigay bár o bonagá, pa may zendá ham.” <sup>11</sup>Bale pawji apsará Pulosay habarání sará delgósh dayagay badalá, bójigay hodábond o náhodáay habar zortant. <sup>12</sup>Zemestáná á banden pa dáragá sharr naat, paméshká géshterénáni shawr hamesh at ke bójig cha ódá dar bekapit o agan buta kant, á Piniksay bandená watá berasénant o zemestáná ódá begwázénant. Piniksay banden, Kritay yak bandené ke démi cha shomál o jonubá magrebay némagá ent.

### Mazanén tuppán

<sup>13</sup>Wahdé sobakkén zerbári gwát wassh wasshá kasshágá lagget, gománesh kort ke nun áyáni delay morád puraha bit. Gorhá bójigay nangaresh chest kort o Kritay jazirahay pahnátá gerán, tayábay nazziká rawán butant. <sup>14</sup>Bale dér nagwast ke tuppánén gwátéá cha Kritá sar kort, ke áiá góricháni ródarátkayº gwáshant. <sup>15</sup>Bójig gón tuppáná dochár kapt o gwátay démi dásht nakort, paméshká má watá gwátay sepordah kort o chawl o mawján mará démá bort. <sup>16</sup>Má gwandhén Kawdá námén jazirahéay érgwátá, pa sakki bójigay kathiº dastá áwort. <sup>17</sup>Kathiay sar géjaá rand, góñ tayl o sádán bójigesh chapp o chágérdá mohrband kort ke maproshit. Torsetesh

<sup>n26:25</sup> Hóshmand, bezán agli.

<sup>o27:4</sup> “Érgwátá” máná esh ent ke yak diwálé, kóhé yá dega chizé gwátay démá dárit.

<sup>p27:7</sup> Madán madán, bezán ástah ástah, lahm lahmá, wassh wasshá.

<sup>q27:9</sup> Róchagay aid, bezán Yahudiáni “Yawm Kipur” námén aidé ke érahtay wahdá ent.

<sup>r27:14</sup> Ródarátk, bezán hamá némag ke róch dara kayt, mashrek.

<sup>s27:16</sup> Kathi (yá sudommi) kasánén bójigé ke har mazanén bójigá hast.

Ákubay Hodá, bezán may pet o pirokáni Hodáyá, wati hezmatkárén Issá shán o shawkat dát, hamá ke shomá geráént o kóshárént o Pilátusay démá á namannet, harchont ke Pilátusá áiyá ázát kanagay shawr kortagat. <sup>14</sup>Bale shomá á ‘Pák o Nékén’ namannet o áiyá jáhá pa yak hónigéá ázáti lóthet. <sup>15</sup>Shomá zendmánay sarchammag kosht, bale Hodáyá á cha mordagáni nyámá zendag kort o jáh janáént o má eshiay sháhed én. <sup>16</sup>É mardá gendagá ét o zánét. Cha Issáy námay saray báwarmandiá, áiyá wák o twán rasetag. Haw! Issáy nám o áiyá sará báwarmandiá, é mard shomay démá sarjamá dráh kortag.

<sup>17</sup>“Nun, oo brátán! Mana zánán ke shomay kamásháni kár o kerd, cha názántiá at.

<sup>18</sup>Bale Hodáyá harché ke cha sajjahén nabiáni zobáná péshgói kortagat é dhawlá purah o sarjam kort. A péshgói esh ent ke áiyá Masih, ranja kasshit. <sup>19</sup>Nun cha wati gonáhán pashómán bebét o dém pa Hodáyá wátarr bekanétk tán shomay gonáh o mayár shódag beabant, <sup>20</sup>cha Hodáwanday némagá shomárá gég o ásudagén wahd o róch berasit o Hodá, Masih bezán Issáyá, ke pa shomá gechén kanag butag, rawán bekant. <sup>21</sup>Á báyad ent ásmáná bemánit tán hamá wahdá ke har chiz nóksará wati jáhá per betarrit, hamá dhawlá ke Hodáyá cha kwahnén zamánagán pákén nabiáni zobáná gwashtag. <sup>22</sup>Mussáyá gwashtag: ‘Shomay Hodáwandén Hodá, cha shomay brátáni nyámá pa shomá mani dhawlén paygambaré gechéna kant, báyad ent shomá áiyá sajjahén habarán bemannét.

<sup>23</sup>Kasé ke é paygambaray habarání sará delgósh makant, cha kawmá sendag o dar kanaga bit.<sup>1</sup>

<sup>24</sup>“Cha Samuilá o rand, sajjahén nabián é rócháni bárawá péshgói kortag. <sup>25</sup>Shomá nabiáni poshtpad o hamá ahd o kawlay mirás barók ét ke Hodáyá góñ shomay pet o pirokán kortagat, wahdé góñ Ebráhémá gwashti: ‘Zeminay sajjahén kawm o kabilah cha tai nasl o poshtpadá barkata gerant.’<sup>m</sup> <sup>26</sup>Hodáyá wati hezmatkár gechén kort o pésará shomay gwará rawán dát tán shomárá barkat bedant o har yakkéá cha áiyá haráb o gandahén ráhá per betarrént.”

### Petros o Yuhanná sarókáni diwánay démá

**4** <sup>1</sup>Petros o Yuhanná angat góñ mardomán habar kanagá atant ke dini péshwá, mazanén parasteshgáhay negahpánén sepáhígáni master o Saduki<sup>n</sup> ódá átk o rasetant. <sup>2</sup>Á, cha é habará sakk nárazá atant ke kásedán mardom dars o sabaka dát o járesha jat ke: “Cha Issáy nám o ráhá mordag padá zendaga bant.” <sup>3</sup>Petros o Yuhannáesh geptant, bewahd o bégáh at, paméshká tán é dega róchá bandigesh kortant. <sup>4</sup>Bale bázéné ke áyáni kolaw o paygámesh eshkotagat báwarmand but o cha áyán kesás panch hazár mardén atant.

<sup>5</sup>É dega róchá, Yahudiáni master, kamásh o Sharyatay zánógerº Urshalimá mocch butant. <sup>6</sup>Gón áyán masterén dini péshwá Hanná o áiyá hamráhiá Kiápá, Yuhanná, Eskandar o masterén dini péshwáay sajjahén kothom o hándán góñ atant. <sup>7</sup>Ayán Petros o Yuhanná óshtárént o jost geptant: “Shomá góñ kojám zór o wáká yá góñ kai námá é kár kortag?” <sup>8</sup>Gorhá Petros cha Hodáyá Pákén Ruhá sarréch but o gwashti: “Oo kawmay sarók o kamáshán!” <sup>9</sup>Agan maróchi é sawabá cha má jost o pors bayagá ent ke má pa lang o mondhen mardéá néki kortag o josta kanéti ke á chón dráh butag, <sup>10</sup>gorhá shomá sajjahén o Esráilay drostigén kawm bezánét, é mard ke dráh o tayár shomay démá óshtátag, cha Issá Masih Náseriy námay barkatá dráh butag. Shomá Issá salib kasshet o kosht, bale Hodáyá cha mordagáni nyámá zendag kort. <sup>11</sup>Issá hamá seng ent ke shomá, bánnbandén ostáyán,<sup>p</sup> pasond nakort o chagal dát, bale á seng, bonhesht<sup>q</sup> but.<sup>r</sup>

<sup>12</sup>Cha áiá abédº dega rakkénóké nést, chiá ke ásmánay chérá, Issáy námá abéd, mardomán dega náday nagwast ke góñ áiá má rakket bekanént.

<sup>13</sup>Ayán ke Petros o Yuhannáay deléri o bahádorri dist o zántesh ke á náwánendah o ámién mardom ant, hayrán butant. Randá pajjháshé áwortant, ke á Issáy hamráh butagant. <sup>14</sup>Bale pa

<sup>k3:19</sup> Wátarr kanag, bezán per tarrag.

<sup>l3:23</sup> Sharyatay Domi Rahband, bahr 18, band 15, 18, 19.

<sup>m3:25</sup> Pédáesh, bahr 12, band 3.

<sup>n4:1</sup> Saduki, cha Yahudiáni dini sarókán yak thólíti at.

<sup>o4:5</sup> Sharyatay zánóger, bezán dini álem o Sharyatay zántkár.

<sup>p4:11</sup> Bánbandén ostá hamá ent ke lögay bandagá zántkár ent.

<sup>q4:11</sup> Bonhesht, bezán lögay awali hesht yá seng.

<sup>r4:11</sup> Zabur 118:22.

<sup>s4:12</sup> Abéd cha, bezán gayr cha.

é sawabá ke á dráh butagén mard áyáni kerrá óshtátagat, chizé gwashtesh nakort.<sup>15</sup> Paméshká áesh cha hakdiwánát dhann rawagay hokm dát o wat pa shawr o saláhá neshtant.<sup>16</sup> Watmánwatá gwashtesh: “Gón é mardomán ché bekánen? Chiá ke Urshalimay sajjahén jahmenenda zánant esháni dastá yak anchén mójezahé záher butag ke namannaga nabit.<sup>17</sup> Bale chosh ham mabit ke é habar mardománi nyámá géshter sheng o tálán bebit. Báyad ent áyán betorsénén ke dega baré pa Issáy námá góñ hechkasá habar makanant.”

<sup>18</sup> Petros o Yuhannáesh padá lóthet o hokm dátant ke hechbar Issáy námá chizé magwashant o dars o sabak madayant.<sup>19</sup> Áyán passaw dát: “Wat shawr bekanét, shomay habaray zurag sharter ent yá Hodáy?<sup>20</sup> Bale má cha wati distagén o eshkotagénáni paddar o darshán kanagá watá dáshta nakanén.”<sup>21</sup> Gorhá cha géshterén torséng o pádtráp.<sup>u</sup> dayagá rand, áesh yáhal dátant. Pa áyán sezá dayagá sharrén ráhé nadistesh, chiá ke gón é ajabbatén káray gendagá sajjahén mardomán Hodá satá kort o sárhát.<sup>v</sup> <sup>22</sup> Á mard ke gón é mójezahá dráh butagat, omri chel sálá gésh at.

### Báwarmandáni dwá

<sup>23</sup> Ázát bayagá rand, Petros o Yuhanná wati hamráháni kerrá shotant o áesh cha mazanén dini péshwá o kawmay kamásháni gwashtagén habarán sahig kortant.<sup>24</sup> Áyán ke eshkot, yakdel o hamtawár Hodáy bárgáhá dwá kort o gwashtesh: “Oo zórákén Hodáwand, ásmán o zemin o daryáy addh kanók o har chizé ke áyáni tahá ent!<sup>25</sup> Taw wat gón Pákén Ruhay elhámá cha may bonpirok, wati hezmatkárén Dáuday zobáná gwasht:

‘Á dega kawm pa ché shóresha kanant o ráj chiá mopt o náhudagén pandala sázant?

<sup>26</sup> Jahánay bádhsháh tayára bant o hákem yakjáh mocch, Hodáwand o áiyay Masihay helápá óshtant.<sup>w</sup>

<sup>27</sup> Pa rásti, hamé shahrá Hirudis, Pontius Pilátus, á dega darkawmén mardom o Bani Esráilay sajjahén kawm o kabilah hamdast butant o tai pákén hezmatkárén Issáy helápá pád átkant, hamá Issá ke taw gón rógen per mosmagá pa bádhsháhiá gechén kortagat.<sup>28</sup> Áyán gón wati é kárá, tai wák o wáhag ke taw cha péshá gisshéntagat, purah o sarjam kort.<sup>29</sup> Oo Hodáwand! Nun esháni pádtrápáni némagá bechár o wati hezmatkárén komak bekan tánke tai habarán pa mazanén bahádorri o natorsi darshán bekanant.<sup>30</sup> Wati pákén hezmatkárén Issáy námá, pa drahbakshi o mójezah o ajabbatén neshániáni paddar kanagá, wati dastá shahár day.”

<sup>31</sup> Cha áyáni dwáyá rand, á jágah ke ódá mocch atant larzet, sajjahén cha Pákén Ruhá sarréch butant o Hodáy habaresh pa deléri darshán kort.

### Báwarmandáni sharikdári

<sup>32</sup> Sajjahén báwarmand yakdel o yakján atant, hechkasá wati mál o hasti tahná watiga nazánt o sajjahén chizán sharikdár atant.<sup>33</sup> Kásedán gón mazanén wák o tágaté pa Hodáwandén Issáy jáh janagá gwáhia dát o gón á sajjahénán Hodáy mazanén rahmat gón at.<sup>34</sup> Cha áyán hechkas mohtáj naat, chiá ke harkasá lóg yá dhagáré hastat baháia kort o<sup>35</sup> zarri kásedáni démá éra kortant. Áyán é zarr pa sajjahénán, harkasay garaz o zaluratáni sará bahra kortant.<sup>36–37</sup> Issop námén mardéá ham dhagáré hastat, bahái kort, zarri áwort o kásedána dátant. Á Kebresié at o cha Láwiáni kabilahá at. Kásedán áiyay nám Bárnbá kortagat, bezán “delbaddhiay<sup>x</sup> chokk”.

### Hannániá o Sapirah

<sup>5</sup> <sup>1</sup> Hannániá námén mardéá o áiyay Sapirah námén janá ham wati dhagáré bahá kort.

<sup>5</sup> <sup>2</sup> Hannániáyá gón janay sahigiá zarráni yak bahré pa wat dásht o á dega, kásedáni démá ér kortant.<sup>3</sup> Petrosá gwasht: “Oo Hannániá! Chiá Shaytán tai delá chó potert ke gón Hodáy Pákén Ruhá dróget bast o cha melkay zarrán bahré pa wat ér kort?<sup>4</sup> Záná, dhagár cha baháyá pésar tai jenday naat? Cha baháyá rand, zarr tai dastá naatant? Pa ché wati delá shawret kort ke chosh bekanay? Taw gón mardomán na, gón Hodáy drógt bast.”<sup>5</sup> Wahdé Hannániáyá é habar eshkotant,

<sup>t4:15</sup> Hakdiwán, bezán ámidges, dádgáh.

<sup>u4:21</sup> Pádtráp, bezán tahdid, damki.

<sup>v4:21</sup> Sárháyag, bezán satá kanag.

<sup>w4:26</sup> Zabur 2:1–2.

<sup>x4:36–37</sup> Delbaddhi, bezán tasallá, ométwári.

eshiá bekóshárénán.<sup>25</sup> Mani zánagá, eshiá choshén mazanén mayár o gonáhé nakortag ke koshag bebit, bale wahdé eshiá lóthet ke Kaysaray hakdiwáná pész kanag bebit, gorhá man shawr kort Rumay shahrá ráhi bedayán.<sup>26</sup> Nun mani dastá eshiay bárawá pakkáén chizé nést ke pa Kaysará benebisán. Paméshká, man Pulos pa shomá sajjahénán o géshter pa taw, oo bádhsháh Agripás, pész kortag tán jost o porsá rand, chizé pa nebisagá dar begeján.<sup>27</sup> Chiá ke é bé sar o bonén káré, man yak bandigéá dém bedayán bale á bohtámán ke áiyay sará janag butagant, manebisán.”

### Pulos watá bémayára kant

**26** <sup>1</sup> Bádhsháh Agripásá gón Pulosá gwasht: “Tará wati démpániay móh o mókal ent.” Pulosá dast borz kort o pa wati bémayáriay paddar kanagá habará lagget o gwashti:<sup>2</sup> “Oo sharapdárén bádhsháh Agripás! Man bahtáwaré án ke maróchi tai démá pész kanag butagán tán cha Yahudiáni sajjahén bohtámán wati démpániá bekanán.<sup>3</sup> Mana zánán ke taw Yahudiáni sajjahén dód o rabédag o áyáni jerhahán sharra zánay. Paméshká gón taw peryát o dazbandia kanán, mani habaráni sará gón sharrén sabr o ópáre delgosh gwar bekanay.

<sup>4</sup> “Sajjahén Yahudi sharra zánant ke mani zend che paymá butag o mani kasáni o warnáí wati mardománi gwará o randá Urshalimá chón gwastag.<sup>5</sup> Báz wahd ent ke maná zánant o agan belóthant, é gwáhíá dátá kanant ke man Parisié butag o áyáni pábandterén dini rombá gón butagán.<sup>6</sup> Nun paméshká hakdiwáná árag butagán ke Hodáy hamá labz o kawlay sarjam bayagá deljam o saddak án ke áiá gón may pet o pirokán kortag.<sup>7</sup> Pa hamé labz o kawlay sarjam bayagá ométtá, may Yahudiáni dwázdahén kabilah shap o róch pa delsetki Hodáyá parastesha kanant. Oo marháhdárén bádhsháh! Yahudi paméshká mani sará bohtám janagá ant ke man pa hamé kawlay sarjam bayagá saddak án.<sup>8</sup> Oo gósh dárókán! Chiá é habará manneta nakanét ke Hodá mordagán padá zendaga kant?

<sup>9</sup> “Yak wahdé man ham báwar kortagat ke Issá Masihay<sup>l</sup> námay namannag o áiyay morid o mannógeráni ázár dayag, sharrén káré.<sup>10</sup> Urshalimá, hamé kárá kanagá atán. Gón mazanén dini péshwáyáni ehtiárá, cha Hodáy palgártagénán bázéné, bandi kortag o modám áyáni kóshárénagá hamshawr butagán.<sup>11</sup> Báz randá sajjahén kanisaháni tahá, man á pa kopr kanagá hojj kortagant. Maná badwáhi o kénagá anchosh ganók kortagat ke pa áyáni ázár rasénagá, dhanni shahrán ham shotagatán.

<sup>12</sup> “Yak baré gón mazanén dini péshwáyáni sarjamén wák o ehtiárá, Dameshká ráhi atán.<sup>13</sup> Oo sharapdárén bádhsháh! Némróchá hamé ráhá, anágat ásmáná cha róchá rozhnáterén shahmé diston. Hamá rozhn manig o mani hamráháni chárén némagán drapshet.<sup>14</sup> Má sajjahén zeminá kaptén, tawáré eshkoton ke Ebráni zobáná maná gwashágá at: ‘Shául, oo Shául! Taw chiá maná ázará dayay? Taw hamá káigarén gókay paymá ay ke shatay tusk o tézén sojjá<sup>m</sup> lagata jant o watá táwána dant.’<sup>15</sup> Man jost kort: ‘Oo wájah! Taw kay ay?’ Hodáwandá passaw dát: ‘Man Issá án, hamá ke taw áiá ázará dayay.<sup>16</sup> Nun pád á, wati pádáni sará bósht, man paméshká pa taw paddar butagán ke tará wati sháhed o hezmatkárén bekanán, tán harché ke cha man distaget o démterá genday, pa áyán gwáhí bedayán.<sup>17</sup> Tará cha tai jenday kawmá o cha darkawmán, ke áyáni kerrá tará rawána dayán, rakkénán.<sup>18</sup> Tará paméshká áyáni kerrá ráha dayán, tán chammáñesh pach bekanay. Á cha taháriá rozhnáiy némagá byáyant o cha Shaytánay porzórén dastá dém pa Hodáy ráhá betarrant, tán gonáhesh pahell kanag bebant o gón hamá mardomán sharikdár bebant ke cha mani saray báwarmandiá pák o palgár butagant.’

<sup>19</sup> “Oo bádhsháh Agripás! Man cha á smáni shobénay managá sar táb nadát.<sup>20</sup> Pésará Dameshkay shahray mardománi nyámá, randá Urshalim o Yahudiahay sajjahén hand o damagáni mardománi kerrá o godhdá darkawmáni gwará ham shotán o é kolaw rasént ke cha wati gonáhán pashómán bebant o Hodáy ráhá per betarrant o cha wati kárán paddar bekanant ke Hodáy ráhesh geptag.<sup>21</sup> Paméshká Yahudián maná mazanén parasteshgáhá gept o koshagay johdesh kort.<sup>22</sup> Bale Hodáyá maná tán maróchigá komak kortag o nun edá óshtátagán o mazan o kasán, sajjahénáni démá gwáhia dayán. É habarán ke man kanagá án, cha Mussá o é dega nabiáni péshgóián dhann naant,<sup>23</sup> ke Masih báyad ent sakki o sóri besaggit, bemerit o cha sajjahénán pésar, cha mordagán zendag bebit, jáh bejant o pa wati kawm o darkawmán nur o rozhnay mestágay járá bejant.”

<sup>l26:9</sup> Asligén Yunáni nebeshtánka gwashit: “Issá Náseriay”.

<sup>m26:14</sup> Shatt dáré o sojjá dáráy tuskén sarok ent. Nangár kanagay wahdá, é dárá pa gókáni hay kanagá kára bandant.

## Pulos, Piliksay démá

<sup>24</sup> Lahtén róchá rand, Piliks wati Yahudién zál Drusiláay hamráhiá átk o Pulosi ham lóthet o áwort. Gón Pulosá gwashti: "Issá Masihay saray báwarmandiay bárawá cha taw géshter eshkona gá lóthán." <sup>25</sup> Bale wahdé Pulosá hakk o ensáp, pahrézkári o jost o porsay áyókén róchay bárawá habar kort, gorhá Piliksá torset o gwashti: "Annun taw beraw, wahdé dazgatth nabután, tará padá lóthán." <sup>26</sup> Á ométwár at balkén Pulos áiá chizoké zarr lálecha dant, paméshká báz randá lóthet o áworti o gón áiá gapp o tránia kort.

<sup>27</sup> Do sál hamé dábá gwast o Piliksay jághá, Purkius Pestus wáli but. Piliksá pa Yahudiáni razá kanagá, Pulos bandijáhá dásht.

## Pulos, Pestusay démá

**25** <sup>1</sup> Wáli Pestus, é damagay rasagá say róchá rand, cha Kaysariahá dém pa Urshalimá shot. <sup>2</sup> Ódá, mazanén dini péshwá o Yahudiáni sarókán áiay démá Pulosay sará bohtám jat o <sup>3</sup> dazbandiesh kort ke áyán wati mennatwár bekant o Pulosá Urshalimá ráh bedant. Shawresh kortagat ke Pulosay áyagay wahdá, ráhá áiay sará orosh bekanant o bekoshanti. <sup>4</sup> Pestusá passaw dát: "Pulos Kaysariahá bandig ent, maná wat pa hamé zután hamódá rawagi ent. <sup>5</sup> Cha shomá lahtén master o kamásh mani hamráhiá hamódá byayt, agan áiá mayár o gonáhé kortag gorhá hamódá áiay sará bohtám bejanét."

<sup>6</sup> Hasht tán dah róchá gón áyán nendagá rand, Pestus Kaysariahá per tarret. Domi róchá áiá hakdiwán kort o hokmi dát ke Pulosá byárant. <sup>7</sup> Wahdé Pulosesh áwort, cha Urshalimá átkagén Yahudi áiay chapp o chágérdá mocch butant o áiay sará bázén bohtámesh jat, bale áyán cha á bohtámán yakké ham, rást paddar kort nakort. <sup>8</sup> Pulosá pa wati bémayáriay paddar kanagá darráent: "Man pa Yahudi Sharyat o mazanén parasteshgáh o pa Rumay Kaysará, hech dhawlén rad o nárahbandén káré nakortag." <sup>9</sup> Bale Pestusá lóthet Yahudián wati mennatwár bekant, paméshká cha Pulosá josti kort: "Taw Urshalimay rawagá razá ay, ke man hamódá hakdiwán bekanán o é arhá begisséhénán?" <sup>10</sup> Pulosá gwashti: "Man Rumay Kaysaray hakdiwánay démá óshtátagán. Mani dádrasi báyad hamedá bebit. Anchosh ke taw wat sharra zánay man pa Yahudián hech mayár o gonáhé nakortag. <sup>11</sup> Agan man anchén mayáre bekortén ke markay sezáyá hakdár buténán, gorhá markay sezáy saggagá ham tayár butagatán, bale agan mani sará Yahudiáni é bohtám rást naant, hechkas maná pa koshagá áyáni dastá dáta nakant. Maná Kaysaray hakdiwáná bebarét." <sup>12</sup> Pestusá gón wati saláhkárán shawr kort o randá gwashti: "Taw Kaysaray hakdiwáná péshi lóthetag, hamódá pésh kanaga bay."

## Pulos, bádsháh Agripásay démá

<sup>13</sup> Kammé róchán o rand, bádsháh Agripás wati gohár Bernikiy hamráhiá, pa Pestusay mobárákiá Kaysariahá átk o <sup>14</sup> tán bázén róchéá hamódá mant. Pestusá bádsháhay démá Pulosay bárawá trán kort o gwashti: "Mani kerrá bandigé hastent ke wáli Piliksá eshtag." <sup>15</sup> Wahdé Urshalimá shotagatán, Yahudiáni mazanén dini péshwá o kamáshán áiay sará bohtám jat o maná gwashtes ke mayárigi bekanán. <sup>16</sup> Man gwashtant: "Rumiáni rahband esh ent, tán wahdé kásé bohtám janókáni démá wati démpániay móh dayag mabit, á sezá dayaga nabit." <sup>17</sup> Wahdé áiay bohtám janók edá átkant, man áyáni é arhá gissínagá dér nakort, domi róchá hakdiwáná neshtán o parmán dát ke Pulos pésh kanag bebit. <sup>18</sup> Wahdé bohtám janók pa habar kanagá pád átkant, áyáni bohtám chosh naantant ke man gomán kortagat. <sup>19</sup> É marday sará áyáni bohtám wati jenday dini habar o Issá námén mortagén mardéay bárawá atant ke Pulosá gwashit á zendag ent. <sup>20</sup> Man sarbatag o hayrán atán ke é arhá che paymá begisséhénán? Paméshká cha Pulosá josten kort ke: "Urshalimay rawagá razá ay, tánke é arh hamódáy hakdiwáná gissínag bebit?" <sup>21</sup> Bale Pulosá lóthet hamedá bemánít o Kaysar wat áiay arhá begisséhénit. Paméshká man parmán dát, tán wahdé áiá Kaysaray darbárá ráh madayán, hamedá dárag bebit." <sup>22</sup> Agripásay gwashti: "Man wat é marday habarán gósh dáraga lóthán." Pestusá gwashti: "Bádá taw áiay habaráná eshkonay."

<sup>23</sup> Domi róchá, Agripás o áiay gohár Berniki, gón mazanén shán o sharapéa, shahray pawji mansabdár o lahtén námdáren sarókáni hamráhiá, wáliay diwánjáhá átkant. Pestusá, Pulosay pésh kanagay parmán dát o Pulos diwánay démá árag but. <sup>24</sup> Pestusá gwashti: "Oo bádsháh Agripás o diwánay nendókén mardomán! É mardá ke shomá gendagá ét, Urshalim o Kaysariahay shahráni sajjahén Yahudián eshiay sará bázén bohtámé jatag o gón man kukkár kanán dazbandiesh kortag ke

zeminá kapt o sáhi dát. Harkasá ke é habar eshkot, áiay delá baláhén torsé nesht. <sup>6</sup> Gorhá warná démá átkant, jónay kapon kanagá rand, dhanná bort o kabresh kort.

<sup>7</sup> Kamm o gésht say sáhatá rand, áiay jan ke cha é sargwastá sahig naat, átk o raset. <sup>8</sup> Petrosá cha áiá jost kort: "Maná begwash, shomá dhagár ke bahá kort, eshiay kímmat hamesh at?" Sapirahá passaw dát: "Haw, kímmat hamesh at."

<sup>9</sup> Petrosá gwashti: "Chiá pa Hodáwanday Ruhay chakkásagy gón yakdegará hamdast butét?

Bechár, hamáyán ke tai mard kabr kort annun darwázagay dapá ant o tará ham dhanná barant."

<sup>10</sup> Janén, hamá damáná Petrosay pádání démá kapt o sáhi dát. Wahdé warná átkant, distesh ke á ham mortag. Dhanná bortesh o marday kerrá kabresh kort. <sup>11</sup> Cha é habaráni eshkonagá, sajjahén báwarmand<sup>2</sup> o á dega mardománi nyámá mazanén tors o bimmé kapt.

## Kásed drahbakshia kanant

<sup>12</sup> Cha kásedáni dastá, mardománi nyámá bázén ajabbatén nesháni o ajekkái záher o paddara but. Sajjahén báwarmand, gón hamdeli o hamsetki Solaymánay péshjáhá moccha butant. <sup>13</sup> Báwarmand, mardománi gwará báz ezzatmand atant, bale cha á degarán kaséá é del o joryat néstat ke gón áyán hór bebit. <sup>14</sup> Angat, Hodáwanday sará báwarmandén janén o mardén, róch pa róch gésht bayán atant o gón áyán hawára butant. <sup>15</sup> Tantaná<sup>a</sup> mardomán wati nádráh, taht o nepádáni sará wápént o rahasrána áwortant, tán Petros cha ráhá ke gwazit, toré áiay sáheg ham pa lahténá bekapit.

<sup>16</sup> Urshalimay kerr o gwaray shahráni mardom ham rombá átkant, nádráh o cha palitén ruhán ranj distagén mardomesha áwortant o sajjahén dráha butant.

## Kásedán jéla kanant

<sup>17</sup> Masterén dini péshwá o áiay sajjahén hamráh ke Sadukiáni thóliay básk atant, pa hasadd o konnat pád átkant. <sup>18</sup> Kásedesch gept o bandijáhá jél kortant. <sup>19</sup> Bale shápá yak wahdé, Hodáwanday préshtagéá bandijáháy darwázag pach kortant o á cha jélá dar áwortant o gwashti: <sup>20</sup> "Berawéti mazanén parasteshgáhá bóshtét o é nónkí zenday sarjamén kolaw o paygámá mardomán berašenét." <sup>21</sup> Gorhá, hamá dábá ke áyáná gwashag butagat, bámgwáhá parasteshgáhá shotant o mardománi sabak dayagá laggetant. Wahdé masterén dini péshwá o áiay hamráh átkant, sarókáni diwánay básk o Esráilay sajjahén kamáshesh lóthetant o dega lahtén mardomesh rawán dát tán kásedán cha jélá byárant. <sup>22</sup> Bale áyáni rah dátágen mardom bandijáhá ke shotant, kásedesch nadistant. Per tarret o hálesh dátant ke: <sup>23</sup> "Bandijáháy darwázag mohr bastagatant, negahpán ham darwázagáni démá óshtátagatant, bale má darwázag ke pach kortant, jélá hechkas nadist." <sup>24</sup> Gón é habaray eshkonagá, parasteshgáháy negahpánén sepáhígáni sarók o mazanén dini péshwá sakk hayrán o pegrig butant ke bárén é káray ásar o ákebat nun ché bit.

<sup>25</sup> Hamá wahdá yakké átk o hálí dátant: "Bechárét, á ke shomá bandig kortagatant, parasteshgáhá mardomán dars o sabak dayagá ant." <sup>26</sup> Gorhá parasteshgáháy negahpánáni sarók gón wati sepáhígáni shot o kásedesch gept o áwortant, bale pa zór na, chiá ke torsetesh "chó mabit mardom márá sengsár bekanant." <sup>27</sup> Kásedesch áwort o sarókáni diwánay démá óshtáréntant. Nun masterén dini péshwáyá cha áyán jost gept: <sup>28</sup> "Má hokm nakortagat dega baré pa é námá mardomán dars o sabak madayé?" Bale shomá Urshalimay sarjamén shahr gón wati tálimán porr kortag. Lóthet á marday hóná may gardená beladdhét?" <sup>29</sup> Petros o á dega kásedán passaw dát: "Báyad ent cha ensánán géshter, Hodáyay mannók beben." <sup>30</sup> Issá, ke shomá salib kasshet o kosht, may pet o pirokáni Hodáyay pádá zendag kort, <sup>31</sup> wati rástén némagá nádént o sarók o rakkénók kort, tánke Esráilay kawmá pashómáni o gonáháni pahelliay móh berasis. <sup>32</sup> Má é habaráni sháhed én. Pákén Ruh, ke Hodáyay wati báwarmandáná bakshetag ham é habaráni gwáhiá dant.

<sup>33</sup> Gón é habaráni eshkonagá, diwánay básk anchosh zahr geptant ke pa áyáni koshagá pád átkant. <sup>34</sup> Bale Gámáyál námén Parísie ke Sharyatay ostád o sarókáni diwánay básk o sajjahén mardománi chammán sharapdárén mardé at, diwáná pád átk o hokmi kort: "É mardán yak damáné dhanná bebarét." <sup>35</sup> Gorhá gwashti: "Oo Esráilián! Hozzhár bét ke shomárá gón é mardomán ché kanagi ent. <sup>36</sup> Kammé wahdá pésar ham Tiudás námén mardéá jáh jat o watá mazanmardé

<sup>5:9</sup> Chakkásag, bezán ázmáesh kanag, emtehán gerag.

<sup>5:11</sup> Asligén Yunáni nebeshtánka gwashit: "sajjahén kelisá".

<sup>5:15</sup> Tantaná, bezán hattá, tán é haddá ke.

zánti, chársadé mardom áiay hamráh but. Bale á koshag but o áiay hamráh sest o sédb butant o hecc nabut.<sup>37</sup> Cha áiá rand, Yahudá námén Jalili mardéá, mardomshomáriay róchán jáh jat, áshóp kort o lahtén mardomi gón wat tarrént, bale á ham koshag but o hamráhi sheng o sháng butant.<sup>38</sup> Annugén jáwaráni bárawá, mani shawr gón shomá hamesh ent ke cha é mardomán dast bekasshét o eshán yalah bedayét. Chiá ke agan esháni é kár o maksad cha ensánáni némagá ent, beshakk pa sara narasit.<sup>39</sup> Bale agan cha Hodáy némagá ent, shomá eshán dáshta nakanéti. Gorhá bezánét ke á wahdá shomay jang gón Hodáy bit.

Áiay habaresh mannet,<sup>40</sup> kásedesd lóthet o áwortant, latth o kotth kanáent o makan krontant ke pa Issáy námá dega baré habar makanant. Nun láyahesh dátant.<sup>41</sup> Kásed, gal o shádehi kanán, cha diwánay démá dar kaptant, chiá ke áyán é láheki rasetagat pa Issáy námá béezzati begendant.<sup>42</sup> Áyán mazanén parasteshgáh o lögáni tahá, cha é mestágay tálán kanagá ke Issá hamá Masih ent, hechbar dasta nakasshet.

### Pa hezmatkáriá hapt mardomay gechén kanag

**6** <sup>1</sup> Hamá róchán ke morid géshtá cha géshter bayán atant, Yunáni Yahudi<sup>c</sup> cha Ebráni Yahudián gelagdár atant ke har róchigén ward o warákay bahr kanagá, áyáni janázámán chizé narasit.<sup>2</sup> Dwázdahén kásedán, sajjahén morid lóthetant o gwashtesh: “É habar sharr naent ke má ward o warákay wandh o bahr kanagay kárani sawabá, cha Hodáy Pákén Habaray hezmatkáriá nádelgosh bebén.<sup>3</sup> Paméshká, oo brátán! Cha wat hapt anchén néknámén mardom gechén bekanéti ke cha Pákén Ruh o Hodái zánt o zánagá sarréch bebant tán é zemmah o dhobbahá<sup>d</sup> hamáyáni kópagá beladdhén o<sup>4</sup> wat pa dwá o Hodáy Pákén Habaray hezmatkáriá dazgath bebén.”<sup>5</sup> É shawr, sajjahénán dóst but o é mardomesh gechén krontant: Estipán ke cha imán o Pákén Ruhá porr at, Pilipos, Prukuros, Nikánur, Timun, Páminás o Antákiahay Yahudi butagén báwarmand Nikulás.<sup>6</sup> É mardomesh kásedáni démá áwort o pész krontant. Kásedán pa áyán dwá kort o dast baddhá jatant.<sup>7</sup> É dhawlá Hodáy Pákén Habar mardománi nyámá tálán but o Urshalimá morid sakk zut géshtá cha géshter bayána butant. Bázén dini péshwáé ham é báwaray mannóger but.

### Estipánay dazgir kanag

<sup>8</sup> Estipán cha Hodáy rahmat o zórá porr at o áiá mardománi nyámá mazanén mójezah o ajabbatén nesháni démá áwort,<sup>9</sup> bale cha Yahudiáni yak kanisahéá ke námi “Ázát Butagén Golámáni Kanisah”<sup>e</sup> at, lahtén mardom cha áiá nárazá at. Á cha Kerini o Eskandariahay shahr o Kilikiah o Ásiáy damagán atant o gón Estipáná dapjáká laggetant.<sup>10</sup> Bale Estipán gón anchén Ruh o zántéá habar kanagá at ke áiay démá óshtátesh nakort.<sup>11</sup> Gorhá lahtén mardomesh rad dát tán begwashant: “Má eshkotag Estipáná Mussá o Hodáy bárawá kopr kortag.”<sup>12</sup> Áyán, mardom o kawmay kamásh o Sharyatay zánóger shóréntant o Estipánesh gept o kasshakán, sarókáni diwáná pész kort.<sup>13</sup> Drágén gwáh o sháhedesh áwort, áyán sháhedi dát o gwasht: “É mard Hodáy pákén lög o Sharyatay helápá, cha bad o náráhén habar kanagá hechbar dasta nakasshit.<sup>14</sup> Má wat eshkot, gwashti: ‘Issá Náseri é jághá karójit o á rasm o rawáján badala kant ke Mussáyá pa má eshtagant.’”

<sup>15</sup> Diwánay sajjahén nendókán chamm pa Estipáná sakk dátagatant o distesh áiay dém, préshtagéy démay dhawlá ent.

### Estipánay trán

**7** <sup>1</sup> Masterén dini péshwáyá cha Estipáná jost kort: “Bárén, é tohmat rást ant?”<sup>2</sup> Estipáná passaw dát: “Oo pet o brátán! Delgosh kanéti.

### Ebráhémay bárawá

“Porshawkatén Hodá, hamá wahdá may bonpirok Ebráhémay démá záher but ke á angat Baynolnahrayná at o Harráná jahmenend nabutagat.<sup>3</sup> Gón áiá gwashti: ‘Wati sardhagár o ráj o kawmá bell o hamá molká beraw ke man tará pészha dárán.’<sup>4</sup> Áiá Kaldániáni molk yalah dát o Harráná shot. Cha petay marká o rand, Hodáy á cha ódá hamé molká áwort ke annun shomá

<sup>b</sup>5:36 Sest o sédb, bezán sheng o sháng, tak o park.

<sup>c</sup>6:1 Yunáni Yahudi, hamá Yahudi atant ke Yunáni dód o rabédagay randgir atant o áyáni zobán Yunáni at.

<sup>d</sup>6:3 Dhobbah, bezán ogdah, zemmah, Arabi o Párisi “wazifah”.

<sup>e</sup>6:9 Yahudiáni parasteshgáháni nám “kanisah” ent.

<sup>31</sup> Gorhá sepáhigán, parmánay sará, hamá shapá Pulos cha Urshalimá zort o Antipátrisay shahrái rasént.<sup>32</sup> Domi róchá, aspwárén sepáhigesh Pulosay hamráhiá rawán dátant o wat kalátá per tarrettant.<sup>33</sup> Kaysariahay rasagá, áyán kágad á damagay wáli Piliks dát o Pulosesh áiay démá pész kort.<sup>34</sup> Kágaday wánagá rand, wáliá cha Pulosá jost kort: “Taw kojám damagay mardomé ay?” Passawi dát: “Man Kilikiahay damagay mardomé án.”<sup>35</sup> Gorhá gón Pulosá gwashti: “Wahdé tai sará bohtám janókén mardoma káyant, man taig o áyáni habarán wat gósha dárán.” Gorhá áiá sepáhig hokm krontant ke Pulosá hamá kalátá bebarant ke Hirudis bádhsháhá bastag o hamódá áiay negahpániá bekanant.

### Piliksay démá Pulosay pész kanag

**24** <sup>1</sup> Panch róchá rand, Yahudiáni masterén dini péshwá Hannániá gón kawmay lahtén kamásh o Tertulos námén wakiléá Kaysariahay shot, tán Pulosay sará wati bastagén bohtámá wáliay démá pész bekanant.<sup>2</sup> Wahdé Pulos árag but, Tertulosá wáliay démá Pulosay sará bohtám é dhawlá pész kort: “Marháhdárén wáli Piliks! Shomá é sardhagárá émenén dawr o bárigé áwortag o cha wati durchári o kárzántiá, pa eday mardomán gehbudi kár kanáentag.<sup>3</sup> Paméshká má har jáh o har kojá tai báz mennatwár én.<sup>4</sup> Man géshtá habar kanag o tará delsyáh kanaga nalothán, bale pa kasteri gón taw dazbandia kanán ke may yak o do habará gósh dár o márá wati mennatwár bekan.<sup>5</sup> Gapp esh ent ke é mard, Pulos, mazanén pléndh o petnahsázé o sarjamén donyáay Yahudiána shórénit. Náseri námén yak náráhén thóliay saróké.<sup>6</sup> Cha eshán o abéd, mazanén parasteshgáháy böhormati kanagay chen o lánchi ham kortagat ke má gept.<sup>7</sup> Lótheten áiá wati Sharyatay sará mayárig bekanéti, bale lashkaray master Lisiásá, pa zór cha may dastá pach gept o bort. Paméshká má, áiay beddh o bohtám janók, tai kerrá ráh dayag butagén.<sup>k</sup><sup>8</sup> Nun taw wat áiá jost o pors bekan, hamá beddh o bohtám ke má áiay sará jatagant, áyáni rástiá sahig bebay.”<sup>9</sup> Yahudi ham gón áiá hamtawár butant o gwashtesh: “Harché ke Tertulosá gwashtag, hamé paymá ent.”

### Pulos wati démpániá kant

<sup>10</sup> Nun wáli Piliksá Pulosay némagá eshárah kort ke á wati habarán bekant. Pulosá gwashti: “Mana zánán báz sál ent ke taw may Yahudi kawmay dádrasiá kanagá ay, paméshká pa deljami wati bémayáriay paddar kanagá gón taw habara kanán.<sup>11</sup> Agan taw jost bekanay gorhá zánay ke dwázdah róchá géshter nagwastag ke man pa parastesh kanagá Urshalimá shotagán.<sup>12</sup> Mazanén parasteshgáhá, maná hechkasá gón yakkéá pa jérhah o dapjáká nadistag, shahr o kanisahán ham mardom nashrórentagant.<sup>13</sup> É beddh o bohtámán ke annun mani sará janant, tai démá áyáni rástiá paddar korta nakanant.<sup>14</sup> Bale tai démá é habará mannán ke ‘É Ráhay’ randgir o mannók án ke mardom áiá náráhén dini thólié gwashant. Wati pet o pirokáni Hodáyá parastesha kanán o harché ke Tawrát o Nabiáni Ketábán nebeshtah ent, man áyáni báwarmand án.<sup>15</sup> Man ham, hamáyáni dhawlá, cha Hodáyá ométwár án o deljam án ke sajjahén mordag, nékén o badén, padá zendaga bant.<sup>16</sup> Paméshká, modám johda kanán ke gón Hodá o sajjahén mardomán mani jábin o wejdán pák o palgár bebit.

<sup>17</sup> Nun lahtén sálán o rand, per tarret o Urshalimá átkán, tán hamá hayrátán ke maná pa komak kanagá gón atant wati kawmá berasénán o korbánig ham bekanán.<sup>18</sup> Watá pák o palgár kortagat ke áyán maná mazanén parasteshgáhá dist, na mardománi mocchi o mérhé hastat o na ham áshóp o balwáé.<sup>19</sup> Bale Ásiáy damagay lahtén Yahudi hamódá at, agan áyán gón man jérhahé hastat, á tai kerrá byátkéntan o maná mayárigesh bekortén.<sup>20</sup> Cha é mardomán jost kan, wahdé man Yahudiáni sarókáni diwánay démá pész kanag bután, áyán pa man che mayáre rást o paddar kort,<sup>21</sup> abéd cha é yakkéen habará ke man ódá jár jat o gwasht: ‘Man paméshká é hakdiwánay démá óshtárenag butagán ke gwashtagaton: “Hodá mordagán padá zendaga kant.”’

<sup>22</sup> É habaráni eshkonagá rand, Piliksá, ke ‘É Ráhay’ bárawá zántkár at, hakdiwánay dádrasi démá nabort o gwashti: “Wahdé lashkaray master Lisiásá kayt, hamá wahdá é arh gisshénaga bit.”

<sup>23</sup> Gorhá, yak pawji apsaré parmáni kort Pulosá angat bedárant, bale áiá géshter ásudagi bedayant o áiay dóst o sangatán ham cha áiay gendok o hezmatkáriá makan makanant.

<sup>i</sup>23:31 Antipátris, Kaysariahay nazziká at.

<sup>j</sup>24:2 Marháhdár, bezán sharapdár, ezzatmand.

<sup>k</sup>24:7 Band hapt bázén daznebeshtá nést.

Man nazántag ke é, Hodáay náméntagén masterén dini péshwá ent. Chiá ke nebeshtah ent ‘wati kawmay péshwáyán bad o rad magwashét.’<sup>8</sup>

<sup>6</sup> Pulos sahig at ke sarókáni diwánay lahtén bask, Saduki o lahtén Parisi ant, paméshká áiá pa borztawári darráent: “Oo brátan! Man Parisié án o mani pet o pirok ham Parisi butagant, maróchi é hakdiwánay démá paméshká óshtárénag butagán ke mani báwar o omét ent ke Hodá mordagán padá zendaga kant.”<sup>7</sup> Anchosh ke áiá é habar kort, sarókáni diwánay Parisi o Saduki baskáni nyámájérhahé pád átk o diwán do bahr but.<sup>8</sup> Sadukiáni báwar esh ent ke mordag padá zenda nabant o na préshtag hast o na ruh, bale Parisi é sajjahéná mannant.<sup>9</sup> Báz ják o jik but o Parisiáni Sharyatay lahtén zánogerá pa namannag gwasht: “Má pa é mardá hech mayáré nagendén, balkén yak ruh yá préshtagéá gón eshiá habar kortag.”<sup>10</sup> Wahdé áyáni nyámá arh o janjál géshter but, lashkaray masterá torset, chó mabit Pulosá bejanant o chondh chondh bekanant, paméshká sepáhigi parmán dátant ke jahlád berawant, Pulosá cha áyáni nyámá pa zór dar bekanant o kalátá bebarant.

<sup>11</sup> Hamá shapá Hodáwandén Issá Pulosay démá átk o óshtát. Gwashti: “Oo Pulos! Delá mazan kan, anchosh ke taw Urshalimay shahrá pa mani mestágá sháhedi dáttag, hamé dhawlá Rumay shahrá ham tará sháhedi dayagi ent.”

### Pulosay kóshárénagay sázesh o pandal

<sup>12</sup> Domi sabáhá, lahtén Yahudiá pandalé jórhént o watmánwatá sawgandesh wárt ke tán Pulosá makoshant, na ápa warant o na warag.<sup>13</sup> Pléndh o petnah sáchókén mardom cha chelá géshter atant.<sup>14</sup> Mazanén dini péshwá o kawmay kamásháni kerrá shotant o gwashtesh: “Má pa del sawgand wártag ke tán Pulosá makoshén heccha nawarén.”<sup>15</sup> Paméshká shomá gón sarókáni diwáná hórigá, lashkaray masterá begwashéti ke á Pulosá shomay kerrá byárit. Gón lashkaray masterá shomay nimmón é bebit ke shómá Pulosay bárawá géshter zánag o jost o pors kanaga lóthét. Má tayár én, rasagá pésar, ráhá áiá koshén.”

<sup>16</sup> Bale Pulosay gohárzátik ke cha é pandalá sahig but, kalátá shot o Pulosi sahig kort.<sup>17</sup> Pulosá yak Rumi pawij apsaré lóthet o gwashti: “É warnáyá wati masteray kerrá bar ke eshiá chizé gwashagi ent.”<sup>18</sup> Áiá warnáyá wati masteray kerrá bort o gwashti: “Manákaydién Pulosá lóthetg o gwashtag ke é warnáyá tai kerrá byáráñ, chiá ke eshiá gón taw chizé gwashagi ent.”<sup>19</sup> Lashkaray masterá warnáyá dast gept o yak kerrá bort o jost kort: “Tará gón man chónén habaré hast?”<sup>20</sup> Áiá gwasht: “Lahtén Yahudiá shawr kortag ke tará begwashant bándá Pulosá diwánay démá pesh bekanay, pa é shawrá áyáni nimmón esh ent ke á Pulosay bárawá géshter jost o pors kanaga lóthant,”<sup>21</sup> Bale taw áyáni é habaray managá tayár mabay, chiá ke cha áyáni chel mardomá gesh, ráhá Pulosay sará orosh kanag o áiay koshagá tayár ent. Áyáni sawgand wártag ke tán Pulosá makoshant, na ápa warant o na warag. Á tayár neshtagant o wadárig ant ke taw áyáni wáhagá bemannay.”<sup>22</sup> Lashkaray masterá warná roksat kort o gwasht: “Hechkas sahig mabit ke taw maná é hál dáttag.”

### Pulos, dém pa Kaysariahá

<sup>23</sup> Gorhá lashkaray masterá do apsar lóthet o gwashtant: “Dosad payádagén sepáhig, haptád aspswár o dosad nayzahbandén sepáhig tayár bekanét ke enshapi, sáhat nohá<sup>h</sup> Kaysariahá berawant,<sup>24</sup> pa swáriá, Pulosá asp ham bedayéti tán áiá pa wasshi o salámati, wáli Piliksay kerrá beraséntan.”<sup>25</sup> Lashkaray masterá, Rumi wáliay námá yak kágadé ham é dhawlá nebesht:

<sup>26</sup> “Cha Klawdius Lisiásay némagá pa sharapdárén wáli Piliksay námá:

Drud o drahbát!

<sup>27</sup> É mard, Yahudián geptagat o áiá koshagi atant. Bale wahdé man sahig bután ke á Rumi báshendahé, gorhá gón sepáhigán shotán o man cha áyáni dastá rakként.<sup>28</sup> Man lóthet bezánán ke é marday sará chónén bohtámé janant, paméshká áyáni sarókáni diwánay démá pesh kort.<sup>29</sup> Sahig bután ke áiá wati Sharyatay jérhaháni sará mayárig kanagá ant o áiá hech choshén káré nakortag ke kayd o band, yá markay sezázár bebit.<sup>30</sup> Wahdé maná hál raset ke pa áiay koshagá pandalé sázag butag, hamá damáná tai gwará ráhon dát. Man, hamá mardom ke áiay sará bohtáma janant, parmán dátagant ke gón áiá wati arhá tai démá pesh bekanant.”

<sup>8</sup>23:5 Dargwaz 2:28.

<sup>h</sup>23:23 Asligén Yunáni nebeshtánka gwasht: “shapay saymi sáhat”.

neshtagét.<sup>5</sup> Edá, Hodáyá áiárá hech mirás o melkat nadát, yak bechillé zemini ham nadát, bale labzi kort ke áiay nasl o padréch é sardhagáray hodábonda<sup>i</sup> bit. Hodáyá é habar hamá wahdá kort ke Ebráhémá angat chokk néstat.<sup>6</sup> Gón áiá chosh gwashti: “Tai chokk o óbádag anchén molkéá ke áyáni watig naent, darámad o bigánaga bant o tán chásrad sálá, degaráni chérdastiá golám o béezzat kanaga bant.”<sup>7</sup> Chosh ham gwashti: “Hamá kawm ke áyáni wati golám o chérdasta kant, man áyáni sezá dayán. Padá cha á molká dara bant o hamé jághá maná parastesha kanant.”<sup>8</sup> Hodáyá gón Ebráhémá ahd o karáré bast ke áiay nesháni mardénchokkáni sonnat kanag ent. Paméshká, wahdé Ebráhémá Eshákén chokk but, hashtomi róchá sonnati kort. Hamé dhawlá Esháká wati chokk Ákub o Ákubá wati dwádzdahén chokk, ke may kawmay kabilaháni bonpirok ant, sonnat kortant.

### Issopay bárawá

<sup>9</sup> “Ákubay chokk, gón wati brátén Issopá pa hasadd o konnat kaptant. Brátán Issop goláméay dhawlá bahá kort o Mesrá barag but, bale Hodá Issopay hamráh at o<sup>10</sup> cha sajjahén sakki o sórián rakkénti. Hodáyá á, haminchok láheki o zánt o zánag dát ke Mesray bádhsháh, Perawnay mehr o ehtebári pa wat katthet<sup>g</sup> o Perawná á wati sarjamén molk o melkatay kármaster kort.<sup>11</sup> Randá sajjahén Mesr o Kanáná dhokkálé kapt ke cha áiá mardomán mazanén sakki o sóri raset o may pet o pirénán hech ward o waráké nabut.<sup>12</sup> Wahdé Ákubá zánt ke Mesrá dán o gandoma rasit, may pet o piroki awali bará pa ward o warákay gerag o áragá hamódá ráh dátant.<sup>13</sup> Á, domi randá ham Mesrá shotant o é randá Issopá watá gón wati brátán paddar o pajjárók kort. Perawn ham Issopay kawm o kothomay bárawá sahig but.<sup>14</sup> Gorhá Issopá pa wati pet Ákubá kolaw ráh dát ke á gón wati sarjamén kahól o hándáná ke haptád o panch mardom atant, beladdhit o Mesrá byayt.<sup>15</sup> É dhawlá, Ákub Mesrá shot o hamódá á o may pet o pirok bérán butant.<sup>16</sup> Áyáni jón cha ódá árag o Shekémay shahrá, hamá kabrá kall kanag butant ke Ebráhémá cha Hámóray chokkán pa chízé zárrá bahá geptagat.

<sup>17</sup> “Wahdé gón Ebráhémá, Hodáyá dátagén kawlay sarjam bayagay wahd nazzik but, Mesrá may mardom báz géshter butant.<sup>18</sup> Á wahdá, Mesray bádhsháh degaré but o Issopay bárawá hecchi nazánt.<sup>19</sup> Áiá may kawm rad dát o répét, may pirénáni sará báz zolm o zóráki perrént o hojj kortant ke wati nonnokén chokkán, cha lógán dhanná dawr bedayant ke bemerant.

### Mussáyá beger tán Solaymáná

<sup>20</sup> “Hamé wahdá, Mussá péda but. Á báz sharrang o dhawldárén chokké at. Tán say máhá wati pet o mátay lögá rost o rodómi kort.<sup>21</sup> Wahdé dhanná éresh kort, Mesray bádhsháh Perawnay jeneká zort o wati jenday chokkay dhawlá ródént o mazan kort.<sup>22</sup> Mussáyá Mesriáni sajjahén zánt o zántkári dar bort o pa kerdár o goptárá twánmandén mardé but.

<sup>23</sup> “Chel salí ke but, é pegr o hayálá kapt ke gón wati Bani Esräili brátán gendok bekant.<sup>24</sup> Wahdé disti cha áyáni yakkéay sará, Mesrié zóráki kanagá ent, Esräiliay démpáni<sup>h</sup> kort o bérav geragá, á Mesrii jat o kosht.<sup>25</sup> Mussáyá wati delá anchosh hayál kort ke áiay Esräili brát balkén sarpad bebant ke pa áyáni rakkénagá, Hodá áiá kár bandagá ent, bale Esräili sarpad nabutant.

<sup>26</sup> “É dega róchá anágat, áiá do Esräili watmánwatá merh o jangá dist. Mussá pa áyáni gisshéenag o tepák kanagá démá kenzet o gwashti: ‘Oo mardán! Shomá watbrát ét, chiá yakdegará tawánbára kanét?’<sup>27</sup> Bale hamá ke wati hammolkay sará zóráki kanagá at, Mussái yak némagé télánk dát o gwashti: ‘Tará kayá may sará hákem o kázi kortag?’<sup>28</sup> Bárén, hamá dhawlá ke taw zi á Mesri kosht, mani koshagá ham lákártaget?<sup>29</sup> Gón é habaray eshkonagá, Mussá cha á molká dar átk o Midyánay sardhágára darándhéhí but. Hamódá áiá do mardénchokk but.

<sup>30</sup> “Chel sálá rand, Sináy kohay gyábáná, préshtagé bon geptagén dhólokéay<sup>j</sup> ásáy shahmáni tahá pa Mussáyá paddar but.<sup>31</sup> Cha é nedáragay<sup>k</sup> gendagá, Mussá hayrán o habakkah mant. Wahdé pa eshiay géshter cháragá nazzikter shot, Hodáwanday tawári é dhawlá eshkot:<sup>32</sup> ‘Man tai pet o pirok

<sup>f</sup>7:5 Hodábond, bezán wájah, wáhond, málek, sáheb.

<sup>g</sup>7:10 Katthag, bezán nap o putt kanag, dastá árag.

<sup>h</sup>7:24 Démpáni, bezán wati rakkénagay johd. Arabi o Pársia “defá”.

<sup>i</sup>7:29 Darándhéh, bezán jaláwatan.

<sup>j</sup>7:30 Dhólok, bezán gyábání konthagi jarré ke polli espét ant.

<sup>k</sup>7:31 Nedárag, bezán sayl, tamáshá.

Ebráhém, Eshák o Ákubay Hodá án.<sup>33</sup> Mussá cha torsá larzagá lagget o áiá tahm o joryat nakort á némagá bechárit.<sup>33</sup> Hodáwandá gwasht: 'Wati swásán dar kan, é jágah ke taw óshtátágay, pákén jágahé.<sup>34</sup> Man Mesray sardhagárá wati mardománi sakki o sóri distagant, áyáni peryát o zári eshkotagant, pa áyáni rakkénag o ázát kanagá ér átkagán. Byá, nun man tará padá Mesrá rawána dayán.'

<sup>35</sup> "Esráilián Mussá namannetagat o gwashtagatesh: 'Tará kayá may sará hákem o kázi kortag?' Nun Hodáyá hamá Mussá bon geptagén dhólokay boná préshtagé pésh dásht. É dhawlá, áyáni hákem o rakkénók kort o Mesrá ráhi dát.<sup>36</sup> Hamá at ke cha Mesrá Esráiliání dar áyagay rahsón but. Hamáiá, Mesr o Sohrzeray<sup>l</sup> tayábám o tán chel sálá gyábánán mójezah o ajabbatén nesháni pésha dásht.<sup>37</sup> Hamé Mussá at ke gón Bani Esráilián gwashti: 'Hodá cha shomay brátáni nyámá pa shomá, mani dhawlén paygambaré gechéna kant.'<sup>m</sup><sup>38</sup> É hamá Mussá at ke gón préshtagá hór, may pet o pirokáni mocchiá gyábáná gón at. Préshtagá Sináay kóhay sará gón áiá trán kort o Mussáyá hamódá Hodáy zend bakshókén habar geptantán áyán pa má sar bekant.

<sup>39</sup> "Bale may pet o pirok, pa Mussáy mannagá razá naatant. Cha áiá poshtesh kort o namannet o delesh pa Mesrá bast.<sup>40</sup> Áyán, gón Hárúná gwasht: 'Pa má anchén hodá besách ke may rahbariá bekanant. É Mussá, ke márá cha Mesrá dar áyagay ráhi pésh dáshtag, áiá ché butag, má nazánén.'<sup>41</sup> Áyán gwaskpaymén yak boté jór kort o pa wati jór kortagén botay sharapá, korbánig o shádehi o shádkámi kort. <sup>42</sup> Bale Hodáyá wati dém cha áyán tarrént o yalah dátant, bell ke nun mág o róch o estárán parastesh bekanant, hamá dhawlá ke Nabiáni Ketábán nebeshtah ent: 'Oo Esráilián! Shomá tán chel sálá mán gyábánán pa man hayrát o korbánig kortagat?<sup>43</sup> Na! Shomá "Molukay tambu"<sup>n</sup> o wati hodá "Ripánay estár" baddhá bastagant, hamá bot ke shomá pa parasteshá addh kortagatant. Paméshká man shomárá cha Bábelay sardhagárá hamá dastá, jaláwatan o darándhéha kanán.'

<sup>44</sup> "Gyábáná 'Sháhediay tambu'<sup>p</sup> may pet o pirokán gón at o hamá paymá addh kanag butagat ke Hodáyá Mussá sój dáttagat, bezán hamá nemunahay dhawlá ke áiá distagat.<sup>45</sup> É hamá tambu at ke may pirénán cha wati bonpirokán rasetagat o Yushayah kamáshi o sarókiá, may pet o pirokán gón wat hamá wahdá áwort ke é molkesh gept o Hodáyá á dega kawm áyáni chammáni démá galléntant o tán Dáuday wahdá, á tambu hamé molká at.<sup>46</sup> Dáudá, Hodáy wasshén wáhag o rahmat gón at o lótheti pa Ákubay Hodáyá jágh o hankéné addh bekant,<sup>47</sup> bale é Solaymán at ke pa Hodáy lógé addhi kort.<sup>48</sup> Albat, borzén arshay Hodá bani ádamay addh kortagén lögán jágha nakant, anchosh ke nabiá gwashtag:<sup>49</sup> 'Hodáwanda gwashtit:

"Ásmán mani taht ent o

zemín mani pádáni chéray padag,  
shomá pa man che paymén lógé addh korta kanét  
yá ke mani árámjáh kojá bit?  
<sup>50</sup> É sajjahén mani wati dastay addh kortagén naant?"<sup>q</sup>

### Estipánay goddhí habar

<sup>51</sup> "Oo sarkash o mánmayátkén<sup>r</sup> mardomán! Shomay del o gósh sonnat kanag nabutagant.<sup>s</sup> Wati pet o pirénáni dhawlá, shomá ham modám Hodáy Pákén Ruhay helápá óshté.<sup>52</sup> Kojám paygambar shomay pet o pirénán ázár nadátag? Shomay pet o pirénán tantaná hamá paygambar ham koshtant ke áyán á 'Pák o Nékénay' áyagay péshgói kortagat. Nun shomá áiay jenday dróhók<sup>t</sup> o hónig ét.<sup>53</sup> Shomá hamá ét ke préshtagán pa shomá Sharyat áwort, bale hechbar namannet o Sharyatay sará káró nakort."

<sup>l</sup><sup>7:36</sup> Sohrzer hamá jágah ent ke wahdá Esráili cha Mesrá dar átkant, áyáni démá daryá at o poshtá Perawnay lashkar pédák at. Hodáyá pa áyáni rakkénagá hamé jágahá daryá hoshk kort o rág pach kort (Dargwaz 13:17–15:21). Bázén zántkáré gwashit ke maróchigén Suéz Kánalay nazziká ent.

<sup>m</sup><sup>7:36</sup> Tayáb, bezán daryáy kerr, sáhel.

<sup>n</sup><sup>7:37</sup> Sharyatay Domi Rahband, bahr 18, band 15.

<sup>o</sup><sup>7:43</sup> Tambu, bezán haymah, gedán.

<sup>P</sup><sup>7:44</sup> Sháhediay tambu, gedáné at ke Bani Esráilián Mussáy zamánagá gón Hodáy hokmá jórhéntagat o hamódá Hodásh parastesh kortag.

<sup>q</sup><sup>7:50</sup> Eshayá Nabiay Ketáb 66:2.

<sup>r</sup><sup>7:51</sup> Mánmayátk, bezán hamá ke kassá namannit.

<sup>s</sup><sup>7:51</sup> Edá sonnat kanagay máná ruháni ent, bezán pa á mardomán kármarz kanaga bit ke Hodáy habarána nazurant.

<sup>t</sup><sup>7:52</sup> Dróhók, bezán hamá ke wati hamráhá rada dant o bahá kant.

gwashti: 'Shául, Oo Shául! Taw chiá maná ázára dayay?' <sup>8</sup> Man jost kort: 'Oo wájah! Taw kay ay?' Passawi dát: 'Man Issá Náseri án, hamá ke taw áiá ázára dayay.' <sup>9</sup> Mani hamráhán rozhn dist, bale hamá ke gón man habar kanagá at, áiay tawáresh naeshkot.<sup>10</sup> Joston kort: 'Oo Hodáwand! Man ché bekanán?' Hodáwandá maná passaw dát: 'Pád á, Dameshkay shahrá beraw, hamá sajjahén kár ke tará kanagi ant, ódá tará gwashaga bant.<sup>11</sup> Hamráhán maná dastá gept o Dameshkay shahrá bort, chiá ke cha hamá trondén rozhnay gendágá mani chammáni rozhnái shotagat.

<sup>12</sup> 'Ódá Hannániá námén yak mardé at ke Hodádóst o Sharyatay páband at o sajjahén jahmenendén Yahudiáni nyámá washnámén mardé at.<sup>13</sup> Mani kerrá átk o óshtát o gwasht: 'Oo mani brát Shául! Tai chammáni rozhnái per betarrát o maym bekanátay.' Hamá damáná mani chamm padá rozhná butant o man á dist.<sup>14</sup> Gorhá Hannániáyá gón man gwasht: 'May pet o pirokáni Hodáyá tará gechén kortag tán áiay razáyá bezánay, áiay "Pák o Nékénay"<sup>rc</sup> begenday o áiay tawára cha áiay jenday dapá beshkonay.<sup>15</sup> Báyad ent pa sajjahénán wati eshkotagén o distagénáni gwáhiá bedayay.<sup>16</sup> Nun chiá mahtal ay? Pád á, Issáy námá beger, pákhódi bekan ke cha wati gonáh o mayárán pák o palgár bebabay.'

<sup>17</sup> 'Randá wahdé Urshalimá átkán, yak róché pa dwáyá mazanén parasteshgáhá shotán, dwáyá wahdá maná shobén o elhámé raset.<sup>18</sup> Issá Masihon dist ke maná gwasht: 'Zut kan. Cha Urshalimá dar kap, chiá ke eday mardom mani bárawá tai gwáhiá namannant.<sup>19</sup> Man gwasht: 'Oo Hodáwand! Á wa zánant ke man har jágah, kanisahán shotagán o tai báwarmand jatag o jél kanáentagant.<sup>20</sup> É habará ham zánant ke wahdé tai shahid Estipánay hón réchag but, man hamódá óshtátagatán o pa áiay koshagá rázig atán o áiay hónigáni god o poccháni negahpán atán.'<sup>21</sup> Padá Hodáwandén Issáy maná gwasht: 'Beraw, chiá ke man tará durén hand o damagán darkawmáni kerrá ráha dayán.'

### Cha Pulosá jost o pors

<sup>22</sup> Mardom tán haminchoká Pulosay habarán gósh dáragá atant, bale é habari ke kort nun kukkaní kort o gwashtesh: 'É mard koshag o gár kanag bebit ke zenda nakarzit.'<sup>23</sup> Áyán kukkaní kort, wati gwaray kabáh o jámagesh kasshetant o hákshániesh kort.<sup>24</sup> Rumi lashkaray masterá parmán dát ke Pulosá kalátá bebarant o shallák bejanant tán zánag bebit mardom chiá áiay sará kukkaní kanagá ant.<sup>25</sup> Wahdé Pulosesh pa shallák janagá bast, áiá hamódá cha óshtátagén apsará jost kort: "Man Rumi báshendahé án. Kánuná, é rawá ent ke shomá bé hokmay borragá Rumi báshendahé shallák bejané?"<sup>26</sup> Wahdé apsará é habar eshkot, lashkaray masteray kerrá átk o gwasht: "Oo wájah! Taw ché kanagá ay? É mard Rumi báshendahé."<sup>27</sup> Lashkaray master, Pulosay kerrá shot o josti kort: "Begwash, pa rásti taw Rumi báshendahé ay?" Pulosá passaw dát: "Haw, man Rumi báshendahé án."<sup>28</sup> Masterá gwasht: "Man pa Rumi báshendah bayagá bázén zarré dátág." Pulosá darráent: "Man cha pédáeshá Rumi báshendahé án."<sup>29</sup> Á sepáhig ke cha Pulosá jost o pors kanagá atant, hamá damáná cha áiá poshtá kenzetant. Wahdé lashkaray master sarpad but ke Pulos Rumi báshendahé o áiá band kanáentag, wat ham torseti.<sup>30</sup> Lótheti sharr bezánt Yahudi Pulosay sará chónén bohtámé janant, paméshká domi róchá Pulosi cha bandijáhá dar kort o parmáni dát Yahudiáni mazanén dini péshwá o sarókáni diwánay sajjahén básk diwáná benendant. Gorhá Pulosi áwort o áyáni démá pésh kort.

### Pulos Yahudi sarókáni diwánay démá

**23**<sup>1</sup> Pulosá sarókáni diwáná nendókén báskáni némagá tachkátagh cháret o gwasht: "Oo brátán! Man tán maróchigén róchá wati zend gón pák o palgárén jabin<sup>d</sup> o wejdáné pa Hodáy razáyá gwázéntag."<sup>2</sup> É habará o rand, masterén dini péshwá Hannániáyá Pulosay pahnátá óshtátagén mardom parmán dátant ke áiay dapá shahmáti bejanant.<sup>3</sup> Gorhá Pulosá gwasht: "Hodá tará jant, oo espéti per moshtagén diwál!"<sup>e</sup> Taw Sharyatay rahbandáni randgiriá mani mayár o bémayáriay gisshéenagá edá ay, bale é káray badalá gón mani shahmáti janáénagá Sharyatay rahbandán próshágá ay."<sup>4</sup> Pulosay kashá óshtátagén mardomán gón áiá gwasht: "Tará lajjá<sup>f</sup> nakant Hodáy náméntagén dini péshwáyá béezzata kanay?"<sup>5</sup> Pulosá passaw dát o gwasht: "Oo brátán!

<sup>c22:14</sup> Bezán Issá Masihá.

<sup>d23:1</sup> Jabin, bezán wajud, darun, zamir, wejdán.

<sup>e23:3</sup> "Espéti per moshtagén diwál" hamá mardománi bárawá gwashag butag ke záherá sharr ant bale áyáni del o darun syáh ent.

<sup>f23:4</sup> Lajj, bezán sharm, hajálat.

chi ent? Má ché bekanén? Allamá cha tai eday áyágá sahiga bant.<sup>23</sup> Paméshká anchosh ke má gwashén, hamá dhawlá bekan. May kerrá chár mardom hast ke áyán gón Hodáyá kawlé kortag.<sup>24</sup> Taw hamáyáni hamráhiá beraw o gón áyáni pák o palgáriay rasmán hór bebab. Áyáni korbánigay dalwatáni kímmatá ham taw porr kan, tánke á wati sarán besáyant. É dhawlá harkasa zánt ke tai bárawá áyáni eshkotagén habar drógr butagant o taw wati zendá Sharyatay sará gwázénagá ay.<sup>25</sup> Bale má hamá darkawmén báwarmandáni sará nebeshtag ke may hokm áyáni bárawá chi ent. Cha botáni námá korbánig kortagén góshtá, cha hónay waragá, cha mordáren dalwatáni góshtá o cha zená o bénangá pahréz bekanant.”<sup>26</sup> Pulosá á chárén mardom zortant o é dega róchá gón áyán hórigá, pák o palgáriay rasmí sarjam kort. Padá mazanén parasteshgáhá shot tán palgáriay rócháni sarjam bayagay járá bejant, ke hamá róchá cha áyán har yakkéy korbánig ham hayrát kanaga bit.

### Pulosay dazgir kanag

<sup>27</sup> Áyáni palgáriay haptén róch sarjam bayagi atant ke Ásiáy damagay lahtén Yahudiá Pulos mazanén parasteshgáhá dist. Mardomesh shóréntant, Pulosesh gept o<sup>28</sup> kukkanresh kort: “Oo Esräilián! Byáét márá komak bekanét. É mard, Pulos hamá ent ke har jágah gón harkasá, may kawm o Mussáy Sharyat o Hodáyé Pákén Lógy badwáhiá habara kant o sar o sója dant. Annun ham darkawmén Yunáni mardomi mazanén parasteshgáhá áwortag o Hodáyé Pákén Lógi palit kortag.”<sup>29</sup> Áyán é habar paméshká kort ke pésará Pulosesh gón Trupimusá, ke Epesosay shahray nendóké at, Urshalimay bázárá distagat. Gománesh kortagat ke Pulosá, Trupimus mazanén parasteshgáhá áwortag.<sup>30</sup> Sajjahén shahrá shóreshé chest but, sajjahén mardom cha har némagá tacháná átk o mocc butant. Pulosesh gept o cha mazanén parasteshgáhá dhanná dar kort o hamá damáná parasteshgáhay darwázagesh band kortant.<sup>31</sup> Pulosesh koshagi kortagat ke Rumi lashkaray masterá hál raset sajjahén Urshalimá shóreshé kaptag.<sup>32</sup> Áiá hamá damáná watá, sepáhig o apsaráni hamráhiá pa mardomán rasent. Wahdé mardomán lashkaray master o sepáhig distant, Pulosay latth o kotthesh bass kort.<sup>33</sup> Lashkaray master Pulosay kerrá átk, dazgiri kort o parmáni dát gón do zamzilá bebandanti. Cha mardomán josti gept ke: “É kay ent o mayári chi ent?”<sup>34</sup> Mardom bázukkár kanagá atant, harkasá áiyá bárawá chízé gwasht, paméshká lashkaray master cha rástén jáwará sarpad nabut o hokmi kort ke Pulosá kalátá bebarant.<sup>35</sup> Wahdé Pulos kalátay padánkán raset, cha mahlukay zahr o hezhmá sepáhig áiyá baddh kanagá náchár butant,<sup>36</sup> chiá ke mahluk áiyá randá kukkár kanán, gwashán at: “Eshiá bekosh.”

<sup>37</sup> Hamá wahdá ke sepáhig Pulosá kalátá baragá atant, áiyá gón Rumi lashkaray masterá gwasht: “Maná mókala dayay gón taw habaré bekanán?” Lashkaray masterá jost kort: “Záná, taw Yunáni zobáná balad ay?”<sup>38</sup> Acha, taw hamá Mesri naay ke nóki shóreshi kortagat o chár hazár yágién mardomi gón wat gyábáná bortagat.”<sup>39</sup> Pulosá darráént: “Enna, man Yahudié án o Kilikiahay damagay námién shahr Tarsusay mardomé án. Maná bell ke gón é mardománi mocchiá kammé habar bekanán.”<sup>40</sup> Lashkaray masterá mannet, Pulos átk o kalátay padánkání sará óshtát o gón dastay sorénagá mardomí bétawár kortant. Wahdé mardom bé trekk o tawár butant, gorhá Pulosá gón áyán Ebráni zobáná habar kort o gwashti:

### Pulosay trán

**22** <sup>1</sup>“Oo pet o brátán! Maná é hakká bedayét ke shomay démá wati démpániá<sup>a</sup> bekanán.”<sup>2</sup> Wahdé mardomán dist ke á Ebráni zobáná gón áyán habar kanagá ent, géshter bétawár butant. Áiyá gwasht:<sup>3</sup> “Man Yahudié án o mani pédaeshay jágh, Kilikiahay damagá, Tarsusay shahr ent, bale mani rost o rodóm hamedá Urshalimá butag. Gámálliai mani ostád butag o may pet o pirokáni sarjamén Sharyat<sup>b</sup> man cha hamáiá dar bortag. Pa Hodá o áiyá razáyá báz wáhagdár o hodónák butagán, anchosh ke maróchi shomá hodónák ét.”<sup>4</sup> Man ‘É Ráyah’ mannóger ázár dátág o koshagi ham kortagant, mardén wa mardén ant, janén ham geptag o bandi kanáéntagant.<sup>5</sup> Masterén dini péshwá o sajjahén kamásháni diwán mani bárawá gwáhi dáta kant. Áyán pa Dameshkay Yahudi brátán maná kágad dátagat tán ódá berawán, óday báwarmandán begerán o pa sezá dayagá Urshalimá byáran.

<sup>6</sup> “Ráhá, wahdé Dameshkay shahray nazziká rasetagatán, némróchay wahdá anágat cha ásmáná mani chapp o chágérdá trondén rozhné drapshet.<sup>7</sup> Zeminá kaptán o tawáré eshkoton ke maná

<sup>a</sup>22:1 Démpáni, bezán wati rakkénagay johd, Arabi o Pársiá “defá”.

<sup>b</sup>22:3 Bezán hamá Mussáy Sharyat.

### Estipánay sengsár kanag

<sup>54</sup> Gón Estipánay habaráni eshkonagá, á sakk zahr geptant o pa áiá dantán gadróshagá laggetant. <sup>55</sup> Bale Estipáná, ke cha Hodáy Pákén Ruhá sarréch at, ásmánay némagá cháret, gón Hodáy shán o shawkatay gendagá, Issái dist ke Hodáy rástén némagá óshtáttag.<sup>56</sup> Gwashti: “Ásmáná pach gendagá án o Ensánay Chokk,”<sup>57</sup> Hodáy rástén némagá óshtáttag.”<sup>57</sup> Áyán gón é habaráni eshkonagá, wati gósh band kortant o kukkanresh kort. Randá, sajjahén hamshawr butant o Estipánay sará hamlah o oroshesh<sup>w</sup> bort.<sup>58</sup> Kasshán kanan, cha shahrá dhann, dar kort o sengsár kanagesh bendát kort. Hamá mardomán ke áiyá sará drögén sháhdi dátagat, wati shál o kabáh<sup>w</sup> cha gwará dar kort o Shául námén mardéy kerrá ér kortant.<sup>59</sup> Hamá wahdá ke Estipáná sengsár kanagá atant, Estipán dwá kanáná gwashagá at: “Oo Hodáwandén Issái! Pa mani nadrigén sáhay zurágá razámand bátay.”<sup>60</sup> Randá, Estipán kóndhán kapt o pa borztawári gwashti: “Oo Hodáwand! Eshán pa é gonáhá mayárbár makan.” Gón hamé habaráni gwashagá, sáhi dát.

### Báwarmandáni sará orosh

**8** <sup>1</sup> Shául cha Estipánay kóshá rázig at. Á róchá, Urshalimay kelisáy sará sakkén ázáré bongéj but. Abéd cha kásedán, á dega sajjahén báwarmand, Yahudiah o Sámerahay chapp o chágérdá sheng o sháng butant. <sup>2</sup> Lahtén Hodádóstén mardomá, Estipán kabr kort o pa áiá mazanén sug o porsé dásht. <sup>3</sup> Bale Sháulá, kelisáy barbád kanag bendát kort. Lóg pa lóga shot, mardén o janén cha lógán dara kort, kasshán kanána bort o jéla kanáéntant.

### Pilipos Sámerahá kayt

<sup>4</sup> Hamá báwarmand ke sheng o sháng butagatant, har jáh ke saresha kapt, Issáy wasshén mestágesha rasent. <sup>5</sup> Pilipos Sámerahay yak shahréa shot o ódá Masihay kolaway jári jat. <sup>6</sup> Wahdé mardománi mocchián Piliposay habar eshkotant o áiyá kortagén ajabbatén neshániesh distant, pa áiyá habaráni gósh dáragá, géshter delgóshesh kort. <sup>7</sup> Bázénéá ke jenn per at, áyáni jenn gón kukkár o chihálán dar átkant, bázén lang o mondú ham dráh o wassh butant. <sup>8</sup> Paméshká á shahray mardomán báz gal o shádehi kort.

### Jádugarén Shamun

<sup>9</sup> Hamé shahrá, Shamun námén mardé sehr o jádugari kanagá at o Sámerahay mardomi hayrán o ajekkah kortagatant. Áiyá batháka jat o gwasht: “Man mazanén mardé án.”<sup>10</sup> Kasán o mazan, harkasá áiyá habar gósha dáshtant o gwashtesh: “É mard Hodáy was o wák ent o ‘Mazanzór’ gwashaga bit.”<sup>11</sup> Mardom paméshká áiyá mannóger atant ke báz wahd at cha wati sehr o chambandoki kárán, mardomi hayrán kortagatant.<sup>12</sup> Nun wahdé mardomán Piliposay sará báwar kort, ke á, Hodáy bádsháhiy wasshén mestág o Issá Masihay námá jár janagá at, gorhá mardén o janénán, pákhódia kort.<sup>13</sup> Shamunay jend ham báwarmand but o pákhódii kort o har jáhah Piliposay hamráha but. Cha distagén ajabbatén nesháni o mójezahán hayrán o habakkaha mant.

<sup>14</sup> Wahdé Urshalimá, kásedán hál raset ke Sámerián Hodáy habar mannetagant, gorhá áyán Petros o Yuhanná hamódá ráh dátant.<sup>15</sup> Wahdé átk o rasetant, pa Sámerián dwáesh kort ke Pákén Ruh áyáni delán bepoterit,<sup>16</sup> chiá ke Pákén Ruh taningah cha áyán hechkaséy sará ér nayátkagat. Á pa Hodáwandén Issáy námá pákhódii dayag butagatant o bass.<sup>17</sup> Petros o Yuhannáyá wati dast áyáni baddhá jat o Pákén Ruh áyán raset.

<sup>18</sup> Wahdé Shamuná dist kásedán ke dast baddhá janant Pákén Ruh dayaga bit, áiyá pa Petros o Yuhannáyá zarr áwort o<sup>19</sup> gwashti: “Maná ham é was o wáká bedayét tán harkasá ke dast baddhá janán Pákén Ruh áiyá ham berasit.”<sup>20</sup> Petrosá passaw dát: “Tai zarr gón tai hamráhiá gár o gomsár bátant. Chiá ke taw hayál kortag Hodáy dádá pa bahá gepta kanay.”<sup>21</sup> Tará é hezmatkáriá hech bahr o wandhé nést, chiá ke tai del o gón Hodáyá tachk o rást naent.<sup>22</sup> Cha wati é badkáriá pashómán bebay o cha Hodáwandá dwá belóth, balkén Hodá tai delay é sellén hayálá bebakshit.<sup>23</sup> Man gendagá án, tai del o zahrápá porr ent o sherr o sheddatay golám o bandig ay.”

<sup>17:56</sup> Dániál nabiá é pernám pa yak hastiéá kár bastag ke á cha ásmáná kayt. Issá Masihá é pernám pa wat zortag tán mardom bezánant ke á cha ásmáná átkag o hamá wádah dátagén Masih ent.

<sup>17:57</sup> Orosch, bezán hamlah.

<sup>17:58</sup> Kabáh, bezán jobbah.

<sup>24</sup>Shamuná passaw dát: “Shomá cha Hodáwandá pa man dwá belóthét, tán hamá chiz ke shomá gwashtant, yakké ham mani sará makapit.”

<sup>25</sup>Petros o Yuhanná, Hodáwanday habaráni sháhedi dayag o sheng kanagá rand, per tarret o Urshalimá shotant. Per tarragay wahdá, ráhá, bázén Sámeri dhéh o kallagán ham wasshén mestágesh tálán kort.

### Pilipos o Habashi kelitdár

<sup>26</sup>Hodáwanday préshtagéá gón Piliposá gwasht: “Pád á, jonubay némagá gyábánay hamá ráhá beger o beraw ke cha Urshalimá dém pa Gazzahá rawt.” <sup>27</sup>Á pád átk o ráh gept. Ráhá, gwahtagén<sup>x</sup> mardé disti ke Habashahay molká, “Malakah Kandákahay” kelitdár<sup>y</sup> at. É mard Urshalimá pa zegr o dwáyá shotagat o <sup>28</sup>nun wati arrábahay<sup>z</sup> tahá neshtagat o dém pa wati molká per tarrán, Eshayá nabiay Pákén Ketábá wánagá at. <sup>29</sup>Hodáay Pákén Ruhá gón Piliposá gwasht: “Áiyazziká beraw o arrábahá hamráh bay.”

<sup>30</sup>Pilipos tachán áiyazziká shot. Eshkoti ke á mard Eshayá nabiay Pákén Ketábá wánagá ent. Piliposá just gept: “É ketábá ke wánagá ay, eshiá sarpad ham bay?” <sup>31</sup>Áiyazziká passaw dát: “Na, tán kasé maná sarpad makant, man chón sarpada bán?” Randá Piliposi lóthet o gón wat nendárént. <sup>32</sup>Á mard, Eshayá nabiay Pákén Ketábá hamá báhrá wánagá at ke é dhawlá gwashit:

“Paséay dhawlá ke áiyazziká barant, áesh pa koshagá bort, anchosh ke gwarándh, pazhm chenókay démá bétawára bit, hamé dhawlá cha áiyazziká dapá ham tawáré dar nayátk.”

<sup>33</sup>Áiyazziká béezzat kanag, náráhén káré at. Áiyazziká nasl o padréchay bárawá kay habar korta kant? Chiá ke áiyazziká zend zeminay sará halás kanag butag.”<sup>a</sup>

<sup>34</sup>Habashi kelitdarárcha Piliposá just kort: “Maná begwash, bárén é nabi kai bárawá habar kanagá ent? Wati bárawá yá dega kaséay?” <sup>35</sup>Gorhá Piliposá cha Hodáay Pákén Ketábá hamé habarán wati gapp o trán bongéj kort o Issá Masihay wasshén mestágí pa áiyazziká rásént. <sup>36</sup>Á, ráhá rawán, yak anchén jágahéá rasetant ke ódá ápsaré hastat, kelitdarárcha gwashit: “Bechár, edá áp hastent, parwáh nést man hamedá pákshódi bekánan?” <sup>37</sup>Piliposá passaw dát: “Agan taw pa del o setk báwarmand butagay, pákshódi korta kanay.” Áiyazziká darráént: “Man báwara kanán ke Issá Masih Hodáay Chokk ent.”<sup>b</sup> <sup>38</sup>Habashi kelitdarárcha hamódá arrábahay dáragay hokm kort, doénán ápá mán dát o Piliposá á pákshódi dát. <sup>39</sup>Wahdé cha ápá dar kaptant, anágat Hodáwanday Ruhá, Pilipos chest kort o bort, Habashi kelitdarárcha padá Pilipos nadist, bale pa gal o shádehi wati ráhá gept. <sup>40</sup>Pilipos Ashduday shahrá gendag but, cha ódá tán Kaysariahay shot o ráhá sajjahén shahrán Issáay wasshén mestágí sheng kort.

### Sháulay báwarmandi

**9** <sup>1</sup>Shául, angat Hodáwanday moridán pártráp dayán, áyání kosht o kóshay chen o lánczá at. <sup>2</sup>Á, masterén dini péshwáy kerrá shot o <sup>3</sup>cha áiyazziká lótheti pa Dameshkay shahray kanisaháni sarókán kágadé benebisit ke Sháulá é ehtiár bebit, agan áiyazziká ódá “É Ráhá”<sup>c</sup> har mannógeré dist, mardéné bebit yá janéné, bandig bekant o Urshalimá byárit. <sup>3</sup>Wati sárt o sapará, wahdé Dameshkay shahray nazziká raset, anágat áiyazziká chapp o chágerdá cha ásmáná rozhné drapshet.<sup>d</sup> <sup>4</sup>Shául zeminá kapt o tawáré eshkoti: “Shául, oo Shául! Taw chiá maná ázára dayay?” <sup>5</sup>Shául just kort: “Oo wájah! Taw kay ay?” Passawi dát: “Man Issá án, hamá ke taw áiyazziká ázára dayay. <sup>6</sup>Nun pád á o shahrá beraw. Hamódá gwashant tará che kár kanagi ent.” <sup>7</sup>Sháulay hamráh bétawár o mámánage<sup>e</sup> butant. Áyán é tawár eshkot bale hechkasésh nadist. <sup>8</sup>Shául cha zeminá pád átk, bale wahdé chammi pach kortant hechi maym nakort. Hamráhán dastá gept o Dameshká sar kort. <sup>9</sup>Tán say ráhá kór but, na ápi wárt o na warák.

<sup>x</sup>8:27 Gwahtagén, bezán áiyazziká narénag dar kanag butag, anchosh ke gón párbondi gwarándhá kanant.

<sup>y</sup>8:27 Kelitdár, bezán hazánagay hesábdár o sambálók.

<sup>z</sup>8:28 Arrábah, bezán mazanén mansabdáráni hamá gárhi ke aspia kasshant.

<sup>a</sup>8:33 Eshayá Nabiay Ketáb 53:7–8.

<sup>b</sup>8:37 Lahtén daznebeshtá, band 37 nést.

<sup>c</sup>9:2 “É Ráhá” pa awali báwarmandáni pajjárénagá hásén námé at.

<sup>d</sup>9:3 Drapshag, shahm janag, rozhná bayag, jalashkag.

<sup>e</sup>9:7 Mámánag, bezán cha tors yá dega sawabéá anchén hálatéá bayag ke habar ham dar mayayt.

bahá geptag. <sup>29</sup>Maná zánán cha mani rawagá rand, derrókén gork shomay nyámá káyant o ramagay sará rahma nakanant. <sup>30</sup>Tantaná shomay wati nyámá ham anchén mardom páda káyant ke rástén habarán prosht o prósha kanant tánke moridán wati némagá bekasshant. <sup>31</sup>Paméshká hozzhár bét o yát bekanétt ke tán say sálá, man shap o róch pa shomá grétag o shomárá dháhx<sup>f</sup> dátág.

<sup>32</sup>Nun shomárá Hodá o áiyazziká pormehr o rahmatén habaráni sepordaha kanán ke á habar shomárá mohr dáshta kanant tán hót gón sajjahén Hodáay palgártagénán mirás bebarétt. <sup>33</sup>Maná cha kaséá hech chizéay tamah o lálech nabutag, na soho r tangaway, na nograh o zarrey o na god o póshákay.

<sup>34</sup>Shomá wata zánán ke man gón wati é dastán kár kortag, watiq o wati hamkárani zalurat o garaz wat sarjam kortagant. <sup>35</sup>Man shomárá darwar o nemunah pésch kortag ke shomá ham mani dhawlá wati dastán kár bebandét o kár bekanétt o wár o bazzagán komak bedayét. Shomá cha Hodáwandén Issáay é habarán bétránag mabét o mashamóshét ke áiyazziká gwasht: ‘Cha zuragá, dayag bahtáwarter ent.’ <sup>36</sup>Cha é habaráni halásia rand, Pulos kóndhán kapt o gón sajjahénán hót dwái kort. <sup>37</sup>Sajjahénán Pulos goláesh kort, chokkét o báz grétesh. <sup>38</sup>Á géshter pa eshiá gamig atant ke Pulosá gwashtagat: “Shomá padá maná nagendét.” Gorhá tán bójigá raséntesh.

### Dém pa Urshalimá

**21** <sup>1</sup>Wahdé má cha áyán jetá butén, bójigá swár but o tachkátachk dém pa Kásay jazirahá átkén. Domi róchá Rudesay jazirahá rasetén o cha ódá Pátáráy shahrá shotén. <sup>2</sup>Ódá márá yak bójigé dast kapt ke Pinikiahá rawagi at. Má hamé bójigá swár but o ráh geptén. <sup>3</sup>Wahdé bójig daryáyá rawán at, cha durá Kebresay jazirah, chappén pahnátá gendag but, cha ódá gwazán, Suriahá, Suray bandená raset o cha bójigá ér kaptén, chiá ke ódá bójigá bár ér géjagi at. <sup>4</sup>Má óday morid shóház kortant o tán hapt róchá áyání kerrá jalleten. Áyán, cha Pákén Ruhay némagá gón Pulosá gwasht ke Urshalimá marawt. <sup>5</sup>Bale wahdé ódá may jállagay róch halás butant, má padá wati sapar bendát kort. Sajjahénán báwarmand gón wati jan o chokkán may hamráhícha shahrá dhann, tayábdapá átkant. Ódá má sajjahénán kóndhán kaptén o dwáen kort. <sup>6</sup>Cha yak domiá roksat bayagá rand, má bójigá swár butén o wati lögán per tarretant.

<sup>7</sup>Cha Suray bandená sapar kanán Potulemasay shahrá átk o cha bójigá ér kaptén. Ódá ham má gón báwarmandáni gendok kort o yak róché áyání gwará dáshtén. <sup>8</sup>É dega róchá cha ódá dar átk o Kaysariahay shahrá rasetén. Ódá má mestág dayókén Piliposay lögá dásht ke cha hamá hapténnán<sup>g</sup> yakké at. <sup>9</sup>Áiyazziká neshtagén janénochokk hastat ke paygambariay sawgátesh cha Hodáay némagá rasetagat. <sup>10</sup>Á lahtén róchá ke má ódá atén, Ágábus námén nabié cha Yahudiahá átkagat. <sup>11</sup>May gendoká átk, Pulosay lánkbandi zort, wati dast o pádi bastant o gwashti: “Pákén Ruha gwashit: ‘Urshalimay Yahudi é lánkbanday hodábondá gerant o hamé paymá ke man watá bastag, hamé paymá áiyazziká dast o pádána bandant o darkawmáni dastá dayant.’” <sup>12</sup>Áiyazziká habaráni eshkonagá rand, má o á shahrá mardomán gón Pulosá dazbandi o mennatgiria kort ke Urshalimá marawt. <sup>13</sup>Bale Pulosá gwasht: “Chiá shomá gréwt o mani delá próshét? Man band bayagá bell, Urshalimá, pa Hodáwandén Issáay námaygi wati zenday nadr kanagá ham tayár án.” <sup>14</sup>Wahdé má Pulos mannént nakort, gorhá gwashtén: “Harché ke Hodáwanday razá ent, hamá dhawlá bebit” o bétawár butén.

<sup>15</sup>Cha á róchán o rand, má wati ord o bonag bast o dém pa Urshalimá sar geptén. <sup>16</sup>Cha Kaysariahay shahrá lahtén morid may hamráh but, áyán márá pa dárag o mehmán bayagá Manásun námén báwarmandéay lögá bort. Á cha Issáay awali mannógerán at o béhá Kebresié at.

### Pulos, Urshalimay shahrá

<sup>17</sup>Wahdé Urshalimá rasetén, brátán márá gón wáhagé wasshátk kort. <sup>18</sup>Domi róchá, Pulosay hamráhícha Issáay brát Ákubay gend o nendá shotén. Kelisáay sajjahén kamásh hamódá atant.

<sup>19</sup>Tayájórhiá rand, Pulosá pa sarjamiá gwasht ke Hodáay cha áiyazziká hezmatán pa darkawmán ché kortag. <sup>20</sup>Wahdé áyán é hál eshkotant, Hodáay shogresh gept. Nun gón Pulosá gwashtes: “Oo brát! Taw sahig ay ke hazárán Yahudi Issáay sará báwarmand butag o sajjahén Mussáay Sharyatay sará pa del o setk páband ant. <sup>21</sup>Bale lahténá tai bárawá gón áyán gwashtagat ke taw sajjahén á Yahudi ke darkawmáni nyámá neshtagant sója dayay ke Mussáay Sharyatay yalah bedayant o wati chokkán sonnat makanáénant o may é dega dód o rabédagáni sará kár makanant. <sup>22</sup>Nun shawr

<sup>x</sup>20:31 Dháhx, bezán hoshdár, wárning.

<sup>y</sup>21:7 Asligén Yunáni nebeshtánka gwashit: “gón brátán”.

<sup>z</sup>21:8 Bezán cha haptén gechén kortagén hezmatkárán, bechár Kásedáni Kár 6:5.

## Pulos, dém pa Makduniah o Yunáná

**20**<sup>1</sup> Epesosay shahray shóreshay halásia rand, Pulosá á shahray morid lóthet o delbaddhi dátant, gorhá cha áyán roksati gept o dém pa Makduniah ráh kapt.<sup>2</sup> Cha á hand o damagán ke gwast, gón wati habarán, báwarmandi bázén delbaddhié dátant. Randá átk o Yunáná raset.<sup>3</sup> Ódá tán say máhá mahtal but. Gón bójigéá Suriayah rawágá pésar, Yahudián pa áiá pandalé sáset, paméshká cha Makduniahay ráhá per tarragay shawri kort.<sup>4</sup> Áiy hamráh esh atant: Pirrusay chokk Supáterus ke Biriahay mardomé at, Aristarkás o Sekundus ke Tesálunikiai mardom atant, Gáyus ke Derbehay mardomé at, Timutáus, Tikikus o Trupimus ke Ásiáy damagay mardom atant.<sup>5</sup> Ácha má pésh kaptant o Truásay shahrá shotant. Hamódá pa may áyagá rahchár butant.<sup>6</sup> Béhomirén nánay aidá rand, má cha Pilipiay shahrá bójigéá swár butén o panch róchá rand, Truásá áyáni kerrá átkén o tán hapt róchá hamódá dáshtén.

### Warnáé zendaga bit

<sup>7</sup> Haptagay awali róchá,<sup>u</sup> pa nánay chondh chondh kanagá hórigá neshtagatén o Pulosá gón báwarmandán trán kort. Domi sabáhá á rawagi at, paméshká tán shapnémá habari kort.<sup>8</sup> Hamá borzádi báná ke neshtagatén, bázén cherágé rók at.<sup>9</sup> Pulosay habaráni wahdá, Yutukus námén warnáé darigay dapá neshtagat. Wábénag but, kóchandhagá lagget o wáb kapt. Cha lógay saymi tabaká jahlád kapt o mort. Mardomán áiy jón chest kort.<sup>10</sup> Pulos ér átk, áiy némagá jahl but, goláeshi kort o gwashti: "Matorsét, sahi mán ent."<sup>11</sup> Gorhá borzad shot, náni chondh chondh kort o wárt, randá gón áyán wati gapp o tráni tán gwarbámáv démá bort o padá cha ódá dar kapt o shot.<sup>12</sup> Á warnáesh, zendag o dráh áiy lóga bort o áyán mazanén tasallá o delbaddhié raset.

### Dém pa Militusay bandená

<sup>13</sup> Má bójigéá swár but o cha Pulosá pésar, Ásusay shahrá shotén ke cha ódá áiá gón wat bezurén. Pulosay wáhag esh at ke Truásá beger tán Ásusá hoshkiá sapar bekant.<sup>14</sup> Wahdé Ásusay shahrá gón áiá dochár kaptén, gorhá bójigá swáren kort o Mitiliniay shahrá átkén.<sup>15</sup> Cha ódá domi róchá Kiusay jazirahay démá átk o rasetén. Saymi róchá, Sámusay banden o cháromi róchá Militusay shahrá átkén.<sup>16</sup> Pulosay shawr at, Epesosay shahrá hecc hmoštit, tánke Ásiáy damagá báz mahtal mabit. Áiá eshtáp at ke agan buta kant Pentikástay Aiday<sup>w</sup> róchá Urshalimá bebit.

### Gón Epesosay kamáshán Pulosay trán

<sup>17</sup> Pulosá cha Militusay shahrá, pa Epesosay kelisáay kamáshán kolaw ráh dát o á wati kerrá lóthetant.<sup>18</sup> Kamásh ke átkant, gón áyán gwashti: "Shomá wata zánét cha hamá awali róchá ke man Ásiáy damagá pád ér kortag, che paymá wati zend gón shomá gwázéntag.<sup>19</sup> Man ars réchán o pa békebri o darbési Hodáwanday hezmatkári kortag o Yahudiáni pandaláni sawabá bázén sakki o sóri saggetag.<sup>20</sup> Wata zánét, shomay nap o suttá harché ke mani dastá bayagi butag man kortag o Hodáy kolaw pa shomá, mocchiáni tahá o lóg pa lóg áwortag o sar kortag.<sup>21</sup> Man Yahudi o Yunáni, doén pant o sój dáttagant ke cha wati radén kárán pashómán bebant, Hodáy ráhá begerant o may Hodáwandén Issáy sará báwar bekanant.<sup>22</sup> Annun gón Pákén Ruhay rahshóniá Urshalimá rawán. Nazánán ódá gón man ché bayagi ent.<sup>23</sup> Bale eshiá zánán ke Pákén Ruh maná har shahrá péshgói kanag o gwáhi dayagá ent, kayd o band o sakki o sóri mani wadár o entezárá ant.<sup>24</sup> Maná pa wati sáh o zendá parwáh nést, mani yakkén wáhag esh ent ke wati dawr o bárigá pa sar berasénán o Hodáwandén Issáy dáttagén kárá sarjam bekanán, bezán Hodáy mehr o rahmatay mestágá berasénán.

<sup>25</sup> "Nuna zánán, man ke Hodáy bádháhiay wasshén mestág pa shomá áwortag o raséntag, cha shomá hechkas padá maná nagendit.<sup>26</sup> Paméshká maróchi shomárá pa rásti o deljamia gwashán ke shomay hechkasay hón mani gardená naent.<sup>27</sup> Chiá ke man pa shomá Hodáy sajjahén wáhagáni rasénagá hechbar chakk o pad nabutagán.<sup>28</sup> Shomá wati jend o wati ramagay sajjahén báwarmandáni hayáldáriá bekanét ke Pákén Ruhá shomárá áyáni negahpán kortag. Hodáy kelisáay shopánki o negahpáníá bekanét, hamá kelisá ke Hodáwandén Issáyá gón wati hóná pa

<sup>10</sup> Dameshkay shahrá, Hannániá námén moridé jahmenend at. Shobén o elháméá, Hodáwandá pa áiá záher but o gwashti: "Oo Hannániá!" Áiá jwáb tarrent: "Ji, mani wájah!"<sup>11</sup> Hodáwandá gwashti: "Pád á, hamá damk o kuchahá beraw ke áiá 'Tachkén damka' gwashant. Ódá Yahudáy lóga beraw o Shául Tarsusiá shóház kan, ke á dwá kanagá ent.<sup>12</sup> Sháulá wati shobéná distag ke Hannániá námén mardé kayt, áiá dast pera moshit ke padá begendit."<sup>13</sup> Hannániáyá passaw dát: "Oo Hodáwand! Man cha bázénéá eshkotag ke Urshalimá, Sháulá tai báwarmand báz ázár dáttagant.<sup>14</sup> Edá ham gón mazanén dini péshwáyáni ehtiárá átkag ke sajjahén hamá mardomán begipt o bandig bekant ke tai námá gerant."<sup>15</sup> Bale Hodáwandá gón Hannániáyá gwashti: "Beraw, man pa wati hezmatkáriá, á gechén kortag ke darkawm o áyáni bádháh o Esráiliáni gwará berawt o pa mani námá gwáhi bedant.<sup>16</sup> Man áiá sahiga kanán ke pa mani námá áiá chinchok ázár saggagi ent."<sup>17</sup> Hannániá shot o hamá lóga raset, Sháuli dast per mosht o gwashti: "Oo mani brátén Shául! Hamá Hodáwand bezán Issá, ke ráhá pa taw záher but, maná ráhi dáttag ke taw padá begenday o cha Hodáy Pákén Ruhá porr bebabay."<sup>18</sup> Hamá damáná, cha áiy chammán kochalpaymén chizé kapt o áiy chammán rozhn padá átk. Gorhá á pád átk o pákshódii kort.<sup>19</sup> Ward o waráki wárt, zreng o zórmand but. Lahtén róchá Dameshkay mordáni kerrá dáshti.

### Sháulay báwarmandiay paddari

<sup>20</sup> Shául, hamódá Yahudiáni kanisahá shot o jária jat ke Issá Hodáy Chokk ent.<sup>21</sup> Harkasá ke áiy habara eshkot, hayrána but o jostia gept: "É hamá mard naent ke Urshalimá Issáy nám gerókáni gár o gomsár kanagay randá at? Edá ham paméshká nayátkag ke Issáy mannógerán begipt o mazanén dini péshwáyáni kerrá bebárt?"<sup>22</sup> Bale Shául róch pa róch zórmandtera but o gón mohréen dalilán péshia dásht ke Issá, Masih ent o é dhawlá áiá Dameshkay Yahudi sarbatag o bépassaw kortant.<sup>23</sup> Bázén róchán o rand, Yahudiáni áiy koshagay shawr kort,<sup>24</sup> bale Shául cha áyáni pandalá sahig but. Gorhá, áyán shap o róch shahray darwázagáni negahpáníá kort tán begerant o bekoshanti.<sup>25</sup> Bale áiy shágerdán lachéáf kort o shapá cha shahray diwálá, jahlá ér dát.

### Shául Urshalimay shahrá

<sup>26</sup> Wahdé Shául Urshalimá raset gón mordáni hór bayagay johdi kort, bale sajjahénán cha áiy torset. Áyán báwar nabut ke Shául pa rásti mordé butag.<sup>27</sup> Bale Bárnbáyá wati hamráh kort o kásedáni kerrá bort, á sahig kortant ke che paymá Sháulá Dameshkay ráhá Hodáwand distag o Hodáwandá gón áiá gapp o trán kortag. Bárnbáyá é hál ham dát ke Sháulá Dameshkay shahrá che paymá gón deléri pa Issáy námá wáz kortag.<sup>28</sup> Randá, Shául Urshalimá gón kásedáni har kárá hór but o pa natorsi Hodáwanday námá wázia kort.<sup>29</sup> Gón Yunáni Yahudiáni ham gapp o trána kort. Bale á, Sháulay koshagay randá atant.<sup>30</sup> Wahdé báwarmandén brát cha é pandalá sahig butant, Sháulesh Kaysariahá bort o cha ódá dém pa Tarsusá ráh dát.<sup>31</sup> Gorhá Yahudiah o Jalil o Sámerahay sajjahén damagán, kelisá émen o ásudag but o rost o rodóm kanán at. Báwarmandán, pa Hodátorsi zenda gwázént o gón Pákén Ruhay delbaddhiá róch pa róch géshtera butant.

### Iniás o Dorkás

<sup>32</sup> Petros sát o sapar kanán at o Loddahay shahray nendökén Hodáy palgártagén<sup>g</sup> mardománi gwará átk.<sup>33</sup> Ódá áiá Iniás námén mardé dist ke lang o mond at o hasht sál at ke tahtay báhóth at.<sup>34</sup> Petrosá gón áiá gwashti: "Oo Iniás! Issá Masih tará dráha kant, pád á, wati gandalán péch." Hamá damáná Iniás pád átk o óshtát.<sup>35</sup> Wahdé Loddah o Shárunay mardomán Iniás dist, á ham dém pa Hodáwandá átkant.

<sup>36</sup> Yápáyay shahrá, moridé hastat ke námi Tabítá at (Yunáni zobáná "Dorkás" gwashaga bit, bezán "ásk"). Á báz nékkárén janéne at o har wahdá nézgárén mardomi komak o madat kortagatant.

<sup>37</sup> Hamé róchán nájórh but o mort. Áiy jónesh shosht o lógay borzádi báná ér kort.

<sup>38</sup> Yápáyay shahrá cha Loddahá nazzik at. Wahdé Yápáyay nendökén morid sahig butant ke Petros Loddahay shahrá ent, áyán do mardom ráh dát o mennatgiresh kort ke Petros zut áyáni kerrá byayt.<sup>39</sup> Petros áyáni hamráh but. Wahdé ódá raset, lógay borzádi báná bortesh. Ódá sajjahén janázám áiy chapp o chágerdá mocch butant o gréwan hamá pocch o jámagesh pésh dáshtant

<sup>u</sup>20:7 Bezán Yakshamhéá.

<sup>v</sup>20:11 Gwarbám, bezán róthekek, róchay dar áyagay wahd.

<sup>w</sup>20:16 Rón o móshay aid.

<sup>f</sup>9:25 Lach, bezán mazanén sapté ke bári mána kanant o hará laddhanti.

<sup>g</sup>9:32 "Palgártagén" hamá mardom ant ke gón Issá Masihay hóná cha wati gonáhán shódag o pák kanag butag o é dhawlá pa Hodáyá dar chenag butagant.

ke Dorkásá wati zendá dóttagatant.<sup>40</sup> Petrosá á sajjahén cha báná dar kortant, kóndhán kapt o dwái kort. Randá démi jónay némagá tarrént o gwashti: "Oo Tabítá! Pád á." Áiá wati chamm pach kortant, Petrosay némagá cháreti o nesht.<sup>41</sup> Petrosá áiay dast gept o óshtárént, báwarmand o janázami tawár kortant o Tabítai zendaká áyáni dastá dát.<sup>42</sup> É hál, sajjahén Yápáay shahrá sheng but o bázén mardoméá Hodáwanday sará báwar kort.<sup>43</sup> Petros tán lahtén wahdá hamódá Yápáay shahrá gón Shamun námén póst rajókéá<sup>h</sup> nesht.

### Korniliusay elhám

**10**<sup>1</sup> Kaysariahay shahrá, Kornilius námén mardé hastat, ke Rumi pawjá, "Itáliáí lashkaray"  
sad mardomay master at.<sup>2</sup> Áiay jend o sajjahén kahólí<sup>i</sup> pahrézkár o Hodátorsí atant. Áiá  
nézgárén mardom pa daspachi komaka kortant o modám Hodáay bárgáhá zegr o dwá kanagá at.<sup>3</sup>  
Yak róché némróchá rand, kesás sáhat sayá,<sup>k</sup> Hodáay préshtagé pa shobén o elhámi dist ke nazzik  
átk o gwashti: "Oo Kornilius!"<sup>4</sup> Korniliusá gón torsé préshtagay némagá chamm sakk dátant o  
gwashti: "Ji wájah! Ché gwashay?" Préshtagá passaw dát: "Tai dwá o hayrát yátmánén sawgáté ke  
Hodáay bárgáhá rasetag.<sup>5</sup> Nun wati mardomán Yápáay shahrá rawán kan o yak mardéá, ke námi  
Shamun ent o Petros ham gwashanti, belóth o byár.<sup>6</sup> Á, póst rajókén Shamunay mehmán ent ke  
lógi tayábay nazziká ent.<sup>7</sup> Wahdé préshtagá wati habar kortant o shot, Korniliusá wati do kárdár  
o yak pahrézkárén sepáhigé ke áiay hezmatá at, lóthetan, <sup>8</sup> gón áyán é sajjahén kessahi kort o dém  
pa Yápáyá rawán dátant.

### Petrosay elhám

<sup>9</sup> Domi róchá, wahdé har say ráhá atant o Yápáay nazziká rasetant, hamá wahdá némróchá<sup>l</sup> Petros  
pa dwá kanagá lógay sará sár kapt.<sup>10</sup> Shodig but o áiay delá warák lóthet. Wahdé waragán tayár  
kanagá atant, Petrosá shobénag but o gón elhámé disti<sup>11</sup> ke ásmánay dap pach butag o mazanén  
parzónagpaymén chizé cha har chárén lambán<sup>m</sup> zeminay némagá é áyágá ent.<sup>12</sup> É parzónag  
cha har paymén chárpadén haywán, már o gój o báli morgá porr at.<sup>13</sup> Petrosá tawáré eshkot ke  
gwashti: "Oo Petros! Pád á, bekosh o bwar."<sup>14</sup> Bale Petrosá passaw tarrént: "Na, oo Hodáwand!  
Man hechbar nápká o palitén warag nawártag."<sup>15</sup> Domi randá padá tawár átk o gwashti: "Hamá  
chiz ke Hodáyá pák zántagant, taw áyán sell o nápká mazán."<sup>16</sup> Say randá hamé dhawlá but o  
padá parzónag zut ásmáná barag but.

<sup>17</sup> Petros hayrán at ke bárén é elhámay máná o maksad chi ent? Hamé wahdá, Korniliusay ráh  
dátagén mardomán Shamunay lógh shóház kortagat o átkag o lógay darwázagay dapá rasetagatant.<sup>18</sup> Áyán gwánk<sup>n</sup> jat o jost kort: "Edá Shamun námén mehmáné hast ke Petros ham gwashanti?"<sup>19</sup> Petros taningah wati distagén elhámay bárawá pegr kanagá at ke Hodáy Ruhá gón áiá gwasht:  
"Bechár, say mardom átkag o tai jostá ant."<sup>20</sup> Pád á, jahlá ér kap o pa deljami áyáni hamráhiá  
beraw, chiá ke á, man rawán dáttagant.<sup>21</sup> Petros ér kapt o gón áyán gwashti: "Á ke shomá áiay  
jostá ét, man án. Shomá chiá átkagé?"<sup>22</sup> Áyán passaw dát: "Má pawji apsar Korniliusay kásed  
én. Á pahrézkár o Hodátorsén mardomé o sajjahén Yahudi áiay washnámi o böhériay mannóger  
ant. Hodáy yak pákén préshtagéá gón áiá gwashtag ke pa tai habaráni gósh dáragá tará wati lóga  
belóthit."<sup>23</sup> Petrosá á mardom lóga áwort o mehmán kortant. Domi róchá, áyáni hamráh but o  
shot. Cha Yápáyá lahtén watbrátén báwarmand ham gón áyán gón kapt o shotant.

### Petros o Kornilius

<sup>24</sup> É dega róchá, Petros o áiay hamráh Kaysariahay rasetant. Kornilius áyáni rahchár o wadárig  
at o wati lahtén syád o nazzikén sangati ham lóthettagat.<sup>25</sup> Wahdé Petros áiay lóga átk o raset,  
Korniliusá wasshátk kort o sojdah kanán áiay pádán kapt.<sup>26</sup> Petrosá óshtárént o gwashti: "Pád á,  
man ham tai dhawlá ensáné án."<sup>27</sup> Gón áiá habar kanán, Petros lóga shot. Disti ke bázén mardomé

<sup>h9:43</sup> Póst rajók, bezán hamá ant ke cha dalwatáni póstá mashk o é dega chiz jórha kanant.

<sup>i10:2</sup> Kahól, bezán hánwár, hánwádah (yak lógeáy nánwár).

<sup>j10:2</sup> Hodátors, bezán darkawmén Yahudi báwarmand.

<sup>k10:3</sup> Asligén Yunáni nebeshtánka gwashit: "róchay nohomi sáhat".

<sup>l10:9</sup> Asligén Yunáni nebeshtánka gwashit: "róchay shashomi sáhat".

<sup>m10:11</sup> Lamb, bezán dámon, kerr.

<sup>n10:18</sup> Gwánk, bezán borzén tawár.

chakká kapt. Sarzór but o á jándará o thappi, cha á lógá tatkant.<sup>17</sup> Cha é hálay eshkonagá,  
Epesosay shahray sajjahén mardomán, Yahudi o Yunáni doénán, báz torset o Hodáwandén Issáy  
námesh satá o saná kort.<sup>18</sup> Bázéné ke báwarmand but, mardománi démá wati pésarigén sellén  
káresh mannetant.<sup>19</sup> Lahténá ke pésará jádugari kortagat, wati jádugari ketáb o daptar áwort o  
mardománi démá sótkant. Wahdé sótkagén ketábáni kimmatay hesábesz kasshet, zánag but ke  
panjáh hazár derhamay<sup>n</sup> ketáb butagatant.<sup>20</sup> É dhawlá, Hodáwanday habar gón géshterén zór o  
wálké sheng o tálána but.

### Epesosay shahray shóresh

<sup>21</sup> Cha é káráni sarjamiá rand, Pulosá wati delá shawr kort Makduniah o Akáyahay damagán  
gwazán, Urshalimá berawt. Gwashti: "Cha óday rawagá rand, maná allam, Rumay shahr ham  
gendagi ent."<sup>22</sup> Áiá cha wati komakkárán do mardom, Timutáus o Erastus Makduniahá rawán  
kortant o wat kammé wahd géshter Ásiáy damagá mahtal but.<sup>23</sup> Hamá wahdá Epesosay shahrá "É  
Ráhay" bárawá mazanén shóreshé chest but.<sup>24</sup> Shóresh é dhawlá but ke Epesosay shahrá Dimitrius  
námén zargaré hastat ke áiá Ártemisay<sup>o</sup> zyáratjáhay nograhén dottoka jórhént o bahá kort. Cha é  
kárá, shahray honarmandán bázén zarr o málé katthet.<sup>25</sup> Áiá, shahray sajjahén honarmand o é  
péshahay mardom lóthet o mocch kortant. Gón áyán gwashti: "Oo wájahán! Anchosh ke shomá  
zánét, é kár may hastómandiy sarchammag<sup>p</sup> ent.<sup>26</sup> Bale shomá wat eshkotag o distag, é mardá,  
Pulosá, na tahná Epesosay, kamm o géshter sajjahén Ásiáy damagay bázén mardomé gomráh kortag  
o gwashit ke may dastáni addh kortagén Hodá, pa hech dábá Hodá naant.<sup>27</sup> Nun tors tahná é  
naent ke pa mardomán may kár kamsharapa bit, tors esh ent ke may mazanén Hodá Ártemisay  
zyáratjáhay mazani gára bit o á, ke Ásiáy damag o sajjahén donyá áiá parastesha kant, wati shán o  
shawkatá báhénit."<sup>q</sup>

<sup>28</sup> Wahdé mocchiay mardomán é habar eshkotant, sakk zahr geptant o pa kukkan gwashtesh:  
"Epesosay hodá, Ártemis mazan ent."<sup>29</sup> É paymá sajjahén shahrá shóresh chest but. Mardománi  
mochi, kukkan kanán shahray maydánjáhá<sup>r</sup> shot. Áyán Pulosay do hamráh ke áyáni nám Gáyus  
o Aristarkás at o Makduniahay mardom atant, gept, kasshákán kort o gón wat bortant.<sup>30</sup> Pulosá  
mocchiay tahá rawag lóthet bale áiay shágerdán naesht.<sup>31</sup> Tantaná Ásiáy damagay lahtén masterá  
ham, ke Pulosay dóst atant, pa áiá kolaw ráh dát o dazbandi kort ke shahray maydánjáhá marawt.<sup>32</sup> Ódá báz shór o árhahór at, harkasá yak chizé gwasht. Bázéná é habar ham nazánt ke á chíá edá  
átkag o mocch butagant.<sup>33</sup> Yahudián, Eskandar námén mardé démá kort o cha mocchiá harkasá  
áiárá hokmé dát. Dasti shahár dát ke chopp o bétawár bebant, tán mardománi démá gón wati  
habarán Yahudián démpániá bekant.<sup>34</sup> Bale wahdé mocchiay mardomán zánt ke á Yahudié,  
gorhá padá hamgotth o hamtawár butant o tán kesás do sáhatá ják o kukkáresh kort o gwashtesh:  
"Epesosay hodá, Ártemis mazan ent."

<sup>35</sup> Gorhá, shahray monshiá mocchi árám kort o gwasht: "Oo Epesosay mardomán! Sajjahén  
donyáy mardoma zánant ke Epesosay shahr, mazanén hodá Ártemisay zyáratjáhay negahpán ent,  
ke áiay naksh cha ásmáná é átkag.<sup>36</sup> Nun ke harkasá é habará mannit,<sup>s</sup> shomá árám bebéti o pa  
eshtápi hech káré makanét.<sup>37</sup> É doén mardom ke shomá geptag o edá áwortagant, eshán na cha  
zyáratjáhá chizé poletag o na may bánonkén hodáesh béscharap kortag.<sup>38</sup> Agan Dimitrius o áiay  
honarmandán gón kaséá jérhahé hast, hakdiwánay darwázag pach ent o wáli ham har wahdá  
hastent, berawant o wati jérhahá pésht bekanant.<sup>39</sup> Agan dega habaré hast, báyad áiá shahray  
sarkári diwáná byárant tánke gisshénag bebit.<sup>40</sup> Cha maróchigén sargwastá, tors esh ent may sará  
shóreshgariay bohtámá<sup>t</sup> bejanant. Agan chosh bebit, márá pa maróchigén shóreshá hech passawé  
nést."<sup>41</sup> Áiá é habar kortant o mocchii prósh.

<sup>n19:19</sup> Yak derham kamm o géshter róchay mozz at.

<sup>o19:24</sup> Ártemis cha Yunániáni bánonkén hodáyán yakké at. Yunániáni botén hodá, janén ham butagant o mardén ham.

<sup>p19:25</sup> Hastómandiy sarchammag, bezán sarwatmandiy bonyád.

<sup>q19:27</sup> Báhénag, bezán gár dayag, cha dast dayag.

<sup>r19:29</sup> Asligén Yunáni nebeshtánka gwashit: "tyáter", bezán tamásháay jágah.

<sup>s19:36</sup> Asligén Yunáni nebeshtánka gwashit: "Nun ke hechkas é habaray namannók naent...".

<sup>t19:40</sup> Bohtám, bezán malámat, tohmat.

swár bayagá pésar, áiá wati mud chet o gwandh kortant, chiá á kawl ke áiá pa Hodáay námá kortagat, nun wahdi gwastagat.<sup>i</sup><sup>19</sup> Wahdé Epesosay bandená rasetant, Pulosá wati hamrál Priskilá o Akwilá yalah dátant o wat kanisahá shot o gón Yahudián gapp o tráni kort.<sup>20</sup> Áyán dazbandi kort géshterén wahdé bezallit, bale Pulosá namannet.<sup>21</sup> Cha áyán roksati gept o gwashti: “Agan Hodáay razá bebit, dega baré shomay kerrá káyán.” Gorhá bójigéá nesht o cha Epesosá dar átk.<sup>22</sup> Mán Kaysariahá ér átk o Urshalimá shot o cha óday keliáay gend o nendá rand, padá Antákiahá shot.

## Pulosay saymi mestági sapar

### Apulos

<sup>23</sup> Pulos Antákiahá kammé wahdá mahtal but o padá cha ódá dar átk o Galátiah o Prijiahá tarr o táb kanán, gón moridán gend o nendia kort o áyáni setk o báwari mohr o rédag kanána kort.<sup>24</sup> Hamá wahdá Apulos námén yak Yahudié Epesosay shahrá átk ke Eskandariahá pédá butagat, wánendah o habarzánté at o Pákén Ketábán sharr balad at.<sup>25</sup> Áiá Hodáwanday ráhay bárawá tálím geptagat o mardomán gón hobb o hodónáki,<sup>j</sup> sharriay sará Issáy bárawá sar o sój dayágá at, bale áiay zánt, Yahyáay pákhódiy bárawá at o bass.<sup>26</sup> Áiá pa deléri kanisahá wati habaráni darshán bongéj kort. Wahdé Priskilá o Akwiláyá áiay habar eshkotant, wati lógá bortesh o Hodáay ráhesh sharriay sará sój dát.<sup>27</sup> Apulosá ke Akáyahay rawagay shawr kort, gorhá Epesosay shahray brátán delbaddhi dát o pa óday mordánesh nebesht ke áiá pa delgarmi wasshátk bekanant. Wahdá Apulos ódá raset, óday hamá mardomi báz komak kortant ke cha Hodáay rahmat o barkatá imáñesh áwortagat,<sup>28</sup> chiá ke áiá sajjahénáni démá gón Yahudián gapp o trána kort o áyáni báwarík gón mohréñ daliláná prósh. É dhawlá, cha Pákén Ketábáni nebeshtánkán péshia dásht ke Issá, hamá Masih ent.

### Pulos, Epesosay shahrá

**19**<sup>1</sup> Hamá zamánagá ke Apulos Korentá at, Pulos ham cha molkay nyámi hand o damagán gwazán, Epesosay shahrá átk o raset. Ódá lahtén moridi dist.<sup>2</sup> Cha áyán josti gept: “Wahdé shomá Issá Masihay sará báwar kort, Pákén Ruh shomárá raset?” Passawesh dát: “Na, má é ham naeshkotag ke Pákén Ruh hastent.”<sup>3</sup> Gwashti: “Gorhá shomá chónén pákhódié kortag?” Passaw dátesh: “Yahyáay pákhódi.”<sup>4</sup> Gwashti: “Yahyáay pákhódi, gonáháni paschómániy pákhódi at. Yahyáay wat gón mardomán gwashtagat: ‘Hamá kasé ke cha man o randa kayt, bezán Issá, shomá hamáyay sará báwar kanét.’”<sup>5</sup> Cha é habaray eshkonagá rand, áyán Hodáwandén Issáy námá pákhódi kort.<sup>6</sup> Pulosá wati dast áyáni baddhá jat o Pákén Ruh áyáni delá potert, nun á nökén zobánán habar kanagá laggetant o paygambariesha kort.<sup>7</sup> Á, kesás dwádzah mardom atant.

<sup>8</sup> Pulos tán say máhá kanisahá shot o átk o bé tors o bimmá Hodáay bádhsháhiy bárawá gón mohréñ dalilán habar o tránia kort.<sup>9</sup> Bale cha áyán lahtén sarkash o yági but o áiay habaresh nazort o mardománi démá “É Ráhesh” bad o rada gwasht. Paméshká Pulosá watá cha áyán yak kerrá dásht. Moridi zortant o har róch mán Tiránu námén mardéy tálárá<sup>1</sup> gapp o tráná at.<sup>10</sup> Tán do sálá hamé kári kort o é dhawlá pa Ásiáy damagay sajjahén mardomán, Yahudi o Yunánián ham, Hodáwanday habar rasénag but.<sup>11</sup> Hodáyá cha Pulosay dastá ajabén mójezah pésha dásht.<sup>12</sup> Har dazmál o godé ke áiá belaggetén o pa nádráhánes per bemoshtén, á wassh o dráha butant o jennán, ganók yalahá kortant.

<sup>13</sup> Yahudi sáheráni yak thóliéá shahr pa shahr tarr o garda kort. Pa chakkásá, jenniáni sará Hodáwandén Issáy námesha gept o gwashtesh: “Man shomárá hamá Issáy námá hokma dayán, ke Pulos áiay bárawá gwájáragá<sup>m</sup> ent.”<sup>14</sup> Yahudiáni yak mazanén dini péshwáé ke námi Eskiwá at, áiay hapt bachakán é kára kort.<sup>15</sup> Palítén ruhá á passaw dátant o gwashti: “Issáyá mana zánán, Pulosá ham pajjáha kárán, bale shomá kay ét?”<sup>16</sup> Hamé mardá ke jenn per at, koppi kort o áyáni

<sup>i</sup><sup>18:18</sup> Kawl esh at ke tán wahdá Pulos wati sajjahén wahdá pa Hodáyá nadra kant, saray mudána nachent o sharáb ham nawárt. Nun é wahd gwastagat.

<sup>j</sup><sup>18:25</sup> Hodónák, bezán wáhgdár, lóthók, delmánag.

<sup>k</sup><sup>18:28</sup> Áyáni hamá pésarígen Yahudi báwar ke namannit Issá, Masih ent.

<sup>l</sup><sup>19:9</sup> Tálár, bezán pa gapp o trán o gwashtánká mazanén diwánjháé.

<sup>m</sup><sup>19:13</sup> Gwájárag, bezán tablig kanag.

mocch butagat.<sup>28</sup> Gón áyán gwashti: “Shomá zánét ke pa Yahudián, gón darkawmán hór o yakjáh bayag rawá naent o áyáni lögán ham narawant. Bale Hodáwandá maná pésh dásht ke hechkaséá nápák o palit mazánán o malékán.<sup>29</sup> Paméshká wahdé taw maná lóthet, man bé chakk o pad átkán. Nun begwash taw maná chiá lóthetag?”<sup>30</sup> Korniliusá passaw dát: “Chár rócha bit ke hamé wahdá sáhat sayá,<sup>o</sup> wati lögá zegr o dwá kanagá atán, anágat yak mardé ke drapshnákén póséháki gwará at, mani démá átk o<sup>31</sup> gwashti: “Kornilius! Tai dwá o hayrát yátmánén sawgáte ke Hodáay bárgáhá yát kanaga bit.”<sup>32</sup> Nun wati mardomán dém pa Yápáyá rawán kan o hamá Shamuná beloth o byár ke Petros ham gwashanti. Á, póst rajókén Shamunay mehmán ent ke lógi tayábay nazziká ent.<sup>33</sup> Man hamá damáná pa tai lóthagá wati kásed ráh dátant, tai mennat sar o chammán ke taw átkay. Nun má sajjahén Hodáay diwánhá hór neshtag o wadárig én tán Hodáwanday á sajjahén habarán beshkonén ke tará pa may gwashagá hokmi dáttag.”

### Petrosay trán

<sup>34</sup> Petrosá trán kort o gwasht: “Man nun pa deljami sarpad butagán ke Hodá pa kasséá ru o ryá<sup>p</sup> nakant.<sup>35</sup> Kasé ke áiay delá Hodátorsi bebit o pa tachki o rásti kár bekant, Hodáay bárgáh pa áiá pach ent, toré cha har kawméá bebit.<sup>36</sup> Shomá zánét ke Hodáyá pa Bani Esräilián wati kolaw ráh dát o cha Issá Masihay ráhá, ke sajjahénáni Hodáwand ent, sohl o émeniay mestág dát.<sup>37</sup> Chosh ham zánét é kár chónaká cha Yahyáay jár jatagén pákhódiá rand, Jalilá bongéj but o sajjahén Yahudiahá rawáj gept.<sup>38</sup> É kár hamesh at ke Hodáyá gón wati Pákén Ruh o zórá, Issá Náseriy sará rógen per mosht.<sup>q</sup> É dhawlá á, har jáh ke shot, gón wati nékén kárán, sajjahén á mardom ke Shaytánay bandig atant dráhia kortant, chiá ke Hodá gón áiá gón at.<sup>39</sup> Má, é sajjahén kárán sháhed én ke áiá Urshalimay shahrá o Yahudiahay damagá kortant. Bale salibesh kasshet o koshtesh.<sup>40</sup> Hodáyá saymi róchá, á zendaq o záher kort,<sup>41</sup> bale pa sajjahén mardomán na, pa hamá sháhedán ke áiá wat cha péshá gechén kortagatant, bezán pa má ke Issáy jáh janagá rand, gón áiá hór wárt o noshet.<sup>42</sup> Áiá hokm kort ke má é mestágá pa mardomán jár bejanén o gwáhi bedayén ke á Hodáay gechén kortagén ent tán zendaq o mordagáni kázi bebit.<sup>43</sup> Sajjahén paygambar, Issáy bárawá gwáhia dayant, harkas áiay sará imán byárit, gonáhi áiay námá bakshaga bant.”

### Pákén Ruh darkawmán ham rasit

<sup>44</sup> Petros angat habará at, Pákén Ruh, hamá mardománi sará ér átk ke áiay habarán gósh dáragá atant.<sup>45</sup> Petrosay hamráhiá átkagén báwarmandén Yahudi<sup>r</sup> hayránt butant ke Hodáyá Pákén Ruh, pa darkawmán ham tohpah o théki dayag but.<sup>46</sup> Chiá ke Yahudián eshkot á, dega zobánán<sup>s</sup> habar kanagá ant o Hodáy sepat o sanáyá ant. Gorhá Petrosá gwasht:<sup>47</sup> “Nun ke é mardomán may dhawlá Pákén Ruh rasetag, kasé hast ke eshán cha ápay pákhódiá makan bekant?”<sup>48</sup> Gorhá hokmí kort ke Issá Masihay námá pákhódi dayag bebant. Randá áyán, cha Petrosá dazbandi kort tán lahtén róchá áyáni gwará bejallit.<sup>t</sup>

### Petrosay bayán o hálrásáni

**11**<sup>1</sup> Sajjahén Yahudiahá, kásed o báwarmandén brátán eshkot ke darkawmén mardomán ham Hodáy habar mannetag.<sup>2</sup> Wahdé Petros per tarret o Urshalimá átk, Yahudián<sup>u</sup> áiay sará é iráz gept ke: <sup>3</sup>“Taw sonnat nakortagén darkawmáni gwará shotagay o gón áyán yakkén parzónagay sará warag wártag.”

<sup>4</sup> Gorhá Petrosá sajjahén sargwast hamá dábá ke butagat pa red o band, bayán kort o gwashti:

<sup>5</sup> “Man Yápáyá shahrá dwá kanagá atán, maná shobénag but o gón elhámé diston ke cha ásmáná mazanén parzónagpaymén chizé cha har chárén lambán ér áyáná dém pa man pédák ent.<sup>6</sup> Wahdé

<sup>o</sup><sup>10:30</sup> Asligén Yunáni nebeshtánka gwashit: “róchay nohomi sáhat”.

<sup>p</sup><sup>10:34</sup> Ru o ryá, bezán park o dark, Arabi o Pársiá “tab’iz”.

<sup>q</sup><sup>10:38</sup> Rógen per moshat, bezán pa bádhsháhiá gechén kanag.

<sup>r</sup><sup>10:45</sup> Asligén Yunáni nebeshtánka gwashit: “sonnat kortagén báwarmand”.

<sup>s</sup><sup>10:46</sup> “Dega zobánán” maksad hamá zobán ant ke mardománi watig naant o cha Pákén Ruhay elhámá hamá zobánán habara kanant.

<sup>t</sup><sup>10:48</sup> Jallag, bezán dárag, óshtag, mánanag.

<sup>u</sup><sup>11:2</sup> Asligén Yunáni nebeshtánka gwashit: “sonnat kortagén”, bezán Yahudi mardom.

man pa delgóshi áiay némagá cháret, diston ke eshiay sará chárpadén dalwat,<sup>v</sup> wahshén haywán, már o gój o báli morg ant.<sup>7</sup> Man tawáré eshkot ke gwashti: ‘Oo Petros! Pád á, bekosh o bwar.’<sup>8</sup> Bale passaw dáton: ‘Na, oo Hodáwand! Nápák o palitén warag hechbar mani dapá nashotag.’<sup>9</sup> Domi randá cha ásmáná tawáré átk o gwashti: ‘Hamá chiz ke Hodáyá pák zántagant, taw áyán sell o nápák mazán.’<sup>10</sup> Say randá hamé dhawlá but o padá á sajjahén chiz ásmáná barag butant.

<sup>11</sup> ‘Hamá wahdá, say mardom ke cha Kaysariahá pa man ráh dayag butagat, hamá lógay dapá rasetagatant ke má mehmán atén.<sup>12</sup> Hodáy Ruhá maná gwasht ke man pa deljami gón áyán berawán. É shashén brát ham mani hamráhiá átkant. Má sajjahén Korniliusay lógá shotén.<sup>13</sup> Áiá mará hál dát ke che paymá préshtagé wati lógá distagi. Préshtagá gwashtag: ‘Wati mardomán Yápáyá rawán kan o Shamuná belóth o byár ke Petros ham gwashanti.<sup>14</sup> Áiá pa taw anchén mestágé gón ent, ke cha é mestágá taw o tai sajjahén kahól pahell kanag o rakkénaga bét.’

<sup>15</sup> Wahdé man wati trán bongéj kort, Pákén Ruh áyáni sará ér átk, anchosh ke may sará awali bará ér átkagat.<sup>16</sup> Á wahdá man Hodáwanday hamá habaráni hayál o trádagá kaptán ke gwashtagati: ‘Yahyáyá mardom gón ápá pákhodi dáttagant, bale shomá cha Hodáy Pákén Ruhá pákhodi dayaga bét.’<sup>17</sup> Paméshká, agan hamá dád o bakshesh ke cha Hodáwandén Issá Masihay saray báwarmandiá mará dayag butagat, Hodáyá áyáná ham dáttag, gorhá man kay atán ke Hodáy káráni démá bóshtáténán.’

<sup>18</sup> É habaráni eshkonagá rand, á bétawár butant, Hodáesh satá o saná kort o gwashtesh: ‘Rást ent ke Hodáyá darkawm ham, pashómániay móh dáttagant ke cha wati gonáhán per betarrant o abadmánén zendá berasant.’

### Antákiahay kelisá

<sup>19</sup> Hamá báwarmand ke cha Estipánay wahd o bárigay ázárán, sheng o sháng butagatant sáti o sapar kanán, Pinikiah, Kebres o Antákiahay sardhágárán rasetant, Hodáy habaráni mestágá tahná gón Yahudián gwashagá atant.<sup>20</sup> Bale cha áyán lahténá, ke Kebres o Keriniay mardom atant, Antákiahá átk o é wasshén mestágésh Hodáwandén Issáyá bárawá pa Yunánián ham sar kort.<sup>21</sup> Hodáwanday dast gón áyán gón at, paméshká bázéné báwarmand but o cha wati kár o ráhán, dém pa Hodáwandá átk.<sup>22</sup> Urshalimay kelisáyá, é hál raset o áyán Bárnábá Antákiahá rawán dát.<sup>23</sup> Wahdé á ódá raset o Hodáy rahmati dist, gal but o mardomi delbaddhi dáttagant ke pa del Hodáwanday wapádár o mannók bebant.<sup>24</sup> Bárnábá sharrén mardé at o cha imán o Pákén Ruhá sarréch at. É dábá, dega bázén mardomé Hodáwanday ráhá hawár but.

<sup>25</sup> Bárnábá, Sháulay shoházá Tarsusá shot.<sup>26</sup> Wahdé Sháuli dar gétk, gón wat Antákiahá borti. Ódá é doén, tán sáléá gón kelisáy báwarmandán hór butant o bázén mardomé dars o sabakesha dát. É Antákiahay shahr at ke awali randá morid, ‘Masihi’ gwashag butant.

<sup>27</sup> Hamá róchán, lahtén nabi cha Urshalimá Antákiahá átk.<sup>28</sup> Cha áyán yakkéá, ke námí Ágábus at, cha Hodáy Ruhay elhámá pád átk, péshgoi kort o gwashti: ‘Rumay sarjamén molká<sup>w</sup> mazanén dhokkálé kapit.’ É dhokkál, Kaysar Klawdiusay bádháhiay dawr o bárigá but.<sup>29</sup> Gorhá moridán shawr kort harkas wati was o twáná, pa Yahudiahay nendökén báwarmandén brátáni komaká, chizé ráh bedant.<sup>30</sup> Áyán hamé dhawlá kort o é théki, Bárnábá o Sháulá pa kelisáy kamáshán rasént.

### Petrosay ázáti

**12**<sup>1</sup> Hamé róchán, bádháh Hirudisá pa kelisáy ázár rasénagá, lahtén mardomay gerag o band kanag bongéj kort.<sup>2</sup> Áiá Yuhannáy brát Ákub gept o zahmkósh kort.<sup>3</sup> Wahdé disti ke Yahudi cha é kárá wassh ant, gorhá Petrosi ham dazgir kort. É kár, Béhomirén Nánay Aiday róchán but.<sup>4</sup> Dazgir kanagá rand, áiá Petros jél kort. Chár chár sepháhigay chár thóli, bárig bárigá áiay sará páspláni kanagá at. Hirudisay delá at ke Sargwazay Aidá rand, áiá kawmay démá kárit o pésha kant.<sup>x</sup> Petros angat jélá bandig at o kelisáy gón bázén delsetkié pa áiá Hodáy bárgáhá dwá kanagá at.

<sup>6</sup> Cha á róchá ke Hirudisá Petros hakdiwáná baragi o mayárig kanagi at yak shapé pésar, á gón do zamzilá bastagat o do sepáhigay nyámá waptagat. Jélay darwázagay dapá ham negahpánén

<sup>v</sup>11:6 Dalwat, bezán haywán.

<sup>w</sup>11:28 Asligén Yunáni nebeshtánka gwashit: ‘sajjahén jahán’.

<sup>x</sup>12:4 Béhomirén nánay aid o Sargwazay aid nazzik ant. Béhomirén nánay aid, Sargwazay aidá rand hapt róchay tahá geraga bit.

jonzag<sup>f</sup> o harkat o hasti cha hamáiá ent.’ Anchosh ke cha shomay jenday sháerán lahténá gwashtag: ‘Má ham áiay poshtpad én.<sup>29</sup> Agan má Hodáy poshtpad én, gorhá nabáyad ent má Hodáyá gón sohr, nograh o sengá addh kortagén botán hamdarwar bekanén ke mardomán gón wati hayál o honará jórhéntagant.<sup>30</sup> Hodá, cha ensáy pésarigén zamángáni é názántiá sar gwastag, bale nun á har jághá harkasá parmán dayagá ent ke pashómán bebéti.<sup>31</sup> Chiá ke áiá yak róché gisshéntag ke á róchá donyáyá sajjahén mardománi kortagén kárán gón ensáp dádrasi o dáwaria kant o pa é maksadá yakké gechéní kortag. Hodáyá á paméshká cha mordagán zendag kort ke pa harkasá é habaray rásti pakká bebit.’

<sup>32</sup> Wahdé áyán Pulosay é habar eshkot ke Hodá mordagán padá zendaga kant, lahténá áiay sará malandh o maskará kort, bale dega lahténá gwasht: ‘É bárawá dega baré márá géshter sarpad kan.’<sup>33</sup> Gorhá Pulos, cha diwáná dar átk.<sup>34</sup> Lahtén mardomá áiay habar mannet o Issáy sará báwarmand but. Cha báwar kanókán yakké, Ariupágusay diwánay báské at ke áiay nám Diunisius at o yak janéné ke námí Dámáris at o gón áyán dega lahtén ham gón at.

### Pulos, Korentay shahrá

**18**<sup>1</sup> Randá, Pulos cha Átenay shahrá dar átk o Korentay shahrá shot.<sup>2</sup> Ódá gón Akwilá námén yak Yahudiéá dochár kapt<sup>g</sup> ke Pontusay damagá pédá butagat o gón wati janén Priskiláyá cha Itáliáy molká Korentay shahrá noki átkagat. Chiá ke Rumay Kaysar Klawdiusá parmán dáttagat ke sajjahén Yahudi cha Rumay shahrá dar bekant. Pulos áyáni lógá shot.<sup>3</sup> Akwilá o Priskilá ham Pulosay dhawlá gedándóch atant. Paméshká Pulos hamáyáni kerrá mant o gón áyán hamkár but.<sup>4</sup> Har Shabbatay róchá, Pulosá kanisahá gón Yahudi o Yunánián gapp o trána kort o áyáni báwarmand kanagay johdá at.

<sup>5</sup> Wahdé Silás o Timutáus cha Makduniahá átk o gón Pulosá hór butant, á Hodáy habaráni sheng o tálán kanagá dazgatth o goláesh at. Áiá pa Yahudián paddara kort o gwasht: ‘Issá hamá Masih ent.’<sup>6</sup> Wahdé Yahudián Pulosay habar namannet o áesh bad o rad gwasht, Pulosá wati gwaray kabáh dar kort o á shahray danz áyáni démá chandhetant o gwashti: ‘Man wati kár kortag. Nun shomay hón shomay wati gardená ent o man bémayár án. Cha ed o rand, Hodáy habará darkawmáni nyámá sheng o tálána kanán.’<sup>7</sup> Gorhá, cha áyáni kanisahá dar átk o Titius Yustus námén Hodátorsén mardéay lógá shot. Áiay lög, kanisahay kashá at.<sup>8</sup> Kanisahay masteray nám, Krispus at. Áiá gón wati lögá sajjahén mardomán, Hodáwandén Issáy sará báwar kort. Korentay shahray dega bázén mardom ham gón Pulosay habaráni eshkonagá, báwarmand butant o pákhodísh kort.

<sup>9</sup> Yak shapé, Hodáwandén Issá, Pulosay shobéná átk o gwashti: ‘Mators, mani mestágá sheng o tálán kanán kan. Bétawár mabay.<sup>10</sup> Hechkas tará dasta najant o tawán dátta nakant chiá ke man tai posht o panáh án. É shahrá mani báwarmand báz ant.’<sup>11</sup> Gorhá, tán yak sál o shash máhá hamódá dáshti o mardomi Hodáy habar sója dátant.

### Pulos, Galliuay hakdiwáná

<sup>12</sup> Á wahdá ke Galliu Akáyahay<sup>h</sup> damagay wáli at, Yahudi mocch butant o Pulosay sará orosh o hamlahesh bort, gept o hakdiwánay démá pésheh kort.<sup>13</sup> Gwashtesh: ‘É mard, cha Mussáy Sharyatay ráhá dhann, mardomán Hodáy parastesh kanagá hojja kant.’<sup>14</sup> Wahdé Pulosá habar kanagi at, Galliuá dém gón Yahudián kort o gwashti: ‘Oo Yahudián! Agan é mardá mayáré yá mazanén radén káré bekortén, man shomay habar gósh dáshtagat.<sup>15</sup> Bale shomay jérhah, labz o nám o shomay Yahudi Sharyatay bárawá ent, paméshká shomá bezánét o shomay kár. Man é káráni tahá pád mána nakanán.’<sup>16</sup> Áiá mardom cha hakdiwáná dhanná dar kortant.<sup>17</sup> Gorhá, áyán kanisahay nökén master Sustines gept o hakdiwánay démá latth o kotth kort. Bale Galliuá eshiay sará hech delgósh nadát.

### Pulos, Antákiahá pera tarrit

<sup>18</sup> Pulosá Korentay shahrá angat bázén róché gwázént o randá bráti roksat kortant, bójigá nesht o Suriahá ráhi but. Priskilá o Akwilá áiay hamráh atant. Cha Kenkriahay bandená bójigá

<sup>f</sup>17:28 Jonzag, bezán sáhdáráni sor o por o harkat ent.

<sup>g</sup>18:2 Dochár kapag, bezán dhikk warag, yakdegará gendag.

<sup>h</sup>18:12 Akáyahá, annugén Yunáni jonubi bahrá ent. Á wahdá Rumay damagé at o bonjáhi Korent at.

dalilán paddar kort ke Masih báyad ent sakki o sóri besaggit, bemerit o padá cha mordagán jáh bezant. Gwashágá at: "É Issá ke áiay bárawá man shomárá sahig kanagá án, é hamá Masih ent." <sup>4</sup> Cha Yahudián lahtén, anchosh ham cha á Hodátorsén Yunánián o dega mazanén rombé cha námdárén janénán, é habar pa del mannetant o Pulos o Silásay hamrál butant. <sup>5</sup> Bale Yahudián gón Pulos o Silásay hasadd kort. Cha bázará lahtén lát o lóparén mardom mocch kort, rombé jórhént o shahray tahá shóreshesh kort. Áyán, Pulos o Silásay shóház o mardománi mocchiay démá áragá, Yásunay lógay sará orosh bort. <sup>6</sup> Bale wahdé nadistantesh, Yásun o dega lahtén báwarmandén brátesh gept o gerrán kanán shahray masteráni jergahá pésch kortant. A pa kukkan gwashágá atant ke: "É mardomán, donyá pa sar zortag o nun edá átkagant. <sup>7</sup> Yásuná ham wati lóga bortagant. Rumay Kaysaray náparmániá kanant o gwashant dega bádhsháh hast ke námi Issá ent." <sup>8</sup> Cha é habaráni eshkonagá, mardom o shahray masterán torset o deltaparkah butant. <sup>9</sup> Cha Yásun o áiay hamrálhán mánzamánesh<sup>b</sup> gept o yalahesh dátant.

### Pulos o Silás, Biriahay shahrá

<sup>10</sup> Anchosh ke shap but, brátán Pulos o Silás Biriahay shahrá ráh dátant. Óday rasagá, Yahudiáni kanisahá shotant. <sup>11</sup> É shahray Yahudi cha Tesálunikiay shahray Yahudián wáhagdár<sup>c</sup> atant. Áyán, pa hobb o hodók Hodáay habar mannet o har róch Pákén Ketábesha wántant o patth o pólesha kort tán bezánant bárén Pulosay habar rást ant yá na? <sup>12</sup> Cha áyán bázéná báwar kort o dega bázén námdárén Yunáni mardén o janéné ham báwarmand but. <sup>13</sup> Wahdé Tesálunikiay Yahudi sahig butant ke Pulos Biriahay shahrá Hodáay habará sheng o tálán kanagá ent, hamódá shotant, mardomesh shórént o shahrá áshópesh pád kort. <sup>14</sup> Gorhá, brátán eshtápi Pulos tayábá bort o rasént, bale Silás o Timutáusá Biriahá dásht. <sup>15</sup> Pulosay hamrálhén roksat kanók, gón áiá tán Átenay shahrá átkant. Cha Pulosá é parmánesh gept ke Silás o Timutáus watá zut áiay kerrá berasénant, nun per tarretant.

### Pulos, Átenay shahrá

<sup>16</sup> Wahdé Pulos, Átenay shahrá pa Silás o Timutáusay áyágá wadárig o rahchár at, áiá dist ke shahr cha botán porr ent. Báz gamig o delranj but. <sup>17</sup> Paméshká kanisahá shot o gón Yahudi o darkawmén Hodátorsén mardomán gend o nendia kort. Bázáray chárráhay sará ham gón rahgwazén mardomán har róch gapp o tránia kort. <sup>18</sup> Ódá, lahtén Epikuri o Estuiki<sup>d</sup> pilsup gón áiá dapa kapt. Cha áyán, lahténá gwasht: "É puttár ché gwashágá ent?" Dega lahténá gwasht: "Gwashaygá, bigánagén hodáyáni járá perréngá ent." Áyán, paméshká é habar kort ke Pulos, Issá o mordagán jáh janagay wasshén mestágá tálán kanagá at. <sup>19</sup> Áyán Pulos, "Ariupágusá"<sup>e</sup> bort o gwashatesh: "Buta kant má bezánén é nökén tálim ke taw dayay, chi ent? <sup>20</sup> Tai habar may góshán ajab ant o má esháni mánayá zánaga lóthén." <sup>21</sup> Átenay molki o darmolki sajjahén mardomán, abéd cha é kárá dega káré néstat ke benendant o nökén hál o jáwaráni bárawá gapp o trán bekant o beshkonant.

<sup>22</sup> Nun Pulos, Ariupágusay diwánjhá óshtát o tráni kort: "Oo Átenay jahmenendán! Man gendagá án ke shomá báz dindóstén mardom ét. <sup>23</sup> Wahdé shahray sayl o sawádá dar kaptán, bázén bot o korbánjháhon distant, áyáni tahá yak anchén korbánjháhe ham diston ke ódá nebeshtagat: 'Pa hamá Hodáyá ke zánag nabutag.' Hamá Hodá ke shomá áiá angata nazánét bale áiá parastesha kanét, man hamá Hodáay bárawá gón shomá trána kanán. <sup>24</sup> Á Hodá hamá ent ke é donyá o eshiay tahay sajjahén chizi addh kortagant. Á wat, zemin o ásmánay Hodáwand ent, paméshká áiá mardománi dastay jór kortagén parasteshgáhán jághá nabit. <sup>25</sup> Á pa Ensánay hech chizá wázmand naent o hechkas pa áiá hezmaté korta nakant, chiá ke á wat har kasá zend o síha bakshit o ensánay é dega lóth o garazán ham sarjama kant. <sup>26</sup> Áiá donyáay sajjahén mardom cha yakkéá pédá kortag o sajjahén kawm o kothom donyáay chárén kondhán tálán kortagant. Áyáni dawr o bárig o hand o jágháni marz o simsari ham, pésará gisshéntagant, <sup>27</sup> tán mardom Hodáyá shóház bekant o balkén áiá dar begéjant, bale rásti esh ent ke á cha má hechkasá dur naent. <sup>28</sup> Chiá ke may zend,

<sup>b</sup>17:9 Mánzamán, bezán zamánat.

<sup>c</sup>17:11 Wáhagdár, bezán lóthók, delmánag, hodónák.

<sup>d</sup>17:18 Epikuriáni é báwar at ke donyáay maksad shádkámi o washtámi ent o Estuiki bezán Rawákiáni ráh, cha donyáay har paymén washtámiá pahréz kanag at.

<sup>e</sup>17:19 "Ariupágus" shahray mazanén sarókáni diwánjhá at.

sepáhig óshtáttagatant. <sup>7</sup> Yak anágat cha Hodáwanday némagá préshtagé átk o á kóthi rozhnág but. Préshtagá Petrosay kash o pahnát dast jat, cha wábá ágáh kort o gwashti: "Hayyá, pád á." Zamzil cha Petrosay dastán botk o kapta. <sup>8</sup> Préshtagá gwasht: "Lánká band o swásán pádá kan." Áiá anchosh kort. Préshtagá padá gwasht: "Wati kabáhá gwará kan o mani randá bay." <sup>9</sup> Petrosá préshtagay rand gept o dhanná dar átk, bale sari per nabut ke pa rásti anchosh bayagá ent, hayáli kort balkén shobéné. <sup>10</sup> Á doén cha awali o domi negahpániá gwastant o hamá mazanén áseni darwázagay dapá rasetant ke shahray némagá at. Darwázag watsará pach but o á dhanná dar átkant. Cha yak damkéá o rand, préshtagá á yalah dát. <sup>11</sup> Wahdé Petrosá hósh kort, gwashti: "Nun man pa dela zánán ke Hodáwandá wati préshtag ráh dáttag o maná cha Hirudisay dastá o cha hamá bad o baláhán rakkéntag ke Yahudi áyáni wadárig o rahchár atant."

<sup>12</sup> Cha é sarpadíá rand, Petros Maryamay lóga shot. Maryam hamá Yuhanáy mát at ke Markásay námá ham zánaga bit. Ódá bázén mardomé pa dwá kanagá mocch at. <sup>13</sup> Petrosá lógay darwázag thokket, Ródá námén móledé pa darwázagay pach kanagá dar átk. <sup>14</sup> Áiá Petrosay tawár pajjáh áwort o cha galá, bé darwázagay pach kanagá, tacháná lóga per tarret o háli dátant: "Petros dhanná óshtátag." <sup>15</sup> Áyán gón Ródáyá gwasht: "Taw ganók butagay." Bale á wati gappay sará óshtátagat o gwashagá at ke: "Á pa del Petros ent." Gorhá áyáni gwasht: "Zalur áiay préshtag ent." <sup>y</sup> <sup>16</sup> Petros darwázagá thokkagá at. Áyán darwázag pach kort o gón Petrosay gendagá, hayrán o habakkah mantant. <sup>17</sup> Petrosá gón dastay eshárahá bétawár kortant o hál dátant ke Hodáwandá á, cha jelá chón ázát kortag. Gón áyán gwashti: "Ákub o é dega brátán cha é hálá sahig bekanét." Randá cha ódá dar átk o dega jágahéa shot.

<sup>18</sup> Sabáhay sará, sepáhigáni nyáma shór o walwalahé mán kapt ke: "Bárén, Petrosá ché but?"

<sup>19</sup> Hirudisá shóház kanént, bale wahdé Petros dastá nakapt, cha sepáhigán jost o pors kanagá rand, áyáni koshagay hokmi dát. Gorhá Hirudisá Yahudiah yalah dát o Kaysariahá shot o hamódá mant.

### Hirudisay mark

<sup>20</sup> Hirudis gón Sur o Saydunay mardomán zahr o nárazá at, bale óday lahtén kamáshá pa áiay diwánjháhay rawagá ejázat lóthet. Bádhsháhay, Blástus námén dast o dapi hezmatkáresh gón wat hamshawr kort o cha Hirudisá sohl o saláh kanagay mennatwár butant. Chiá ke áyáni sardhágáray ward o warák, cha Hirudis bádhsháhay molkay némagá átk. <sup>21</sup> Gorhá pa áyáni gend o nendá yak róché gisshéenag but. Á róchá, Hirudis gón sháhi póságán, bádhsháhi tahtay sará nesht o mardománi démá tráni kort. <sup>22</sup> Wahdé áiay habar halás butant, mardomán kukkan kanána gwasht: "É ensáni tawáré naent, Hodái tawáré." <sup>23</sup> Hamá damáná, Hodáwanday préshtagé á jat, chiá ke áiá Hodá satá nakortagat. Jesmi kerm gept o mort.

### Pulosay awali mestágí sapar

#### Bárnábá o Shául

<sup>24</sup> Hodáay habar o kolaw róch pa róch gésch bayán o démá rawán at. <sup>25</sup> Wahdé Bárnábá o Sháulá gón komak o thékiáni rasénagá wati kár sarjam kort, cha Urshalimay sapará per tarret o átkant o Yuhanáesh ke Markás ham gwashaga but, gón wat áwort.

#### Bárnábá o Sháulay kásedi

**13** <sup>1</sup> Antákiahay kelisáyá, lahtén nabi o ostád hastat: Bárnábá, Shamun ke "Syáhal" ham gwashaga but, Lukius ke Keriniay báshendahé at, Manáhin ke hákem Hirudisay darbárá, áiay kasániay sangat at o Shául. <sup>2</sup> Wahdé róchag atant o Hodáwandá saná o satá kanagá atant, Pákén Ruhá gón áyán gwasht: "Bárnábá o Sháulá pa mani hamá káráni sarjam kanagá gechén bekanét ke man pa áyán gisshéntagant." <sup>3</sup> Cha róchag o dwáyá rand, á doénessh dast baddhá jat o ráh dátant.

#### Bárnábá o Shául dém pa Kebresá

<sup>4</sup> É dábá, Bárnábá o Shául ke cha Pákén Ruhay némagá ráh dayag butagatant, dém pa Selukiáyá jahlád butant. Cha ódá bójigá<sup>z</sup> nesht o Kebresá shotant. <sup>5</sup> Wahdé Sálámisay shahrá rasetant,

<sup>y</sup>12:15 Bázén Yahudiáni báwar esh at ke har mardomá préshtagé ham hast.

<sup>z</sup>13:4 Bójig, bezán lánch, yakdár, kashti.

Yahudiáni kanisahán Hodáay habaresh jár jat. Yuhannáesh<sup>a</sup> pa komaká hamráh at. <sup>6</sup> Áyán sajjahén jazirahá tarr o tábá kort tánke Pápusá rasetant. Ódá, yak drágén Yahudi paygambar o jádugaré distesh ke némi Báryashu at. <sup>7</sup> Áiá, watá gón wáli Sergius Pulosá hamgranch kortagat. Wáli, zántkárén mardé at. Áiá, pa Hodáay Habaray eshkongá, Bárnbá o Shául lóthetan. <sup>8</sup> Bale á jádugar, ke Yunáni zobáná áiay nám “Elimás” ent, Bárnbá o Sháulay démá óshtát o johdi kort ke wáli, Issá Masihay sará báwar makant. <sup>9</sup> Shául ke Pulos ham gwashaga bit, cha Pákén Ruhá sarréch, Elimásay némagá chamm sakkk dátant o gwashti: <sup>10</sup> “Oo Shaytánay chokk! Taw ke cha makr o mandrá<sup>b</sup> sarréch ay o har rástiy dozhmen ay, taw hechbar Hodáwanday rástén ráhay chapp o choth kanagay kárá yalahna nakanay?” <sup>11</sup> Bechár, annun Hodáwand<sup>c</sup> tará gipt, kóra bay o tán wahdéá, róchay rozhnáí dista nakanay.” Hamá damáná, áiay chammán moj o tahárókiá mán shánt. Dazmósh kanán shóházá lagget ke kasé áiay dastá begift o ráhá sój bedant. <sup>12</sup> Wahdé wáliá é dist, cha Hodáwanday tálímay zórákiá hayrán mant o báwarmand but.

### Pulos Yahudiáni kanisahá trána kant

<sup>13</sup> Randá, Pulos o áiay hamkár, cha Pápusay shahrá bójigá swár but o Pampiliahay damagá, Pergahay shahrá átkant. Cha ódá Yuhanzáyá á yalah dátant o Urshalimá per tarret. <sup>14</sup> Bale Bárnbá o Pulos, cha Pergahay shahrá démá rawán, Pisidiahay damagá, Antákiahay shahrá sar butant. Shabbatay róchá, Yahudiáni kanisahá shotant. <sup>15</sup> Tawrát o Nabiáni Ketábáni wánagá rand, kanisahay masterán gón áyán gwashti: “Oo brátán! Agan pa mardománi delbaddhiá gón shomá kolawé hast, darshán bekanét.” <sup>16</sup> Pulos pád átk, óshtát o gón dastay eshárahá gwashti: “Oo Esráilián o darkawmén Hodátorsán! Mani habarán delgosh kanéti. <sup>17</sup> É kawmay Hodáay, Esráilay Hodáyá may pet o pirok gechén kort o Mesrá jahmenendiay wahd o zamánagá sarperáz kortant o gón wati zórákiá cha Mesrá dar áyagay rahshóni dátant. <sup>18</sup> Chel sálay kesásá mán barr o gyábáná, áyáni kár o kerdi saggetant. <sup>d</sup> <sup>19</sup> Áiá Kanánay molká hapt kawm prósh dát o áyáni sardhagár wati kawmay mirás o melkatt kort. <sup>20</sup> É sajjahén sargwast, kesás chársad o panjáh sálá butant. Cha áiá rand, tán Samuil nabiay zamánagá, Hodáyá pa áyán kázia dásht.

<sup>21</sup> “Padá áyán bádsháhélóthet, gorhá Hodáyá cha Benyáminay kabilahá, Kisay chokk Shául, tán chel sálá áyáni bádsháh kort. <sup>22</sup> Randá Hodáyá á, cha bádsháhiay tahtá ér gétk o Dáud áyáni bádsháh kort. Hodáyá pa áiá gwáhi dát ke: ‘Mani del cha Yassiay chokk Dáudá rázig ent o á mani har wáhágá sarjama kant.’ <sup>23</sup> Cha hamá Dáuday nasl o padréchá, pa Esráilay kawmá wati kawl dáttagén rakkénök, bezán Issáí ráh dát. <sup>24</sup> Cha Issáay áyágá péśar, pákshódókén Yahyáyá sarjamén Esráilay kawmay démá jár jat ke á cha wati gonáhán pashómán bebant o pákshódi bekanant. <sup>25</sup> Wahdé Yahyáyá hezmatkáriay wahd halás bayagi at, áiá jost kort: ‘Shomay hayálá man kay án? Man, á naán ke shomá hayála kanéti. Á cha man o randa kayt o man áiay kawshbandáni bójagay láhek ham naán.’

<sup>26</sup> “Oo brátán, oo Ebráhémay nasl o padréch o darkawmén Hodátorsán! É rakkénagay kolaw o paygám, pa máshomá rawán dayag butag. <sup>27</sup> Urshalimay mardom o áyáni hákemán, Issá pajjáh nayáwort, bale gón áiay mayárig kanagá, áyán nabiáni hamá habar purah o sarjam kortant ke har Shabbatay róchá wánaga bant. <sup>28</sup> Harchont áyán pa Issáay koshágá hech sawab o dalilé nadist, bale cha Pilátusá lóthetesh ke áiá bekóshárénit. <sup>29</sup> Áiay bárawá harché nebisag butagat, áyán sarjam kortant o cha salibay dárá ér gétk o kabresh kort. <sup>30</sup> Bale Hodáyá cha mordagán zendag kort o <sup>31</sup> hamá mardom ke cha Jalilá áiay hamráhiá Urshalimá átkagatant, tán bázén rócháé áesh dist. Nun á, kawmay démá pa Issáay gwáhia dayant. <sup>32</sup> Annun má pa shomá hamé mestágá dayagá én, á kawl ke Hodáyá gón may pet o pirokán kortagat, <sup>33</sup> gón Issáay zendag kanagá, pa má ke áyáni chokk o óbádag én, sarjam o purahi kort, anchosh ke Zaburay domi bahrá nebisag butag:

“Taw mani Bach ay,  
maróchi man tará péda kortag.”<sup>e</sup>

<sup>34</sup> “Hodáyá gón é habarán ham kawl dáttag ke Issáay cha mordagán zendaga kant o jóni hechbara napussit:

<sup>a</sup>13:5 Bezán hamá Yuhanzá ke Markás ham zánaga bit.

<sup>b</sup>13:10 Mandr, bezán repk, sázesz, pachali.

<sup>c</sup>13:11 Asligén Yunáni nebeshtánka gwashit: “Hodáwanday dast”.

<sup>d</sup>13:18 Lahtén daznebeshtá átkag: “áyáni cháragi kort”.

<sup>e</sup>13:33 Zabur 2:7.

shahray mardomé at o jamurangén<sup>x</sup> gránkimmatén god bahá kanóké at. Á Pulosay habarán gósh dáragá at ke Hodáwandá áiay delay chamm pach kortant o áiá Pulosay habar mannetant. <sup>15</sup> Lidiahá gón wati lógay sajjahén mardomán pákshódi kort. Pákshódiá rand, áiá dazbandi kort o gwasht: “Agan shomá maná Hodáwandén Issáay hakkén mannógeré zánét, gorhá byáét mani lóngá bedárét.” Lidiahá gón wati bázén gwashagá márá mannént.

### Pulos o Silás bandijáhá

<sup>16</sup> Yak róché má zegr o dwáy jághá rawagá atén, móledé distén. Móledá jenné per at ke cha áiay zórá gaybuia kort o cha eshiá pa wati hodábondán bázén zarr o mália katthet. <sup>17</sup> Á, Pulos o may randá átk o pa kukkár gwashagá at ke: “É mardom, borzén arshay Hodáyá hezmatkár ant o shomárá rakkénagay yak ráhé sója dayant.” <sup>18</sup> Áiá tán báz róchá anchosh gwashán kort. Godhsará, Pulos delrésh o békár but, chakki tarrént o gón jenná gwashti: “Man tará pa Issá Masihay námá hokma dayán ke cha eshiá dar kap.” Hamá damáná jenn cha áiá dar átk. <sup>19</sup> Wahdé móleday hodábondán dist ke áyáni nap o katthay omét halás but, gorhá áyán Pulos o Silás gept, kasshán kort o bázárá, shahray masterání kerrá bortant. <sup>20</sup> Káziáni démá pésh kortant o gwashtesh: “É mardom Yahudi ant o may shahrá jérhah o pléndhi kanagá ant. <sup>21</sup> Má Rumi én o é málá anchén dód o rabédag tálím dayagá ant ke áyáni manmag o kár bandag pa má rawá naent.” <sup>22</sup> É dega mardom ham gón but o Pulos o Silasay démá óshtátant. Shahray masterání parmán dátant ke Pulos o Silasay pocchán bekasshant o áyán lath bejanant. <sup>23</sup> Cha bázén lath o kothá rand, bandijáhá bort o bandesh kortant. Bandijáhá negahpánesh parmán dát ke áyáni negahpánia sharr delgosh bekant. <sup>24</sup> Hamé hokmay sará, bandijáhá negahpáná bandijáháy tók tóki kóthiá bortant o áyáni pád konthband kortant.

<sup>25</sup> Shapnémá, Pulos o Silás jélyah tahá dwá kanán, Hodáyá satá kanagá atant. É dega bandig gósh dáragá atant. <sup>26</sup> Anágat, mazanén zeminchandhé but ke bandijáháy bonred, sorag o jombagá lagget. Hamá damáná, sajjahén darwázag pach butant o jéliáni zamzil botkant. <sup>27</sup> Jélyah negahpán, cha wábá pach larzet o ágáh but, disti ke bandijáháy sajjahén darwázag pach ant, gománi kort ke kaydi tatkag o shotagant. Nun pa watkoshiá zahmi kasshet. <sup>28</sup> Bale Pulosá tawár kort o gwashti: “Watá tawán maday, má sajjahén wati jághá én.” <sup>29</sup> Jélyah negahpáná cherágé lóthet o tacháná bandijáháy tóká shot o gón drahgá Pulos o Silásay pádán kapt. <sup>30</sup> Á cha jélyah dar kortant o gwashti: “Oo wájahán! Man pa wati rakkágá ché bekanán?” <sup>31</sup> Áyán passaw dát: “Hodáwandén Issáay sará imán byár gorhá taw o tai lógay sajjahén mardoma rakkét.” <sup>32</sup> Áyán Hodáwandén Issáay wasshén kolaw pa áiá o áiay lógay sajjahén mardomán rasént. <sup>33</sup> Shapay wahdá, Pulos o Silási gón wat bortant o áyáni thappi shoshtant. Á o áiay lógay mardomán hamá damáná pákshódi kort. <sup>34</sup> Randá áiá wati lóngá bort o warag dátant, áiay jend o áiay lógay sajjahén mardom, cha áiay Hodábawariá gal o shádán butant.

<sup>35</sup> Domi róchá, kázián wati kárdár jélyah negahpánay gwará ráh dátant ke: “É mardomán yalah beday.” <sup>36</sup> Jélyah negahpáná Pulos hál dát o gwashti: “Maná cha káziáni némagá parmán rasetag ke shomárá yalah bedayán. Paméshká shomá pa wasshi o salámati berawét.” <sup>37</sup> Pulosá passaw dát: “Má Rumi báshendah<sup>z</sup> én, bale é shahray masterán, málá bé hokmay borragá shahray mardomání démá janáéntag o jél kortag. Nun, á chérokái málá cha jélá kasshaga lóthant. Chosha nabit, báyad ent páde wat hamedá byáyant o málá dar bekanant.” <sup>38</sup> Kárdárán, é passaw pa kázián rasént. Wahdé sahig butant ke á doén Rumi báshendah ant, torsetesh. <sup>39</sup> Nun wat áyáni kerrá átkant o cha áyán pahelliesh lóthet o mennatwár butant ke cha é shahrá berawét. <sup>40</sup> Cha bandijáhá dar áyágá rand, Pulos o Silás Lidiahay lóngá shotant o gón báwarmandán<sup>a</sup> gend o nendesh kort, delbaddhiess dátant ke wati imánay sará mohr o káhem bóshtant o padá cha Pilipiay shahrá dar kapt o shotant.

### Tesálunikiay shóresh

**17** <sup>1</sup> Pulos o Silás, cha Ampipulis o Apuluniahay shahrán gwastant o Tesálunikiá átkant, Yahudián ódá kanisahé hastat. <sup>2</sup> Pulos wati héli o ádatay sará kanisahá shot o tán say Shabbatay róchá cha Pákén Ketábán gón áyán gapp o tráni kort. <sup>3</sup> Áiá gón bázén bayán o mohrént

<sup>x</sup>16:14 Jamu gránkimmatén rangé at.

<sup>y</sup>16:26 Bonred, bezán lóng yá diwáléay awali o johlterén red.

<sup>z</sup>16:37 Báshendah, bezán shahrwand. Rumay chérdastén kawmáni báz kammén mardom Rumi báshendah atant.

<sup>a</sup>16:40 Asligén Yunáni nebeshtánka gwashit: “gón brátán”.

<sup>30</sup>Randá, é gechén kortagén brát Antákiahá dém dayag butant. Ódá shot o kelisáay sajjahén mardomesh yakjáh kortant o kágadesh pa áyán rasént. <sup>31</sup>Ayán é kágad wánt o cha eshiay deljamí o delbaddhi dayókén kolawá báz wassh butant. <sup>32</sup>Yahudá o Silás ke wat ham nabi atant, óday brátesh gón bázén habarán delbaddhi dát o áyání báwaresh mohrter kort. <sup>33</sup>Chizé wahdá ódá mantant o randá, brátán á pa wassh o salámati roksat kortant o cha hamódá ke dém dayag butagatant, hamá jáhá per tarretant. <sup>34</sup><sup>35</sup>Pulos o Bárnbááy, Antákiahá mahtal butant o gón dega bázén mardomán hór but o Hodáwanday habaresh tálím dayán o sheng kanána kort.

## Pulosay domi mestági sapar

### Pulos o Bárnbááy jérhah

<sup>36</sup>Lahtén róchá o rand, Pulosá gón Bárnbááyá gwasht: "Sajjahén hamá shahrán ke má Hodáwanday habar raséntag, byá padá hamódá berawén o brátán bechárén ke bárén á chón ant."

<sup>37</sup>Bárnbááy wáhag at, Yuhannáyá ke Markás ham gwashag butagat, hamráh bekant, <sup>38</sup>bale Pulos áiy hamráh kanagá razá naat chiá ke áiá, Pampiliahay damagá á yalah dáttagatant o é káray tahá áyání hamráh nabutagat. <sup>39</sup>É dhawlá, Pulos o Bárnbááy watmánwatá tepák nabut, nathahetant o cha yakdomiá jetá butant. Bárnbááy, Markásay hamráhiá, bójigéá swár but o Kebresá shot. <sup>40</sup>Bale Pulosá, Silás gechén kort o brátán á, Hodáwanday mehr o rahmatáni báhóth kortant. Nun Pulos sar gept. <sup>41</sup>Kelisáyán mohr o zórmand kanán, cha Suriah o Kilikiahay damagán tarr o táb kanáná shot.

### Timutáusay hamráhi

**16**<sup>1</sup>Padá Pulos, Derbeh o Lestrahay shahrán átk o raset. Lestrahá, Timutáus námén moridé hastat ke áiy mót báwarmanden Yahudi o pet Yunánié at. <sup>2</sup>Lestrah o Ekoniahay brátáni nyámá Timutáus báz néknámén mardé at. <sup>3</sup>Pulosay wáhag at ke Timutáusá wati sáat o sapará hamráh bekant, paméshká cha rawagá pésar, pa Yahudiáni hárterá sonnati kanáént, chiá ke á hand o damagáni sajjahén mardomán zántagat ke Timutáusay pet Yunánié. <sup>4</sup>Shahr pa shahr tarrán butant o cha Urshalimay kásed o kamásháni gisshéntagén ráh o rahbandán,<sup>5</sup> brátesh pa manmagá sahig o sarpada kortant. <sup>5</sup>É dhawlá, kelisáyání báwarmand róch pa róch géshtera butant o báwaresh ham mohrtera but.

### Pulosay elhám

<sup>6</sup>Pulos o áiy hamráh cha Prijiah o Galátiahay damagán gwastant, chiá ke Pákén Ruhá á, Ásiáay damagá Hodáay habaray rasénag o sheng kanagá makan kortant. <sup>7</sup>Wahdé Misiahay simsáran rasetant, Bitiniahay némagá rawagay johdesh kort bale Issáy Ruhá pa óday rawagá naeshtant. <sup>8</sup>Gorhá cha Misiahá gwazán but o Truásay bandená átkant. <sup>9</sup>Hamódá shapá Pulosá yak Makduni mardé pa shobén dist ke óshtátagat o mennat kanán at ke: "Daryáyá begwázén, Makduniahá! byá o márá komak kan." <sup>10</sup>Cha é shobéná rand, má<sup>u</sup> pa Makduniahay raságá eshtáp kort, chiá ke cha é shobéná deljam butén, Hodáay razá hamesh ent ke má berawén o wasshén mestágá óday mardománi nyámá sheng o tálán bekanén.

### Lidiahay báwarmandi

<sup>11</sup>Má cha Truásá bójigá swár but o dém pa Sámutrákiay jazirahá shotén. Domi róchá cha ódá Nyápolisay bandená átk o rasetén. <sup>12</sup>Cha ódá Pilipiá shotén, ke Makduniahay á bahray<sup>v</sup> mazanén shahrá o Rumiáni menendjáh ent o tán chizé róchá hamódá mahtal butén. <sup>13</sup>Shabbatay róchá, cha shahrá darwázagá dar kapt o kawray lambá shotén. May hayál at balkén ódá Yahudiáni zegr o dwáy jághé bebit. Hamódá neshtén o gón lahtén janéná ke pa zegr o dwáyá átkagatant, habará goláshé butén. <sup>14</sup>Janénáni nyámá, Lidiah námén Hodátorsén<sup>w</sup> janéné ham gón at ke Tyátiyahay

<sup>r</sup>15:34 Bázén daznebeshtá band 34 átkag ke gwashit: "Bale Silásá shawr kort hamódá bemánít" néstent.

<sup>s</sup>16:4 Bechár: Kásedáni Kár 15: 20, 29.

<sup>t</sup>16:9 Á zamádagay Makduniahá, maróchigén Yunánay shomáli bahr ham gón at.

<sup>u</sup>16:10 Cha ed o rand, é Ketábay nebisók, bezán Luká, wat jáhé jáhé gón ent.

<sup>v</sup>16:12 Á zamánagá, Makduniahay chár bahr butagant.

<sup>w</sup>16:14 Hodátorsay máná esh ent ke Lidiah darkawmén báwarmandé at.

'Hamá pák o deljamén kawl o wádaháni barkatá shomárá bakshán  
ke gó Dáudá labzon kortagat.'<sup>t</sup>

<sup>35</sup>Paméshká, dega jághé ham átkag: 'Taw wati hamá Pákéná sarhag o pussagá naylay.' <sup>36</sup>Wahdé Dáudá wati wahd o bárigá, Hodáay wáhag sarjam kortant, mort o wati pet o pirokáni dhawlá kabr but o áiy jón ham pusset. <sup>37</sup>Bale á kas ke Hodáyá cha mordágán zendag kort, áiy jón napusset.

<sup>38</sup>'Oo brátán! Bezánet, cha Issáy némagá gonáháni pahelliay jár pa shomá janaga bit. <sup>39</sup>Mussáy Sharyatá shomárá cha gonáhán rakként nakort. Bale nun harkas ke Issá Masihay sará báwara kant áiy sajjahén gonáh pahell kanaga bant. <sup>40</sup>Hozzhár bét, chosh mabit ke nabiáni habar shomay sará sarjam bebant:

<sup>41</sup>'Oo malandh o maskará kanókán!  
Bechárét, hayrán o habakkah bebét,  
gár o zawál bebét,  
chiá ke man shomay dawr o bárigá anchén káré kanagá án ke  
toré shomárá begwashant ham,  
shomá hechbar báwara nakanétt.'<sup>g</sup>

<sup>42</sup>Wahdé Pulos o Bárnbááy cha kanisáhá dar áyag o rawagá atant, mardomán cha áyán lóthet ke démi Shabbatay róchá padá hamé sarháláni sará géshter habar bekanant. <sup>43</sup>Mocchiay pád áyagá rand, bázén Yahudi o darkawmén Yahudi butagén Hodátorsén mardom, Pulos o Bárnbááy hamráh butant. Pulos o Bárnbááyá á delbaddhi dát o gwashtant ke Hodáyay mehr o rahmatáni sáhegá bemánant.

<sup>44</sup>É dega Shabbatá, kamm o gésh shahray sajjahén mardom pa Hodáwanday habar o kolaway gósh dáragá mocch butant. <sup>45</sup>Wahdé Yahudián mardománi bázén mocchi dist, cha kast o konnatá zahr geptant, Pulosesh béezzat kort o áiy habarán démá óshtátagat. <sup>46</sup>Á wahdá, Pulos o Bárnbááyá gón deléri áyání passawá gwasht: "Márá cha sajjahénán pésar, Hodáyay habar gón shomá gwashagi at, bale shomá Hodáyay habarán namannét o watá abadmánén zenday láheka nazánét, nun má darkawmáni gwará rawén." <sup>47</sup>Hodáwandá márá hamé hokm dátág ke:

<sup>48</sup>'Man tará darkawmán nur o rozhn kortag,  
ke taw rakkénag o nejárt,  
tán donyáy goddhí marz o simsarán berasénay.'<sup>h</sup>

<sup>48</sup>Wahdé darkawmán é habar eshkotant, báz gal o shádán butant o Hodáwanday habaresh sharap dátant o haminchok mardomá imán áwort ke Hodáyá pa namiránén zendá gechén kortagat. <sup>49</sup>É dhawlá, Hodáwanday habar á sajjahén damagá sheng o tálán but.

<sup>50</sup>Bale Yahudián, sharapdár o Hodátorsén janén o shahray námdárén mardén, Pulos o Bárnbááy ázár dayag o badwáhiá shóréntant o áesh cha á damagá dar kanáént. <sup>51</sup>Pulos o Bárnbááyá wati pádání danz hamódá chandhetant o Ekoniahay shahrá shotant. <sup>52</sup>Morid gal o shádán, cha Pákén Ruhá sarréch atant.

### Pulos o Bárnbááy Ekoniahá rasant

**14**<sup>1</sup>Pulos o Bárnbááy wati héll o ádatay padá, Ekoniahay shahrá ham Yahudiáni kanisáhá shotant. Ódá áyán anchén dábéá hábar kort ke bázén Yahudi o Yunáni báwármánd butant.

<sup>2</sup>Bale hamá Yahudi ke báwar kanagá tayár naatant, á dega darkawmén mardomesh shóréntant, áyání pegresh Pulos o Bárnbááy helápá tarrént o zahrréch kortant. <sup>3</sup>Pulos o Bárnbááyá tán bázén wahdé hamódá dásht o pa natorsi Hodáwanday bárawá sháhidesha dát. Hodáwandá á, pa mójezah o ajabbatén neshání pésch dáragá wák o twána dátant o é dhawlá paddaria kort ke áiy mehr o rahmatay kolaw o paygám rást ent. <sup>4</sup>Shahray mardománi nyámá jérhah o nátepákiaí sar kasshet. Bahré Yahudiáni némagá but o á dega bahr gón Issáy kásedán hamráh but. <sup>5</sup>Yahudi o darkawm hór butant o gón wati hákemáni hamráhiá, kásedán ázár dayag o sengsár kanagay shawresh kort. <sup>6</sup>Kásed sahig butant o cha ódá jest o Likáuniahay damagay shahr, Lestrah o Derbeh o é dega kerr o gwaráni halk o hankénán shotant. <sup>7</sup>Hamódá Issáy wasshén mestágesh tálán kort.

<sup>f</sup>13:34 Eshayá Nabiay Ketáb 55:3.

<sup>g</sup>13:41 Habakuk Nabiay Ketáb 1:5.

<sup>h</sup>13:47 Eshayá Nabiay Ketáb 49:6.

### Pulos o Bárnbá Lestrahá rawant

<sup>8</sup>Lestrahá, yak mardé hastat ke pédaeshi langé at o hechbar gámi jat nakortagat. <sup>9</sup>Á Pulosay habarán eshkonagá at, Pulosá tachkáatchk áiay némagá cháret o zánti ke áiá pa drahbakshiá imán o báwar hast. <sup>10</sup>Gorhá Pulosá pa borztawári gwasht: “Pád á, wati pádáni sará bósht.” Á mard jáh serret o rawágá lagget. <sup>11</sup>Wahdé mardomán Pulosay é kár dist, Likáuniahay gálwárá gwashtesh: “É hodá ant ke bani ádamay shekl o dróshomá pa má ér átkagant.” <sup>12</sup>Áyán, Bárnbá “Zeus” námént o Pulos “Hermes”,<sup>i</sup> chiá ke masterén habar kanók Pulos at. <sup>13</sup>Zeusay parasteshgáh shahray dhanná at. Parasteshgáhay masterá, pa Pulos o Bárnbáyá káigáren gók o poll o shósheng shahray darwázagá áwortant. Parasteshgáhay master o mardománi romb hamé shawrá atant ke pa áyán korbánig bekanant.

<sup>14</sup>Wahdé kásed, bezán Pulos o Bárnbá cha áyán é wáhágá sahig butant, wati pocch o póshákán derrán o chák dayaná, gón kukkáre mardománi mocchiay nyámá átkant. <sup>15</sup>Gwashtesh: “Oo mardomán! Shomá ché kanagá ét? Má shomay dhawlén bani ádam én o bass. Átkagén shomará é mestágá bedayén ke é haráb o náhudagén kárán yalah bekanét o barhakk o namiránén Hodáy keshká begerét. Áiá ásmán, zemin, daryá o harché ke áyání tahá hastent, addh kortagant.

<sup>16</sup>Pésarigén zamánagá, Hodáyá sajjahén kawm mókal dátagant ke wati ráhá wat gechén bekanant.

<sup>17</sup>Angat ham áiá watá cha gwáhi dayagá dur nadáshtag. Pa wati mehray darshán kanagá, cha ásmáná hawra gwárénit o porbarén keshárán pa mósova ródénit, shomará pa alkápi ward o waráka dant o shomay delán cha wasshián sarrécha kant.” <sup>18</sup>Gón é habarán, kásedán pa hillaté mardom cha hayrát o korbánig kanagá dáshtant.

<sup>19</sup>Bale lahtén róchá o rand, bázén Yahudi cha Antákiah o Ekoniahá átk o shahray mardomesh wati némagá tarrentant. Pulosesh sengsár kort o gón é hayálá ke mortag, kasshán kanán cha shahrá dhann dawr dát,<sup>20</sup>bale wahdé morid Pulosay chapp o chágérdá átk o mocch butant, á pád átk o shahrá per tarret. Domi róchá, Bárnbáy hamráhiá, Derbehay shahrá shot.

### Pulos o Bárnbá Antákiahá pera tarrant

<sup>21</sup>Mán Derbehay shahrá ham, Issáy wasshén mestágesh tálán kort o bázén mardomé moridesh kort. Padá Lestrah, Ekoniah o Antákiahá per tarrentant. <sup>22</sup>Moridesh sar o sój kort o delbaddhi dátant ke wati báwará mohr bedárant. Gwashtesh: “Má, gón bázén sakki o sóriáni saggagá Hodáy bádháhiá shota kanén.” <sup>23</sup>Áyán pa har kelisáyá kamásh gechén kort o gón róchag o dwáyá, á kamáshesh hamá Hodáwanday báhóth kortant, ke áiay sará báwaresh kortagat. <sup>24</sup>Cha Pisidiyahay damagá gwazán but o Pampiliyahá átkant. <sup>25</sup>Padá Pergahá, Hodáy mestágesh rasént o dém pa Attáliyahay shahrá<sup>k</sup> jahlád butant.

<sup>26</sup>Cha Attáliyahá, bójigá swár but o Antákiahá per tarrentant. Cha hamódá pa hamá kár o mohimmá<sup>l</sup> Hodáy mehr o rahmatáni sepordah kanag butagat, ke nun áyán sarjam kortagat. <sup>27</sup>Wahdé Pulos o Bárnbá Antákiahá rasetant, áyán kelisáy mardom mocch o yakjáh kortant. Har káré ke Hodáyá cha áyání dastá kanéntagat, gón áyán gwashtesh o hálesh dát ke Hodáyá pa darkawmán ham imán o báwarmandiy darwázag pach kortag. <sup>28</sup>Pulos o Bárnbá tán dérá gón Antákiahay mordán mantant.

### Urshalimay diwán

**15**<sup>1</sup>Cha Yahudiahá lahtén mardom Antákiahá átk o brátesh sar o sója dátant o gwashtesh: “Tán wahdé shomá Mussáy Sharyatay randgiriá sonnat o borrok makanét, rakketa nakanét.”

<sup>2</sup>Pulos o Bárnbáyá, é sarhálay sará gón áyán dapják kort o sakk nátepák butant. Gorhá shawresh kort ke Pulos o Bárnbá gón dega lahténá, Urshalimá berawant o gón kásed o kamáshán é jérhahay bárawá habar bekanant. <sup>3</sup>Kelisáyá áyání ráh dayagay chen o lách kort o áyán cha Pinikiah o Sámerahay ráhá gwazán, har jáh é wasshén hál dát ke bázén darkawmán ham che paymá Hodáy ráh zortag. Cha é hálay eshkonagá, sajjahén brát báz wassh o shádán butant.

<sup>i</sup>14:12 Yunániáni báwar at ke Zeus o Hermes do hodá ant, Zeus masterén hodá o Hermes hodáyáni tarjomán o sohongó ent.

<sup>j</sup>14:13 Káigár, bezán mazanén narén gók.

<sup>k</sup>14:25 Attáliyah, bezán annugén Antáliyah.

<sup>l</sup>14:26 Mohimm, bezán hásén káré.

<sup>4</sup>Wahdé Urshalimá átk o rasetant, kelas o kásed o kamáshán wasshátk kortant. Har káré ke Hodáyá cha áyání dastá kanéntagat, hálesh dátant, <sup>5</sup>bale lahtén báwarmand ke péshá Parisiáni rombá butagat, pád átkant o gwashtesh: “Hamá sajjahén darkawm ke imánesh áwortag, báyad sonnat o borrok kanag bebant o hokm dayag bebit ke Mussáy Sharyatay randgiriá bekanant.”

<sup>6</sup>Gorhá kásed o kamáshán pa é habaray gisshéngá diwán kort. <sup>7</sup>Bázén habar o hálá rand, Petros pád átk o gón áyán gwasht: “Oo brátán! Shomá sharra zánét ke báz wahdá pésar, Hodáyá cha shomay nyámá maná gechén kort ke darkawm cha mani zobáná Issáy wasshén mestágá beshkonant o báwar bekanant. <sup>8</sup>Hamá Hodáy ke harkasay delay hálá zánt, darkawmí ham Pákén Ruh bakshet o pa wat zortant, anchosh ke Pákén Ruhí márás bakshetagat. <sup>9</sup>Hodáyá mayg o áyání nyámá hech park o péré naesh, wahdé á báwarmand butant, Hodáyá áyání del ham pák o palgár kort. <sup>10</sup>Nun shomá chiá moridáni gardená gránén jogém bandét o Hodáyá chakkásét? É bárá, na má zorta kanén o na may pirénán zort kortag. <sup>11</sup>Enna! Márás báwar ent, anchosh ke má gón Hodáwandén Issáy mehr o rahmatay tohpahá rakkén, hamé dhawlá á ham rakkant.” <sup>12</sup>Petrosay habaráni eshkonagá rand, sarjamén mocchi bétawár but o Bárnbá o Pulosay gapp o tránesh gósh dáshtant, ke Hodáyá cha áyání dastá, darkawmáni nyámá chónén mójezah o ajekkái pésh dáshtag.

<sup>13</sup>Wahdé áyán wati gapp o trán halás kort, Ákubá darráent: “Oo brátán! Mani habarán delgósh kanét. <sup>14</sup>Shamun Petrosá gwasht ke Hodáyá che paymá awali bará darkawmáni némagá pa mehr hayál gwar kort ke cha áyán ham pa wati námá kawmé gechén bekant. <sup>15</sup>É gón nabíáni habarán yakk o hamdap ent, anchosh ke nebisag butag:

<sup>16-17</sup>‘Á Hodáwand ke é sajjahén kárán yakjáh sarjama kant chosha gwasht: “Cha eshiá rand, man padá káyán o Dáuday kaptagén tambu<sup>n</sup> nök o mekka kanán.

*Man áyay wayránén jáhán padá jórhenán o rássta kanán,  
tánke á dega kawm dém pa Hodáwandá byáyant,  
bezán á sajjahén darkawm ke mani nám áyání delá neshtag.”*

<sup>18</sup>É habar cha dérigén zamánagán zánag butag.<sup>o</sup>

<sup>19</sup>Paméshká mani hayálá, má á darkawmáni ráhá janjál addh makanén ke Hodáy ráhesh zortag, <sup>20</sup>pa áyání benebisén: cha hamá korbánigán ke gón botáni námay geragá nápák butagant, cha zená o bénangiá, cha mordárén dalwatáni góshá, anchosh ham cha hónay waragá pahréz bekanant. <sup>21</sup>Chiá ke cha kwahnén zamánagán, har shahrá Mussáy Sharyatay jár perrénkén mardom butagant ke har Shabbatay róchá mardomesh kanisaháni tahá wánéntagant.”

### Pa darkawmén báwarmandán, Urshalimay kelisáy kágad

<sup>22</sup>Gorhá gón sarjamén kelisáy hórigá, kásed o kamáshán shawr kort ke cha wati nyámá lahtén mardom gechén bekanant o Pulos o Bárnbáyá hamráhiá Antákiahá rawán bedayant. Áyán cha wati némagá Yahudá ke Barsábá gwashag butagat o Silás, gechén kortant ke brátáni nyámá, é doén sarókén mardom atant. <sup>23</sup>Áyání dastá kágadé dátesh ke é dhawlá at:

“Má, kásed o kelisáy kamáshén mardom o shomay brát, shomará, bezán Antákiah, Suriah o Kilikiahay darkawmén báwarmandén brátán drud o drahbáta<sup>p</sup> dayén. <sup>24</sup>Má eshkotag ke bé may parmná cha may nyámá lahtén báwarmand hamángor átkag o gón wati habarán shomará deltaparkah<sup>q</sup> o paréshánesh kortag. <sup>25</sup>Paméshká má pa hamdeli shawr kort ke cha watá lahtén mardom gechén bekanén o gón wati dóstén Pulos o Bárnbáyá hamráhiá, pa shomá ráh bedayén, <sup>26</sup>hamá doén brátáni hamráhiá ke pa may Hodáwandén Issá Masihay námá wati sáh nadr kanagá chakk o pad nabutagant. <sup>27</sup>May é doén kásed Yahudá o Silás, hamá habarán ke má pa shomá nebeshtagant, sarzobáni ham gwashant. <sup>28</sup>Pákén Ruh o má, hamé sharter zántag ke lahtén bonyádi gappán o abéd, gránán báré shomay kópagán maladdhén. <sup>29</sup>Shomá cha botáni námá korbánig kortagén góshá, cha hónay waragá, cha mordárén dalwatáni góshá o cha zená o bénangiá pahréz bekanét. Cha é kárán watá dur dárag, pa shomá báz sharr ent. Wassh o salámat bátét.”

<sup>m</sup>15:10 Bechár: Mattá 11:29.

<sup>n</sup>15:16-17 Dáuday kaptagén tambu, bezán Hodáy bakshetagén bádháhiá.

<sup>o</sup>15:18 Ámus Nabíáyi Ketáb 9:11-12.

<sup>p</sup>15:23 Drud o drahbáta, salám o alayk.

<sup>q</sup>15:24 Deltaparkah, bezán paréshán, deltrakk.